

أسياد وعبيد 3

الْحَاجِرُ

سمير حمايه

الإهداء

حبات الأمل

عندما تبعثر الرياح والعواصف أحلامك. مللم خيوط الصبر واجمع حبات الأمل وابدأ من جديد.

ملخص أحداث الجزء السابق

إستطاع حسن أن يجمع أول نواة لعشيرة تقاوم
الظلم ، أحبوه جميعاً وسيدوه عليهم وعاهدوه
على الوقوف خلفه ولن يتخلوا عنه وكان أول قرار
من حسن إستكمال دخلة سديري على ليله
واحتفل الجميع بهم داخل المغارة . وبدأ بعدها
حسن تدريب سديري وجمدان ومرسال على
التحطيب والسيف.

– طريق الجبل

نسطر أحلامنا علي صفحات الأمل .، تتعدد الأبواب، وتكثر الفصول ،وتُصبح كتاب بلا عنوان نطل نقرأه ونعجز عن تفسيره ، لا تنظر إلى الخلف وأنظر هناك فالعالم

لم يكن يصلي قبل أن تشرق الشمس.

جعفر ورجاله فرضوا عليهم أن يدورون في ساقية بأعين

معصوبة وأجراس معلقة في رقابهم ليمتطيهم هؤلاء

الأغبياء،لم يتخلى ارمنيوس وبناته عن حسن ومن معه في

مغارة الجبل ومن وقت لآخر يحملون لهم الزاد والزواد

دائما يشعه تُجازف هي برحلة الجبل لكِبَر سن أبيها

والمرض الذي يُعجزه أوقاتاً كثيرة .

يشعة تسير كالعادة في الجبل حيث المغارة ، ولكن

هي لا تدري أن هناك عيون رصدت حركتها،بكر وطلب

رصدا سير يشعة في الطريق للجبل .

_أنت شايف اللي أنا شايفه ياواد يابكر.

_أيوه ، مش دي يشعة بنت المقدس.

_ أيوه هي ، هي راичه فين في الجبل.

_ تعالى نراقبوها من غير ماتحس بينا.

تهرب بأقدامها في طريق الجبل ولا تدري أن الوحوش

تحيط بها تتربص فريستها، هم يزرعون الرعب في أرض

الخوف ،يحرقون أغصان الزيتون،يصطادون طائر

الآمال،يذبحون الفضيلة ،والشرف ،والحرية،يقتلون الضمير.

بدأت يشعة الصعود للمغارة وطلب وبكر يراقبانها من بعيد

_ دي باين عليها داخله بيت الكفار.

_استنى نشوف ، مش ده بيت

التعابين ياواد ياطلب .

_ أيوه هو يابكر ياخويه.

.....

تصل يشعة مخل المغارة ، يقف مرسال حارساً

_ ست يشعه .

_إزيك يامرسال .

_أهلاً بيك ، البيت بيتك؟

يدخلان المغارة وطلب وبكر يرصدان حركتها متخفيان

وراء الأحجار .

_ دي دخلت المغارة ياواد يابكر.

_ شايف كل حاجه ياطلب.

_ فيه حاجه وراها .

_ تفتكر أيه ..؟

_حنعرف كل حاجه دلوقت .

.....

دخلت يشعه المغارة ورحبت بالجميع ، الحمداني

وابنه حمدان وسديري وليلة ورحان وزوجته مسعده

وحسن .

حسن

_ إزيك ياشعه وازاي عمي ارمنيوس.

_ بخير طول ماانتم بخير.

تلتفت نحو سديري .

_ حمدالله بسلامتك ياسديري .

للحمداني وحمدان .

_ كويس إنكم بخير .

الحمداني

_ تشكري يابنتي .

حسن

_ انت تابعه نفسك وبتيجي لحد هنا

أنا خايف عليك ياشعة .

_ الأمل مولود والرب موجود ياحسن .

.....

الصوص لم يتركوا لهم شيئاً يقتاتون منه ، الأصيل أصيل

حتى ولو حظه مال ..والخسيس خسيس حتى لو ملك

جبال.والكلب كلب حتى ولو زينوه بشال.

طلب وبكر في حالة ترقب .

_ دي عوقت جوه ياواد يابكر.

_ ايوه ، أكيد بتقابل حد ؟

_ تفتكر مين جوه ؟

_ دلوقت حنعرف ؟

.....

داخل المغارة يشعه تودعهم وليله تحتضنها

ليله

مش عشيه كانت دخلتي على سديري.

_ الف مبروك ياليله ، ربنا عوضكم خير

تلتفت لسديري

_ مبروك ياسديري

_ الله يبارك فيك عقبالك يايشعه .

يشعه لحسن

_ أنا كده إتعوقت ، حمشي بقى .

الفقير دائماً خارج خريطة الإنسانية مُطارِد في جبال

الهم وصحاري الوجد ، حقه في الحياة ، نقطة باهتة

على تلك الخريطة .

خارج المغارة حسن صمم أن يقوم بتوصيل يشعة

.....

المفاجأة أذهلت طلب وبكر.

_ أیه ده ؟ شايف يابكر مين معاها؟

_ أيوه ، اللي مايتسمى حسن .

_ بينا نرجعوا ياواد نقول للزي .

_ .اللي حيفرح قوى.

_ بينا نرجعوا بسرعه.

.....

حسن بدأ يشتاق لهذا الحلم القابع بين زوايا المستحيل.

لا توجد منطقة رمادية في الحب ،لأنه مخلوق من نور قلوبنا

فقط هي من تنشح بالسواد أحيانا ،الحب هو اللغة الوحيدة

التي يتداولها العالم وتتفق على ترجمتها كل أحاسيس

العالم لا يفرق بين حاكم ومحكوم ، سيد وعبد، كبير أو صغير

فقير أو غني . الحب لا يعرف سوى العدالة المطلقة التي

لا تفرق بين البشر. ..

حسن يسير مع يشعه يقوم بتوصيلها .

_.عاوز أكلّمك في حاجه .

_ مش عارف أفتح الموضوع إزاي.

يشعه تبتسم .

_ انت عاوز تكلمني عن لواظ صح..؟

_ أيوه ، ...أنت تعرفيها ؟

_ لا ماليش كلام كثير معاها والمرّة ..

الوحيدة اللي شفتها يوم ماكنت معانا

مع النسوان ، لكن بتسأل عنها ليه ؟

لايدري كيف يحدثها ، وماذا يقول لها ، هل يقول لها

هي الطفلة الشاردة التي تمرح وتلهو في قلبه وعقله

قديسة تكفلت بها الملائكة لتزفها حبيبة إلى قلبه هل يعترف بأنه الشقى المسافر إلى مدن أحلامها ليري
شمس الغد على أسوارها .

حسن يحاول أن يجعل من سؤاله عنها أمراً عادياً ويشعه

شعرت بحرجه في الإجابة .

ـ اعتبريني شايل جميلها لما هربتني

من حكم الإعدام .

يشعة تنظر لحسن وهي تبتمسم.

ـ بس البت حلوه ، حلوه قوي،

وماسمعتش عنها حاجه وحشه

كل أهل البلد بيقولوا هي غير أبوها.

ـ بتسمعي عنها من مين .

_ حليمه بنت الطواب على طول

قاعدة عندها .

حسن يبحث عن تلك القبلة النائمة على شفاة

الأحلام.

_ وهي ماتجوزتش ؟

_ حليمه بتقول ، مش راضيه بحد

ومافيش راجل مالي عينها وأبوها

نفسه يجوزها .

_ يعني قصدك ، هي مش لاقية..

الراجل اللي يستاهلها.

_ ايوه...

_ من حقها .

_ من حقها أيه ؟...أنت بتقول أيه؟

_بقول من حقها تختار اللي تتجوزه.

_إحنا ماعندناش الكلام ده ، عاوزه

أقولك حاجه ، لواحظ شكلها عشقتك .

البت حلیمه بتقول ماورهاش غیر سیرتك

یشعة أدركت أن الحديث طال بهما وحسن

لا يدري شيئاً ، ويجب أن يعود ، خوفاً من أن يراه أحد

..حسن الكلام أخذنا وأنت لازم ترجع ، احنا قربنا

على البلد .

_ معاك حق ، خلي بالك من نفسك .

يشعه بإبتسامة

_ ماتخفش عليه ، وحقول لحليمه تبلغ

لوا حظ إنك بتسلم عليها .

– مضية جعفر

لماذا أيامنا لا يليق بها الأبيض، هي حمراء، أو سوداء
وإن خفت بعض الأوجاع، أصبحت رمادية، جميل أن
نظل نبحث عن ألوان الطيف، لا تلتفت لمن لا ينظر إليك
فغالبا طريقه لا ينتهي بك، البكاء ليس ضعفاً ولكن أحياناً
نبكي بقوة لأننا تحملنا ما لا يستطيع الآخرون تحمله.
مأدبة كبيرة مليئة باللحوم وأطباق متنوعة من الطعام
يجلس عليها جعفر وإبنته لواحظ واللزي ومنيرة .

اللزي وهو يمسك بقطعة لحم ويقطعها.

– يجعله عامر ياجناب الملتزم.

جعفر يضحك

– يارب يتمر فيك .

منيرة

– بيت كريم ومفیش حد

كريم زيک ياسي جعفر.

_ كله من فضلة خيرك ياست

منيره، أنت ست كمل عيبك

عيب واحد بس .إن أخوكي

اللي .

يضحكون جميعاً ولوا حظ تراقب نظرات جعفر لمنيرة

التي يخلتسها بين حين وحين ، ومنيرة تشعر بها

وتبتسم في صمت كأنها في خجل .

يدخل الحارس مهرولاً

_ معلش قطعت عليكم الزاد.

_فيه أيه ياغول ..؟

_ طلب وبكر عاوزين يقابلوا اللي.

اللي معنفاً الغفير

_وده وقته ، قولهم يغوروا وأنا

حتغدا وأجيلهم.

_

_خليهم يدخلوا ، لما نشوف

أيه وراهم ؟

يدخل طلب وخلفه بكر .

طلب

_معلش قطعنا عليكم، بس احنا

مش قادرين نستنى ،

_ قول يابجم منك له .

_تعرف شوفنا أيه ؟

_ قول وماتطولش ، شفتوا ايه.

_ شوفنا حسن .

يظهر الإرتباك على لواحظ ومنيرة لاحظت إرتباكها

_ مالك يالواحظ ! فيه أيه ؟ وأنت اتخضيتي ليه.

_ لا متخضتش ولا حاجه ، بس المسلوقة (الشورية)

سخنه ليه .

_ يعني كده بس !

اللي هزته المفاجأة هو وجعفر.

_شوفتوه فين الي مايتسمى ؟

_ في بيت الكفار الي مليان تعابين

شُفت يشعه بنت المقدس أنا

وبكر راичه على الجبل ، قطرناها

من غير ماتحس بينا ، لقيناها

دخلت بيت الكفار ، قعدنا إستينناها

لقيناها طالعها هي وحسن بره المغاره

اللي بفرحه

_ وقعت وماحدث سمي عليك يا حسن

محدثاً طلب روح قول لهارون يحضر كل

الرجاله حنطلعوا في الليل نجيبهم من

الجبل .

جعفر

_ حتجيبه الليله دي ؟

_ أيوه ، مش حرتاح غير لما أجيبه.

لواظ هزتها المفاجأة وقعت أكلها

_ الحمد لله شبعنا .

منيره

_ لحقتي تاكلي !

لواظ

_ الي يشوفكم يشبع .

الأشياء الجميلة قطارها دائم التأخير دائماً، وبلا مواعيد
وتبقي الأشياء السيئة، حاضرة علي كل محطات الأيام
وقطارها نادرا ما يفارق المحطة ،دائماً نحتاج أن نتكلم ولكن
المصيبة أننا لا نفكر أنه لا يوجد من ينصت.
خبر معرفة مكان حسن أزعج لواحظ، سكت كل الكلام
والصمت هو فقط من يتحدث ، يرتعش قلبها وعقلها
تحدث نفسها ، كيف تتصرف ، ماذا تفعل لتتقذ حبيبها
كيف تنقذ حسن قبل أن يلحق به اللزي ،لا تحسبن كل
القلوب الجريحة تفرغ ذبيحة . بل بعضها يرفرف على
الأرض لينفض كل الوجد والغبار العالق بها.

هداها تفكيرها أن تنزل إلى حديقة المنزل وتترك نفسها

للصدفة ، أسرعت في النزول للحديقة مهرولة وقطع عليها

الطريق صوت أبيها.

_رايحه فين يالواحظ...؟

_حتمشى شويه في الجنينه .

_تعملي أيه في الضلمه دلوقت .

اللي

_تاخذ منيره معاها.

لواحظ

_ يابا إحنا لسه مدخلناش على العشا.

حتمشى لوحدي ، وأنت خايف من أيه؟

يابا أنا جوه الدار.

ي مدن العشق ايضا برودة وصقيع وسحاب وضباب وأمطار لا تنبت وعواصف صارخة تقتلع مشاعرك
وتلونها باللون الرمادي ، لوحظ تخشى أن يهاجر الأمل ، قلبها يعاني
دموع باردة لا تجد مكاناً للإختباء ،وقفت بجوار سور الحديقة
تبحث عن شئ ما لتطفئ حرق إشتعل في بستانها
ظلام ، نباح الكلاب ، ماتت الأغاني ، وجدت جزع نخلة على
الأرض ، رفعتها على السور وتأكدت أنها تستطيع حملها
هي ترمي نفسها في حضن الظروف ،عالققة في السور
تحاول أن تتبين أي وقع أقدام ،تنهيدة خراب في الحياة
تقتل أفراحها ،وترقص على شفا أحزانها ، تخشى أن يطول الإنتظار ، فيبحث عنها أبيها وربما منيرة ، تلك
المرأة التي
التي تشبه النحلة ، في فمها العسل ، وفي ذيلها إبرة .
الصدفة تبكي حالها ، في حيرة معها وضعت الصدفة ذراعين
لتنكأ عليهما لوحظ، الليل موحش وكأنه وحش متعطش
للآهات ، الصدفة لم تبخل عليها ورمت في طريقها سلوتي
يركب حمارته وهي صديقتها الوحيد وأنيسته .

السلوتي يتحدث مع حمارته بصوت عال ، رمته الصدفة

أسفل السور وهاجرت بعيداً تبحث عن مجهول آخر

لواظ تنادي على سلوتي بصوت خافت .

_سلوتي ، سلوتي

السلوتي محدثاً حمارته .

_فيه ايه يا حماره ، أنت سامعه حد بيقول سلوتي

_أنا فوق منك ياسلوتي .

_أنت ، أنت مين .

_قرب متخفش أنا لواظ.

_أقرب فين ، مش شايف حاجه

_أنا فوق السور.

_انت عفريته جعفر صح ؟

_ياسلوتي أنا لواظ

يقترّب السلوتي ويرى ملامحها

_ايوه أنت لواظ ، ومتشعبطه كده ليه ؟

_تعرف مكان حسن ياسلوتي؟

_أنت حلوه وحقولك ، أيوه أعرف في مغارتي

وسبتها ليه

_طيب روح جري عليه وقوله أن اللزي

بيحضر رجالتة وحيرو حله الجبل دلوقت

السلوتي .

_عاوزين أيه من حسن .

_عاوزين يمسكوه .

السلوتي يجري بحمارته وهو يهرتل

بالكلام .

_لا حسن حلو ، بلاش حسن.

يتجه بحمارته إلى الجبل، عادت لوحظ إلى حجرتها وهي تهذي.

أي جرم إرتكبناه، لِمَ يازمن تتخطفنا ، بأي شرع تحكم، حتى نستحق العقاب

ـ دار الطواب

عندما ينام الوطن تنطلق اللصوص وتنتشر الشياطين وتكثر الرايات الحمر...متى تستيقظ ياوطن، أسفل شجرة الوطن الباكية نللمم وريقات دامعة جرحها الخريف، دار بسيطة من الخوص ، يعيش فيها الطواب ،صانع الطوب اللبني وابنته حليلة وزوجته مصايب ، هي زوجة كارثية ، ترى في إسمها

ماليس فيها ، رغم إعتقاد زوجها الفخراي أنها إسم على

مُسمى ودائما يربط بين إسمها وشخصيتها وكانت تغتاض

من ذلك وتتشاجر معهم وفي يوم كانت امرأة حلبيه تمر

أمام الدر وسمعت مشاجرة بينهم ومصايب تُقسم أن

تغير إسمها ، وفي الي التالي جاءت المرأة الحلبيه

أمام الدار وتناي .

ـبييع الأسامي الجميلة للبنات والنسوان الكجيلة.

سمعتها مصايب وخرجت ونادت عليها .

ـأنت بتبيعي أسامي؟

_أيوه ببيع الأسامي الجميلة

للبنات والنسوان الجميله

_طيب قوليلي عندك أيه أسامي وريني

_ عندي اسماء كتيرة بهانه، عيوشه

تركيه .جملات دي أسماء رخيصة

_طيب والإسم الغالي أيه.

_لا ده تمه كبير

_كبير يعني بكام ؟

_تمه بقرة بتحلب.

_ماتغلاش عليه ، أيه هو الإسم

_ست الحسن

_يعني لو اديتك بقره ، أبقى ست الحسن

_أيوه ست الحسن وست الستات.

إحتالت الحلبيه على مصايب وأخذت البقرة حيلتهم

ومصايب إستحمت ومشطت شعرها وجلست

في منتصف البيت مربعة رجليها والفخراي

ينادي عيها

_يامصايب ، يامصايب.

خشي الرجل أن تكون قد ماتت وكسر الباب

ودخل ليجدها تجلس في زهو وفخر

_أيه ياوليه أنا مش بنده عليكي

_إنا ماسمعتش.

_إزاي دا الناس كلها سمعتني بصرخ

يامصايب

_إنا خلاص ماإسميش مصايب أنا

دلوقت ست الحست

_وجبتي منين ست الحسن.

_إشتريته

_إشترتيه بأيه؟

_بالبقرة .

الفخراي انهال عليها ضربا بيده ولطم على خديه

على حظه العاثر بها وخلصتهم حليلة بإعجوبة

هو دائما يعتمد على حليلة ولا يعتمد على زوجته.

.....

يشعه تطرق الباب وتفتح حلیمه وكانت مفاجأة لها

أن تجد يشعه هي لم تكن متعودة على زيارتها.

_يشعة ، إدخلي.

_إزيك يا حلیمه.

تدخل يشعه وتتبادل التحية مع الفخراي ومصايب

حلیمة أخذت يشعه لمنتصف الدار حيث توجد دكة

واجدة .

_اقعدي يايشعه ، عامله أیه أنت وازاي حسن.

_حسن بخير ، كنت عنده النهارده.

_بلاش تروحي ناحية الجبل كثير.

ممکن يشوفوكي.

_ الرب موجود يا حلیمه.

_أخبار لواحظ أیه ؟ لسه بتتحدث عن حسن.

هي وراها غيره .

_وباین حسن کمان انشغل بیهـا.

_إزای ؟

_وهو کان بیوصلنی مابطلش حدیت علیها.

_وقلی سلمیلی علیک .

_بتتکلمی جد حسن بعث سلام لیها.

_أیوهـ.

_یافرحتک یالوا حظ .

– طريق الجبل

ما الحياة إلا إختبار من نار، لا يجتازه إلا القليل، ولك الخيار

بين جنة، وجحيم.. فمن يمكنه النجاح في إختبار النار.

في ظلمة ليل عاثر، مضى سلوقي يتلمس طريقه إلى

الجبل، هو يعرف طريقه، يستأنس بضباح الثعالب وعواء

الذئاب، حتى حمارته تحولت لسفينة صحراء تنافس أعتى

الجمال ولكن هو ينهق والجمال يوبخ. وصل إلى مدخل المغارة، لم يهتم بمرسال وهو يحاول أن يتبين

سبب حضوره

في هذا الوقت، لم يعبأ بغضب مرسال الذي جرى خلفه إلى

الداخل ولم يتوقف حتى وجد حسن أمامه، يُحدث حسن

وهو يلهث وأنفاسه متصاعدة تسابق بعضها بعضا. ينطق

وهو يتلعثم وتتفرق من فمه الحروف.

–ح، حس، حسن.

–أيه ياسلوقي ! فيه أيه ؟.

–فيه ؟..ف، فيه ؟

–ريح وخذ نفسك.

يمسك حسن بيد السلوقي ويجلسه على الأرض

_الذي جاي هنا المغارة الليلة.

الحمداني

_جاين هنا وعرفوا إننا هنا إزاي؟

حسن

_إستنى ياعم حمداني خرينا نفهم

أكيد كشفوا يشعه ومشوا وراها

يلتفت نحو السلوتي.

_سلوتي وانت عرفت من فين

_لواظ هي الي قالتلي

حسن

_لواظ!

_أيوه ، هي قالتلي قول لحسن

أنا حمشي أحسن يمسوني

الذي ايده ثقيله

يخرج السلوتي مهولاً من المغارة مبتعداً عن المغارة

الحمداني

يمكن الكلام مش صح يا بني.

لوا حظ بنت جعفر حتعمل معروف ليه .

وحتكذب ليه ياعمي ، لوا حظ

سبق وأنقذتني من تنفيذ حكم الإعدام

المهم الآن لازم نفكروا في حل ، أنا حاخذ

حمداني ومرسال ونشوفوا مكان ناخدكم فيه .

خرج حسن من المغارة بحثاً عن مكان ، يخوضان مشقة

الطريق ، صعدا إلى الدرب يتلمسان طريقهما عبر الأحجار

ـ حجرة لواحظ

أكثر أساطير العشق مفقودة، وتبقى أسطورة عشق، حليمه تائهة ، عبر ممرات الأيام،روعة العشق، أنه يُغير العالم ،، يستهلكه بلهيب الإحتراق،ليل بلا نهار ، من أي سلالة هم ، تيار يتدفق من الأحزان في أعماق
لواحظ

لا تزال تُفكر وتفكر فيما قد يحدث لحسن، النسمة باردة

على خديها ويكاد الهواء يهاجر فضاء حجرتها،لم تصنع

كعادتها في المساء فطيرة من دمع العسل ورحيق الزهور

وطعم الفاكهة ، قصيدتها اليوم تلونت بالوجع، قطع تفكيرها

دخول حليمه عليها وهي في حالة فرح ونشوة .

ـ أنا جبتلك خبر يفرحك قوي ياست لواحظ.

ـ ماعدش فيه أخبار تفرح يا حليمه؟ أنا خايفه قوي.

ـ خايفه من أيه ؟

ـ اللزي والرجاله طالعين الجبل يمسكوا حسن.

ـ وعرفوا مكانه إزاي ؟

ـ طلب وبكر شافوا يشعه وهي رايجه لحسن.

ـ دي كانت لسه عندي، أيوه قالتلي إنها كانت عنده.

_ طيب والعمل دلوقت ؟

_ مكنش قدامي غير السلوتي قولتله يروح يبلغ حسن

_ مالقتيش غير السلوتي ، مابيتبلش في بقة فوله.

_ مكنش قدامي غيره .

_ أنت مش حتجيبها البر، مش حتسكتي لحد

ماتودي نفسك في داهية.

_ سيبها على الله ، قوليلي أنت يشعه

قالتلك أخبار عن حسن .

_ أيوه ، وفيه أخبار حلوه ليكي.

_ليه أنا ؟

_ زي مابقولك كده ، حسن وهو بيوصل يشعه

طول السكة بيكلمها عنك .

_ لا ! لا ! مش مصدقه!، حسن بيتكلم عليه.؟

_وهو أنت شويه ياستي ، أنت أحسن الرجاله

يتمناكي.

_ وأنا مش شايفه في الدنيا غير حسن .

_ قوليلي قالت أيه تاني.

_ حسن باعتلك السلام معاها

لم تتمالك لواحظ نفسها من البكاء، بكاء فرحه ممزوج

بالحزن ، الناي تتكسر نغماته، يتركها في صمت ، بلا

مواساة ،فقصيدة هذا المساء ضالة تبحث عن حروف

الأبجدية.

في الجبل

ما أصعب اللقاء في زحمة العمر، لننسج روايات نكتشف أن كل أبطالها من الخيال، فنحيا معها، وعندما نللم الأوراق و تنتهي الفصول... لا نجد سوى كتاباً إستمتعنا به لحظات ثم كان مكانه مكتبة الذكريات،
الذي رجل قوته في خدمة الشيطان ، لم يستخدمها يوماً في خدمة الناس وأهل البلدة

يُعثرون لعنائهم عليه. القمر أوشك أن يكتمل بدرًا .

الذي هرول بكل رجاله نحو الجبل وبالقرب من المغارة

_ هارون أنت خد نفرين وروحوا من اليمين

لكريم

_ وانت ياكريم نفرين من شمال بيت التعابين

وأنا وباقي الرجاله حندخلوا من النص ونتقابلوا

قُدام بيت التعابين ، كده مش حندوا فرصه لحد

يهرب.

.....

للحيرة بحار، لا تمر بها سوي سفن العذاب ،ومراكب اليأس ولا مجال لقوارب الأمل في الصيد فيها،حسن
وحمدان ومرسال في مغامرة البحث عن مكان آمن، بعد عناء ومشقة وجدوا مكان متطرف بعيد عن
العيون ومناسب.

حسن وهو يرتاح على أقرب حجر.

_ المكان ده كويس وأفضل من المغارة الثانية

_ صياد حتى مكانه بعيد عن غفرة الريح، ونقدر

نكشف منه أي حد يفكر يقرب منا .

ده الدرب الحقيقي وسبحان الله ، شارع طويل

بين جبلين ، لا وأيه درب عالي ومداخل الدرب

حجارتها كبيرة تنفع في مواقف الصيد او صد

عدو.

_ كمان فيه خير كثير وأرانب جبلية.

_ كده الوقت حيفوتنا ، نرجع نجيبهم من المغارة

قبل مايوصل اللزي .

.....

_ داخل المغارة

حياتنا بين صفحتين حلم وأمنية وغالبا نقف أمام الصفحتين

منتظرين، علمتنا الأيام أن الحزن لا يتحقق إلا بعد أننعيش الحلم، ونعيش لقاء بعد أمنيته، بعد طول
إنتظار وبحث في ذاكرة الحياه، ثم نستيقظ علي حمم لبركان الألم
وزلازل تهز أركان الجسد، ونُصبح رهينه بين الإنتحار والإحتضار.

داخل المغارة الحمداني وسديري ورحان وزوجته مسعدة، في قلق يترقبون حضور حسن ، الصمت يخيم
على الجميع

سديري محاولاً كسر حاجز الصمت .

_ وحدوه ؟

_ لا إله إلا الله .

_ ماتقلقوش زمان حسن وحمدان ومرسال

لقيوا المكان وراجعين ، وإن شاء الله يكونوا

هنا قبل اللزي .

_ ماحدث حياخد أكثر من نصيبه يارحان ياخويه.

عندما ينتحر الإنتظار يرقرف الأمل ذبيحا تحت أقدام

الأشقياء ، بينما هم في قلقهم وحيرتهم ، حدث

مالم يخطر لهم على بال ، فأسوأ الأحلام ليس التي لم تتحقق ولكن التي تتحول إلى كوابيس.

الذي يدخل عليهم المغارة ومعه هارون وكُريم وبعض الرجال

ملاك موت هبط داخل المغارة ، توقفت أنفاس الحمداني

ورحان ومسعدة ، ليله وسديري بعيداً في داخل المغارة ولا يشعران بما يحدث ، هم في سكرة عشق غابت بهم بعيدا لتطوف الخيال ، لا يشعران بشئ طوال اليوم، ولم يصلهم خبر قدوم الذي ولا خروج حسن بحثاً

عن مكان جديد يأويهم ،أتاهم الشر قبل أن

يطرق الباب،أصابتهم لعنته، ماتت الأناشيد ،ظائر اليأس

يُحلق مُستعمراً المكان ،الذي يتسم ساخراً وفي داخله

يقيم أفراح إبليس .

الحمداني محاولاً التماسك وملمة شتاته والذي لا يزال

يتفحص المفاجأة .

_ مين ؟ الحمداني ! شُفت الدنيا ضيقه إزاي؟

_عاوز مننا أيه ؟ البلد وتركناك تبرطع فيها،اتركنا

في حالنا .

الذي يقترب منه وهو يبتسم بسخرية

_ أتركك في حالك ،غالي والطلب رخيص

ح تركك لما أخلص عليك، ماهو مش

معقول اللذي يجي الجبل ومايتركش

عشا للديابه، الديابه كده حتقول عليه بخيل.

يرفع اللذي يده ليضرب الحمداني فيدخل سديري

وخلفه ليله ويقف في مواجهة اللذي جاعلاً الحمداني

وليله خلفه . يمسك بيد اللذي.

_ نزل إيدك يالذي .

المفاجأة تُسعد اللذي .

_لا ..! مش ممكن ! كل الحبايب هنا.

دنا محتاج أشكر حسن الي جمعلي الحبايب

كلهم.

يقترب من ليله ويضع يده يتحسس وجهها وليله

في ذهول .

_ وأنت كمان هنا يا عروسه ؟

سديري يندفع نحوها ويبعد يد اللزي .

_ ايدك ماتلمسهاش دي مرقي .

اللزي ارتفعت حدة غضبه

_ ماشي ، مش حلمسها

يهجم على سديري ويكيل له الضربات المتلاحقة

ليلة تحاول الدفاع عن سديري فيدفعها اللزي وتقع

بجوار مسعدة ورحان وهما يجلسان في دهشة

وذ هول ، رحان عجز عن التصرف ، أمسك بليله

ليبعدها عن اللزي ومسعدة تحتضنها وهي تصرخ

الحمداني حاول أن يتدخل هو الآخر للدفاع عن سديري

فأمسك به هارون وإنهال عليه ضرباً واللزي لا يتوقف عن ضرب سديري ، حتى أُجهدت يداه فبدأ
الضرب بالعصا

الضربات كانت أقوى من أن يتحملها سديري ، كريم

هجم وإنهال بالضرب على رحان الذي حاول تخليص

الحمداني من أيديهم ، سديري يسقط على الأرض

صريعاً، ليله تتجه نحوه وترقي عليه وهي تصرخ

_ سديري ، سديري ، اوعي تموت وتسبيني لوحدي.

_ روجي حتفضل معاك ياليله ، أنا شايفك قُدامي

عروسه حلوه لابسه أبيض في أبيض ، ماتبكيش

ياليله ، شايف ناس لابسين أبيض في أبيض جاين

ياخدوني ، ليله أنت أحلى ليله في ليالي حياتي

يقبض روحه ملك الموت ولا يتحرك وليله تصرخ

ورأسها فوق صدره، اللزي يمسك بها ويرفعها من فوق

سديري ، ليله تقف وتضرب بيديها صدر اللزي وهي تصرخ

وتهذي ، اللزي يرميها على كُريم .

_ خذها الدار عندي .

اللزي يطلب من أحد رجاله تفتيش المغارة من الداخل ، وسرعان مايعود.

_ مفيش حد تاني جوه ياسبع.

_ يبقى اللي مايتسمى مش هنا .

هارون وهو ممسكاً بالحمداني ورحان

_ حنعمل فيهم أيه .

_ حتاخدم معانا .

كُريم يُشير إلى مسعده .

والوليه دي حنعمل معاها أيه.

أنت حتستنى معاها هنا ، أنت ومعاك كام راجل. _

ولما ييجي حسن إمسكوه وهاتوه. ولو مارجعش

سيبوها للديابة .

رجال اللزي أحاطوا بالحمداني ورحان وليله ومسعده

لا تتوقف عن البكاء وصب اللعنات عليهم مشفقة على

زوجها رحان وكبر سنه ، اللزي يأمر رجاله بالنزول برحان

والحمداني وهو أمسك بليله ، خرج اللزي وبعض الرجال

من المغارة وتركوا كُريم وبعض الرجال مع مسعده لينتظروا قدوم حسن ويمسكون به .

خارج المغارة ، اللزي يمسك ليله وهارون يمسك بالحمداني، وطلب يمسك برحان ، اللزي في المقدمة يمسك بليله

الحمداني لا يتوقف عن اللعن والسباب ويعافر مع هارون

حتى يتخلص منه ، هم في حالة نزول من أعلى المكان

الذي يحتضن المغارة، الحمداني يقترب من اللزي.

_ سيب ليله يالزي ؟

الحمداني حاول أن يشتبك مع اللزي فعاجله اللزي

بضربات قوية أفقدت الحمداني توازنه وتدحرج من أعلى

إلى أسفل الجبل ، ليله تصرخ لسقوط أبيها.

_ أبويه يا ...؟ تبصق على وجه اللزي.

يصلون لأسفل الجبل ، أحد رجال اللزي يتأكد

من حالة الحمداني ، وجده مقطوع النفس .

_ الحمداني مات ياسبع.

ليله تصرخ أبيها حتى فقدت الوعي .

.....

حسن وحمدان ومرسال في رحلة العودة إلى المغارة

حمدان توقف فجأة ، يجثو على ركبتيه يتحسس الرمال

_ فيه آثار أقدام واضحة يا حسن وأقدام كثيرة ، حسن

يجثو على ركبتيه هو الآخر متتبعاً آثار الأقدام.

_ معاك حق يا حمدان اللزي ورجاله سبقونا على المغارة.

واصلوا السير بحذر وترقب ، صوت أنين وتوجع من الحمداني

لم يمت، كلما إقتربو من منطقة الصعود للمغارة الصوت يكون أوضح .

مرسال

_ سامعين الي أنا سامعه .

صوت الحمداني

_ سيب ليله يا ظالم.

حمدان

_ ده صوت أبويه .

يقتربون من مصدر الصوت حتى يصلون إلى مكان الحمداني

الدماء تسيل من وجهه ، غير قادر على الحركة، حمدان

كاد أن يصرخ أبويه فكنتم حسن أنفاسه .

_ إمسك نفسك يا حمدان .

حمدان يرمي على صدر أبيه .

_ فيه أيه يابا .

_ اللزي أخذ ليله يا حمدان وقتل سديري .

_ إمتى حصل الكلام ده ياعمي.

_ من شويه يا حسن يابني .

يبكي بحرقة

_ حترجعلي ليله صح يا حسن ، قولي حجيبك ليله.

_ ماتقلقش ياعمي وسيبها على الله ، المهم تهتم

بنفسك ياعمي دلوقت .

حمدان

_ طيب يالزي ، وراك والزمن طويل .

حسن

_ حمدان ، خُد أبوك بالراحه واطلع بيه على

المكان اللي كنا فيه .

_ وأسيبك لوحديك.

_ ماتقلقش عم حمداني الأهم دلوقتي

وبعدين معاينه مرسال .

حمدان

_ لا حاجي معاك يا حسن مش حسيبك

حمدان لأبيه .

_ تقدر تتحمل شويه يابا .

_ حقدر يابني ، ماتسبش حسن.

حسن

_ طيب ياعمي ، تعالى ناخدك في مكان أمين

واتحمل لحد مانيجي ناخدك.

حملوا الحمداني حتى وضعوه خلف حجر كبير بعيدا

عن طريق الصعود والهبوط للمغارة ، بدأ حسن وخلفه

حمدان ومرسال للصعود إلى المغارة في ترقب وجذر

إقتربوا من الجانب الأيمن للمغارة لم يجدوا أحد في

مدخل المغارة .

_ مفيش حد واقف قدام المغارة .

_ عاوزين يفاجأونا يا حمدان ،الذي أخذ ليله

ونزل ونصلبنا فخ فوق جوه المغارة.

_ طيب والعمل دلوقت ، أحنأ مانعرفش

عدددهم جوه .

_ استنى يا حمدان

حسن يمسك بحجر كبير ويدحرجه من أعلى، يخرج
أحد الرجال متلمساً مصدر الصوت الذي سمعوه وهم
بالداخل ، يحاول أن يستطلع الموقف ، حسن يأتي
إليه بخفة من الخلف ويكمم فمه ويضربه على رأسه
ويشد الخناق عليه .

_ قولي اللزي جوه ؟

الرجل يشير بيديه بلا وحسن يضغط على رقبته بمعصمه
بقوة .

_ مين جوه وكام عددهم .

_كُريم ومعاها اتنين من الرجاله .

حسن يوجه له ضربات متتالية حتى يترنح الرجل
ويسقط من أعلى.

من داخل المغارة يقلق كُريم من تأخر منازع ويطلب

من بكر الخروج ويأتي بمنازع حتى لا يراه

أحد، بكر يخرج ويتحدث بصوت واطي.

_ واد يامنزع ، أنت فين ، فينك يابو (ابو هو دومية

يصنعوها للبقرة أول الجاموسة التي يموت وليدها

وحتى لا تقطع الحليب ، يقومون بحشو جلد وليدها

الميت بالتبن ويضعونه أمامها على أنه وليدها ويمكنهم

بعدها حلبها بسهولة .

حسن يكتّم فم بكر من الخلف ويرمي به على حمدان

ومرسال ، يتلقّاه بالضرب المبرح حتى يفقد إترانه

ويسقط من أعلى ، حسن يعلم أنه لم يتبقى من الداخل

سوى كُريم ومعه رجل واحد. يدخل حسن المغارة محدثاً كُريم

_ أنا جيت ، عارف إنك مستنيني .

كُريم ساخراً

_ حمدالله بالسلامة .

يحمل كُريم عصاه ويتجه نحو حسن ويوجه له ضربة قوية

يتفادها حسن ، يهجم عليه الرجل الآخر فيركله حسن

بقدمه وكُريم يباغت حسن بضربة أخرى يتفادها ويمسك

بالعصا ويضرب بها كريم ، الرجل الآخر حاول الهروب

فتلقفه حمدان ومرسال ، يستطيع كريم الهرب

وخلفه الرجل ، حسن وهو يتجه نحو مسعده يجد

سديري مُلقى على الأرض ميت فيتجه نحوه صارخاً

_ سديري ، سديري .

يجري حمدان نحو سديري ويرقي على جثته

_ سديري ، سديري ، كلمني ، رد عليه

أنا حمدان صاحبك (يبكي بحرقة).

مسعده

_ قتلوه يا حسن وأخذوا عمك رحان والحمداني

وليله .

مرسال

_ عم حمداني لحقناه وبخير.

حسن يهذي ويضرب على حائط المغارة

وهو يصرخ .

_ دمك مش حيروح هدر ياسديري ولا كمان

دم أبويه اللي راح بسبب الظلم والطغيان

أنا وراك يالزي والزمن طويل .

_ أَمَام دَار الشَّيْخ أَدَم

يَسْتَسْلِم الشَّيْخ أَدَم لِمَقْص عَبْدِ الْمُتَجَلِّي هُو لَا يَفْرُق

بَيْن قِصِّ شَعْرِ الْجَمِيرِ وَقِصِّ شَعْرِ الْبَنِيِّ آدَمِينَ ، غَيْرَ مَا هَر

فِي ضَرْبَاتِ الْمَقْصِ وَغَالِبًا يُحَدِّثُ مَشَاكِلَ فِي كُلِّ حَلَاقَةٍ ، قَدْ

يَسِيلُ بَعْضَ الدَّمَاءِ وَيَنَالُ الْكَثِيرَ مِنَ اللَّعْنَاتِ وَالسَّبَابِ بِالْقَوْلِ

يَا قِصَاصَ الْحَمِيرِ ، عَبْدِ الْمُتَجَلِّي رَغْمَ أَنَّهُ جَاهِلٌ فِي قِصِّ

الشَّعْرِ وَلَكِنْ كُلُّ مَا كَانَ يَعْتَقِدُهُ الْمَحْلُوقُ لَهُمْ مِنْ تَبْوِيزِ

شَعْرَهُمْ أَصْبَحَ مَوْضِعًا فَهُوَ أَوَّلُ مَنْ قِصَّ قِصَّةَ الْكَابُورِيَا وَتَجْرِيدِ

لِلشَّعْرِ مِنْ أَسْفَلٍ لِأَعْلَى وَأَوَّلُ مَنْ كَانَ يَقْصُ قِصَّةَ عُرْفِ الدِّيكِ .

الشَّيْخُ أَدَمُ بِخُفَّةِ ظِلِّهِ الْمَعْتَادَةِ .

_ عَارَفُ يَا عَبْدِ الْمُتَجَلِّي .

عَبْدُ الْمُتَجَلِّي بِخُنْفَتِهِ الظَّاهِرَةِ وَأَسْلُوبِهِ الْمَعْتَادِ فِي الْحَدِيثِ مِنْ أَنْفِهِ .

_ قَوْلُ يَاسِيدِنَا .

_ أَسْوَأُ حَاجَةٍ فِي الْبَلَدِ دِي حَاجَتَيْنِ ، اللَّزِي وَرَجَالَتِهِ .

_ وَالْحَاجَةُ الثَّانِيَةُ هِيَ أَيُّهُ ؟

_ إنك الحلاق بتاع البلد دي.

_ أنا أحسن مزين يعمل تجريده.

_ ياخي إتنيل ، بتسمي الشلفطه بتاعتك تجريده.

قولي يا عبدالمجتلي .

_ أيوه ياسيدنا .

_ مفيش أخبار جديدة ، في البلد دي

الي بتولد كل يوم مصيبه .

عبدالمجتلي يضحك ويزداد خنقانه .

_ هي البلد بتولد كمان زي الحريم.

_ أيوه بتولد وتَجَبَل كمان ، تكون حُبلى في الليل

وتلد مع طلوع الشمس.

_ والله ما فاهم حاجه .

_ ولا حتفهم لأنك جُغف ، بقولك أخبار البلد أيه ؟

_ مفيش غير الي سمعناه ، اللزي مستنى حسن

ينزله علشان يخلص الراجل قريبه .

_ وتفتكر ياواد يا عبدالمجتلي يقدرُوا يمسكوا حسن؟

_ لا مفتكرش ، ده واد عفريت ، سمعت أنه ضرب كريم

وبكر والرجاله ولسه فيهم اللي وشه وارم واللي بيُعرج.

_ أهو اللزي هو اللي كان يستاهل العلقه دي ؟

خلصني بسرعه علشان أروح أعدي على المقدس.

_ داخل حوش كبير

يدخل اللزي الحوش حيث يجلس رحان ،دبيب أقدامه تكاد تكون معروفة ، فلديب أقدام أهل الشر صوت مُزعج حتى ولو كانت خطواتهم هادئة ،لا ينفذ عن قلبه الشر العالق

في قلبه ، رحان يجلس في ملكوت آخر ، يداعب نسيمات

الإيمان ، أنفاسه مسرله بخيوط الصبر، ممسكاً بسبحة

لا يتوقف عن التسبيح .

اللزي ببرد متناهي.

_ قولتلي إسمك أيه .

_ رحان .

_قولي يارحان ، حسن يقربك أيه ؟

_ يبقى ابن أخويه.

_ كداب ، وعيب تبقى راجل كبير وماسك سبحة وكداب.

أنت عبد عند الواد ده .

_ لا مش صح ، أنا كنت عبد عند أبوه ،ولكن دلوقت حر.

_ أيوه ، يعجبني الكلام ده ، أنت دلوقت حر ،أيه رأيك

تسلمني حسن وأن أدلك دار وأخليك تعيش وسطينا.

_ مش عارف أرد عليك وأقولك أيه يابني ، ربنا يهديك

عاوزني أسلمك حسن ، أنت تعرف حسن بالنسبه لي

أيه ، أغلى من ولدي وأغلى من نفسي كمان.

_ فكر في اللي قولتلك عليه ، وقدامك وقت طويل

علشان ترد عليه .

_ طلبك مايستاهلش أفكر فيه يالزي.

_ يبقى خليك وسط البهايم ، الظاهر إن عيشتهم عجبك؟

_ على الأقل أحن من بني آدمين كثير.

_ داخل دار أرمنيوس

مع غياب الفرحه والنور ، يصير الحلم كابوساً مُزعجاً
ووجوه البشر لا تشرق بنور الصباح، بل تَغْرُب دائماً
مع الشمس ، ليتسع الطريق للحشرات تنتشر هنا
وهناك بأنواعها المختلفة ، فيها العقارب تسير في
دبيب رافعة ذيلها ، تبحث عن قطعة من الجلد تتبول
فيها سُمّها، وهناك الأفاعي تتلوى وتتراقص بحثاً عن لدغة
ولكن الأفاعي أحسن حظاً من البشر ، فهي لا تؤذي
سوى من يؤذيها .

يجلس الشيخ آدم مع أرمنيوس على الدكة ، الشيخ آدم
من وقت ما علم بأن حسن هو ابن أستاذه الشيخ عامر
وتعاطف معه وانشغل به .

_ أحنا حنسيب حسن لوحده كده قدامهم يامقدس ؟

_ واحنا بإيدينا أيه ياشيخ آدم.؟

_ أهى الكلمة دي اللى بتفرسنى ، كل ما أكلّم حد

يقولى وأنا بإيدي أياه أعمله ، خلونا حاطين جالوس

طين فوق روسنا وساكتين .

_ أياه اللى أقدر أعمله ياشيخ آدم ؟

_نروحوا نقابلوا جعفر ونخلوف يخلى اللزى يخف

شويه عن البلد.

_وهو جعفر حيسمخ كلامنا،وبعدين اللزى

مش حيسيننا ، إعمل معروف اسكت ، أخويه

منقريوس ساب البلد وهج ، وأنا قدامى كام شهر

ومش حيسيونى، ياشيخ آدم ماعدش حيلتى

غير البننتين وعاوز أجوزهم وأسترهم.

_لقد صدمتنى يامقدس ، عشمى فىك

كان أكبر من كده ،

_ أنا أقدر أطاوعك ،وأروح معاك ولكن وبعدين ؟

_ وبعدين دي سيبها للمولى هو اللى بيرتبها.

تدخل يشعه متداخلة في الحوار

_ كلام الشيخ آدم صح يابا .

أرميوس معاتباً يشعه .

_ أنت بتتصنتي علينا يايشعه.

_ غصب عني يابا.

_ قال الله في كتابه الحكيم (واعتصموا بحبل الله

جميعاً ولا تفرقوا) صدق الله والعظيم ، يشعه ماغلطتش

يامقدس وده وقت لازم نبقوا فيه يد واحده ،الطوفان جامد

حيغرقنا كُلِّنا .

_ في الجبل .

بعد أن إستقر الحال بحسن ومعه الحمداني ومسعدة
ومرسال وحمدان ، إستغل ماحوله من أحجار وأقام خيمة
جعل من الأحجار مصاطب داخلية لها وإفترشها ببعض
الحصير ، موقع المكان بعيد عن الأنظار واتخذة حسن مقر
مؤقت ، في ظلمة الفجر ومع حفيف نسيمات فجر الصباح
الجميع تهرد على النوم ، مسعدة تبكي رحان ، الحمداني
نائم وحسن وحمدان ومسعدة هم فقط من طار النوم من أعينهم .
حسن يخفف عن مسعدة .

_ أنت الدموع مابتفارقش عنيك ياخاله ، هوني
على نفسك شويه.

_ عمك رحان مش حمل بهدله ياحسن يابني

_ إطمني ياخاله ، مش حيهدا لي بال إلا لما

أجيبه .

مرسال مُندفعاً في الحديث .

_ يبقى ننزلوا دلوقت يا حسن ونجبوه ، أنا مش

قادر أتحمل أكثر من كده ، مر علينا إسبوع ومنعرفش

حاله أيه ، عايش ولا ميت ؟.

_ عمي رحان عايش يامر سال ومش حيضروه

وماتقلقش ، هم مش محتاجينه هو ،الموضوع

عاوز ترتيب ، ولا عاوزنا ننزل وإحنا حتى مانعرفش

مكانه.

حمدان

_ معاك حق يا حسن واعذر مر سال ، أنا عايش اللي عايشه

وكلي قلق على اختي ليله.

حمدان موجهاً كلامه لمر سال

_ مش أنت بس اللي حزين يامر سال ،كلنا حزانى

على عم رحان وعلى اختي وعلى العريس اللي

مات ومالحقش يتهنى بعروسته .

حسن

_ إحنا محتاجين العقل دلوقتي ، وللازم ترتيب

واللزي لازم ياخذ ضربه توجعه .

حمدان

_ تقصد أيه يا حسن .

_ اللزي كل تفكيره أنه يصطادني وأنا رايح

أخلص عمي رحان ، مش كده ؟

مرسال

_ أيوه وهو واخذ أبويه علشان كده .

_ أنا حخليه يلف حوالين نفسه وبعد

ما أدوخه وهو بيلطش خلص ليله وعمي رحان.

حسن لحمدان .

_ تعالي يا حمدان عاوزك.

يخرج حسن لخارج الخيمة ويتبعه حمدان .

_ قولي يا حمدان ، أيه اللي تعرفه عن اللزي؟

_ هو الدراع اليمين لجعفر ، وتقدر تقول بيعمل

كل حاجه في العلن وفي السر ، مع جعفر وفي

السر ضده ، حتى السرقة ونقب البيوت بيخلي

رجالته يعملوا كل حاجة.

_ بس كده .

_ يسرق من محصول جعفر ويخزنه ويبيعه لحسابه.

_ والحاجات اللي يسرقها بيخزنها فين ؟

_ ليه جنينة في منطقة الكتره بعيدة عن الأنظار وعن

البلد .

_ هو ده اللي كنت محتاجه ،يبقى أول ضربة للزي

حتبقى في الجنينة .

_ الحوش

مهما كنت قوياً سوف يأتي من يحاول أن يُضعفك، للحزن دروب وشوارع موحشة .حتي ولو أشعلت
شمعة لابد أن تتعثر فالهم جثث ومطبات صعب اجتيازها،فإن خاصمتك الدنيا فابتسم فهي ولدت من
رحم الألم، رحان وسط وحشة الرائحة ، بين مأمأة الخراف وخوار العجول وثُغاء الماعز يردد

داخله ما يحفظه من القرآن.يستند على حائط الحوش

يدخل اللزي وخلفه هارون يركله بقدمه.

_ قوم فذ ياعبد .

رحان يستند للجدار وهو يقف .

_أديني قُمت يالزي،عاوز تموتني ، موتني وريحني.

_ يعني السبع مجاش علشان يخلص عبده وتلاقيه

باعك.

_وياريت مايجي ولا تفكر أني مستنيه يجي ويوقع

في إيديك.

_ أنت لو كنت غالي عنده ماكنش سابك ولاضحى بيك.

_ وأنا أفديه بروحي ومش مستني منه حاجه.

_ الظاهر إن الكلام معاك زي قِلْتَه، ومحتاج تتأدب

شويه .

الذي يلتفت بعينه نحو هارون .

_ شايف المربط ده ، اللي مربوطه فيه الجاموسة .

_ أيوه شايفه ياسبع.

_ شيل الوتد ، واربط الحبل في رجليه مكان الوتد

علشان هو يجز في الجاموسة والجاموسه تجر فيه؟

هارون فك الحبل من الوتد وربطه في قدمي رحان

وقام بتوثيق يديه .

_ كده كويس ياسبع .

_ والله المفروض تتربط معاه يابجم أنت.

– في الطريق

كلما زادت طبيبتك وحسن نيتك كلما كانت جروحك أعمق وألامك أعظم ، غالبا نكره التفكير في الحقيقة
حتى نحافظ على قصور الوهم التي نبنيناها ، الشيخ آدم بصحبة المقدس

أرمانيوس في محاولة يائسة مع جعفر، والمقدس أرمانيوس

يجر معه الشيخ آدم ويسأل نفسه ، كيف نثق في جعفر

لنسأله حالنا ، هو يود أن يسأل الطيور لِمَ فارقت فضانا

ويود أن يسأل الهواء ، لِمَ تراه أعمانا .

– على مهلك يامقدس ، ماتكُنش فاكربي مفتح.

– معلش ياشيخ آدم ، أنا خطوتي كده .

– وأنا خطوتي مش كده ، تقوم تُجر فيه.

– علشان أخليك تلحق صلاة العصر.

الشيخ آدم يبتسم

– لا قول أنك رايح المشوار من غير نفس.

– بصراحه أه.

_ يعني أنا اللي نفسي مفتوحه لزيارة

هذا التيس المتمرد، أهو نبقوا عملنا اللي علينا.

_ بتضحك عليه وعلى على نفسك ؟ أنت بتحاول

ترضي ضميرك وبس ، وأنت عارف اللي حيحصل.

_وهل هذا عيب يامقدس ، إنه أضعف الإيمان.

.....

صوتها يناديه قبل الحروف ،موجة العشق تلاحق رمال

قلبها ، أحلامها به عذراء، هو لها الداء والدواء، وما من

حبه شفاء،هي تشتاق لهذا العسل بطعم المر ، هي

تتمنى أن يكون الحلم النائم على شفيتها،ولا يوقظها

فجر الصباح .

في حديقة قصر جعفر ، تقف لواحظ بجوار شجرة الأكاسيا

والمعروفه لهم في الصعيد بشجرة السنط وهي المنتجة

للصمغ، هي تستظل دائماً بتلك الشجرة، هي صديقتها الوحيدة في المنزل ، تحدثها وتشكي لها همها .

_ قلبي معاك يا حسن ، ياترى عامل أية ؟ قادر تفكر

في لوحظ ولا المواجه واخداك بعيد عني ، خايفه عليك

يا حسن ، كلي خوف عليك .

تسمع لوحظ صوت عند باب القصر وجدال ، يبدو أنها

عرفته ، هو صوت الشيخ آدم وهو المجادل الأكبر في البلدة

تسمع صوت الحارس يخبره أن أبيها نائم ، تتجه نحو الباب

_ فيه أية يامجاهد ؟

_ الشيخ آدم والمقدس عاوزين يقابلوا جناب

الملتزم وقولتلهم نايم ومش عاوزين يمشوا.

_ خليههم يدخلوا.

يدخل ارمنيوس وهو يقود الشيخ آدم .

_ أهلاً ياسيدنا ، إزيك يامقدس.

الشيخ آدم

_ أهلاً وسهلاً بيك ياست لوحظ،

أرمنيوس

_ عرفتھا لوحذك إنها الست لوحظ یشیخ آدم.

_ ومن لا یسُم رائحة الورد یامقدس ، هی الوردة

الوحيدة فی شوك تلك الدار.

لوحظ تضحك وتقودهم لحجرة المضيفة وتحاول أن

توقظ أبیها الذي مازال نائما وأذان العصر إقترب، وبعد

محاولات مُضنيه مع أبیها جعلته یوافق على مقابلة

الشیخ آدم والمقدس .

.....

الشيخ آدم يتحسس الكنبه وما عليها من وسائل

يأخذ نفساً عميقاً.

_ شايف يا مقدس الدك الحلوه، مش الدك بتاعتنا

الي الحصر هرت مؤخراتنا، ولا الضهر حاجة تفرح

مش خشب يكسر ضلوعنا.

أرمنيوس يهمس في أذنه.

_ أسكت أحسن جعفر جاي .

_ مايجي ، هو أنا بخاف .

يصل جعفر ويبدو عليه أنه مُستاء من رؤيتهما ، بترحيب بارد.

_ أهلاً ياشيخ آدم ، إزيك يامقدس .

الشيخ ادم يشعر برعشة في جسد أرمنيوس

بجواره .ويهمس له .

_ أيه يامقدس ، أنت حتترعش من أولها.

أرمنيوس يهمس في أذنه.

_ ياسيدي قولتلك بلاش المقابله دي

أنت مش شايف شكله عامل أيه.

جعفر

_ خير ، أنتوا عاوزني في أيه ؟

الشيخ آدم هامسا للمقدس.

_ أتكلم أنا ولا تتكلم أنت .

_ لا إتكلم أنت ، أنت الكبير.

_ أيوه لبسني العمه.

الشيخ آدم يتربع في جلسته ، يُهَندِم عمامته، يتنفس

بعمق ، ينتظر أن تسعفه الكلمات ، نسمة من النسائم

هربت والعرق يتصبب على وجهه ، أخرج منديلَه ومسح

العرق .وبدأ محاولة الحديث.

_ أنت عارف يا جناب الملتزم أن العصر قرب وانت

لسه قايم .

_ وأنت مالك ، قايم العصر ولا المغرب ، قول عاوزني

في أيه ؟

_الشيخ آدم طبعا حقول عاوز أيه.

يغمز أرمنيوس بكوعه .

_ ماتتكلم يامقدس أنت سايني ألك لوحدي.

_وأنا حتكلم أقول أيه ؟

يصحو فجأة الشيخ آدم من غفوته وخوفه.

_ ما هو اللي بيحصل في البلد مايرضيش

حد .

_ أيه اللي مايرضيش حد ؟

_ اللي بيعمله اللزي ، حرق دار الحمداني

وقتل سديري وخطف ليله .

_واللزي عمل كده ليه ؟ مش علشان الحمداني

مارضيش يجوزه بنته ،

_وهو الجواز بالعافيه.

_ وهو اللزي فيه حاجه تتعيب؟

_ يعني أنت عاجبك عمايله.

_ من حقه يعمل أكثر من كده ، مين الحمداني

علشان مايرضاش بيه ؟

_ تصدق أنا غلطان اللي جيت ، جيت أدور

على شويه رحمه عندك ، الظاهر رحمه

إستخسرت تعرفك .ومالوش لازمه الكلام

معاك وأهل البلد ليهم رب كبير أكبر مني ومنك

قوم بينا يامقدس الكلام منوش فايده.

_ ياريت تخليك في حالك وبس ياشيخ آدم

تصلي بالناس وتشوفلك خاتمه تعملها وبس.

يقف الشيخ آدم وقبل أن يهم بالخروج

_ أيوه ، وأمشي جنب الحيط وأحط مراكيب

البلد كلها في بقي علشان ترتاح ياملتزم .

– دار اللزي

هي زهرة المدائن تُبعثر أنفاسها على أسوار متهالكة
لم يُعد لها كتاب تُسطر فصوله، وقعت فريسة في خيوط
الأيام المتشابكة والمتداخلة في دوائر صغيرة، كانت تعيد
تقسيم أيام الأسبوع، فنفرت منها، هاجرت بعيداً، كل أيامها
أصبحت وجع. تتربص بها تلك الحية الرقضاء، تتلوى حولها
كل حينٍ وحينٍ وتُبث لها سمها .
منيرة تنظر ليليه بإحتقار.

– الي زيك المفروض يدفنها بالحيا يا عشيقة

الرجاله، قتلتي واحد وبتعذي واحد.

–إعملي معروف سيني في حالي يامنيره.

– وليك كمان نَفْس تتكلمي، هاتي جالوس

طين وطنيني راسك بيه يا فاجره.

–سُقت عليك النبي تبعدي عنى، سيبيني

في حالي ، أنت طول اليوم موراكيش غيري.

_ أيوه إهمسكنى وأنت عامله زي العقربه.

_ مش عارفه أنا عملتلك أيه ؟ علشان عملي

فيه كده .

_ عملتي أيه ؟ مش حاسه بنفسك، قتلتني

سد

ثم تتدارك نفسها منيره محاوله إبعاد حقدھا وغيظھا

منھا على تفضيل سديري لها ورفضه حبھا.

مستدركة

_ رفضتي أخويا اللزي ، سبع الحاجر .

يدخل اللزي الذي إندهش من وجود منيره في غرفة

ليله وكان قد حذرھا من الإحتكاك بھا ، فقد رآھا سابقا

تحاول خنقھا ومرة أخرى تضربھا بزبابة الكنس سباط

البلح .

_ أنا مش قولتلك بلاش تدخل هنا؟.

هي تتلون كالحرباء ، تجاول أن تبرر وجودها

لأخيها اللزي .

_أنا كنت جايه علشان أشوفها يمكن عاوزه حاجه.

_مالكيش دعوه بيها خالص ومحدث يدخل عليها

غير حليمه بنت الطواب ، يالا غوري إطلعي من هنا.

منيرة وهي في حالة غيظ من أخيها وبرود.

_ أنا غايره يالزي ، وربنا يشفيلك قلبك اللي تاعبك.

اللزي بغضب

_ بتقولي أيه ؟

_ مابقولش حاجه واصل.

تخرج منيره ويقترب اللزي من ليله .

_ هي قالتلك حاجه تزعلك .

_ لا مقالتش حاجه .

_ طيب أنت عاوزه حاجه .

_ مش عاوزه حاجه وسيبني في حالي يالزي

مش بطيق أشوفك.

_ ماشي ياليله .

يخرج اللزي من حجرة ليله وهو في حالة غليان ، هو لم يعاملها بعنف منذ أن خطفها ويحاول أن يسترضيها وهي

تصدّه ، ووفر لها في حجرتها كل شئ ، وهي لا تشعر به

وتردد اسم حبيبها سديري .

جلس اللزي في حجرة مضيافته.

_ أيه يالزي ؟ ، بقي مرّه تعمل فيك كُده ، تلخبط

حياتك ، الناس شايفاك راجل سبع ، الكل بيعملك

ألف حساب وأنت جواك راجل عاجز ومكسور ، ومن

مين ؟ حُرمة تبهدلك كده .

– في طريق زراعي ضيق

الوقت منتصف الليل، طريق ضيق وموحش ، نغمات

شاذة تتناثر هنا وهناك بين نقيق الضفادع ونباح الكلام

ويختم النغمة عواء الذئاب ، حسن ومرسال وحمدان

يسيران في الطريق المؤدي إلى الكترة ، حسن لم ينسى

هذا الطريق ولا وحشة هذا المكان فقد سبق أن مر بنفس المكان بصحبة رحان ومسعده ومرسال بعد
نزولهم من مركب منقريوس .

حمدان

– إحنا قربنا من الجنيينة.

– أيوه ، أنا مشيت في الطريق ده وأنا جاي بلدكم.

وعارف كمان الجنيينة ، فيها صوت كلاب كتيرة.

– فيها غفير واحد والباقي من جوه كلاب .

– فتحو انيكم معايه ، بعد مانتقرب من الغفير،

أنا ومرسال حنروح من شماله وأنت حتيجي من يمينه

وحتكلم أنا ومرسال بصوت يسمعه.

مرسال ساخراً

_ ناقص تقوله جايين نسرخوا البهايم .

_ أيوه حنقول كده ، ركز ياغبى ، أنا عاوزه يسمعنا

يسمع إننا جايين ناخدوا البهايم ونحرك القمح الي

مشونه .

حمدان

_ أنت عاوز تعرفه إنك أنت اللي عملت كده.

_أيوه ياعبيط وبعد مايسمع الكلام

ينظر لحمدان

_ حتيجي أنت من وراه وتضربه وتضربه ضربه

مش جامده ياحمدان .

_ أنت عاوزني أحسس عليه .

_ لا أنا عاوز يكون فيه حيل يجري ويهرب ويروح

يبلغ اللزي .

مرسال ضاحكاً

_ ويجي اللزي يلحقنا ويمسكنا .

أمام الباب الخشبي الصغير المؤدي إلى داخل الجنيّة
يجلس الغفير ممسكاً بعلبه صفيح مليئة بالتبغ يقوم
بلف سجارة ويبلها بطرف لسانه ويشعلها ، تاريخ الإنسان
مع التبغ قديم فتاريخه يرجع لـ سنة قبل الميلاد
حيث وُجد في العديد من الثقافات المختلفة حول العالم. وقد لازم التدخين
قديماً الاحتفالات الدينية؛ مثل تقديم القرابين للآلهة، طقوس التطهير، أو
لتمكين الشامان والكهنة من تغيير عقولهم لأغراض التكهّن والتنوير
الروحي. جاء الاستكشاف والغزو الأوروبي للأمريكتين، لينتشر تدخين التبغ
في كل أنحاء العالم انتشاراً سريعاً. وفي مناطق مثل الهند وجنوب الصحراء
الكبرى بأفريقيا، اندمج تدخين التبغ مع عمليات التدخين الشائعة في هذه
الدول والتي يعد الحشيش أكثرها شيوعاً. أما في أوروبا فقد قدم التدخين
نشاطاً اجتماعياً جديداً وشكلاً من أشكال تعاطي المخدرات لم يكن معروفاً

من قبل.

اختلف طرق فهم التدخين عبر الزمن وتباينت من مكان لآخر، من حيث كونه مقدسا أم فاحشا، راقيا أم مبتذلا، دواء عاما -ترياقا- أم خطرا على

الصحة. ففي الآونة الأخيرة وبشكل أساسي في دول الغرب الصناعية، برز التدخين باعتباره ممارسة سلبية بشكل حاسم. في الوقت الحاضر، أثبتت الدراسات الطبية أن التدخين يعد من العوامل الرئيسية المسببة للعديد من الأمراض مثل: سرطان الرئة، النوبات القلبية، هي عادة ترويحوية نفسه لازلنا نتفق ونختلف عليها .

حسن ومرسال يقتربان من يسار الرجل ، يتجاهلانه وكأنهم لا يرونه
يأتون من يساره ، يسمع الحارس ديبب أقدامهم ويقف مقترباً منهم
بهدهوء واقفاً على أطراف قدميه محاولاً كشفهم.

_ إحنا ناخدوا البهايم ، وبعد كده نولعوا في القمح ، ونحرق قلب
الزبي .

الحارس يرفع عصاه ويقترب منهم أكثر، فقد علم أن الجنيته مقصوده
مرسال

_ وحنودي البهايم فين يا حسن ؟

_ حنبيهم في سوق التلات .

الحارس يقترب أكثر

_ ماتيجي ناخدوا القمح ، أحسن مانحرقوه .

_ حنشيله إزاي ، مش حينفع ، خلينا في البهايم .

_ والغفير اللي هنا ؟

_ نقتلوه ونخلصوا عليه .

في تلك اللحظة يهجم عليهم الغفير بعصاته ولكن لم يتمكن

من ضرب حسن ومرسال ولاحقه حمدان من خلفه بضربة على رأسه، حسن

يأخذ منه العصا ويضربه في جنبه ، يقع الغفير على الأرض ثم يحاول

الوقوف حتى يمكنه الوقوف ، يستجمع قواه ويجري هرباً.

لم يبق أمام حسن سوى الكلاب التي كانت تنبح خلف باب الجنيّة ولم يكن

يحتاج أكثر من فتح الباب لخروج الكلاب والدخول بسرعه هو وحمدان ومرسال داخل الجنيّة وغلق

الباب وترك الكلاب خارج الجنيّة ، تفرقت

الكلاب وهي تنبح خارج الجنيّة ، إستطاع حسن الوصول إلى حظيرة البهائم

_ حمدان أنت ومرسال حلوا البهايم من مرابطها وأنا حفتح لهم فتحة في السور.

_ إحنا مش حناخدها نبيعها .

_ دي بهائم صحيح مسروقة ، ولكن إحنا مش حناخد منها حاجه ..

هم سرقوها والله أعلم بأصحابها ، ويمكن فيهم اللي بهيمته راس ماله

، إحنا حنطلقها وتبقى حظ اللي يستحقها .

_ وأنا موافق على كلامك يا حسن ، إحنا بنكشف

اللي ونوجعوه زي ماوجعنا.

حسن لم يلقي صعوبة في فتح مكان في السور ، هو سور هش من

من الطوب اللبن ، وقاموا بإطلاق صراح كل البهائم خارج السور
فتفرقت البهائم داخل الأراضي الزراعية . وصلوا لمكان تشوين القمح
قام بإحراقه ، وكانت المفاجأة أنه عثر على إسطبل للخيول ، ابتسم حسن
_ دي حناخدها من اللزي وكل واحد حياخد حصان ، وربنا يسامحنا.
_ ده حقنا يا حسن ومايجيش تعويض للي عمله فينا اللزي وحرق بيتنا
بالبهائم اللي فيه.
_ يمكن يكون معاك حق يا حمدان ، أنا أخاف أفتي فيها .
إمتطي الثلاثة ثلاثة أحصنة وانطلقوا بهم عبر ذلك الطريق الضيق

.....

لا زلنا نبحث عن هوية ،،عن سكن ،عن ثوب لا عن كفن، في الأوطان هناك من يرضعون من ثديها
ويورثون الرضاعة، وهناك الحرافيش سقطوا من الأرحام مفطومين.

فتوح غفير الجنينة ، لايزال يجري لاهثاً ، يبدو عليه الإعياء

لكنه ظل يقاوم ، حتى وصل دار اللزي ، وما إن وصل لعتبة

الدار سقط على الأرض وهو يتكلم بصعوبة.

_ اللزي فين ، هاتولي اللزي.

طلب وبكر إنزعجا من حالة فتوح .

_ فيه أية ياواد يافتوح ؟

فتوح وهو يللم أنفاسه

_ مش قادر اتكلم ، هاتولي اللزي .

_ ادخل ياطلب صحي اللزي ، لما نشوف آخرتها ،

يدخل طلب ويمشي في الممر حتى يصل باب بيت اللزي

يطرق الباب بعنف ، يقوم اللزي مفزوعاً ويجري نحو الباب

وخلفه منيره ، يفتح الباب ويخبره طلب بما حدث ، يهرول مسرعاً

إلى الباب ، نسي ان يرتدي جلبابه على جسده وخرج بهلبسه الداخلية

سروال كبير يعلوه قميص من القطن ، يصل لمدخل الدار ، فتوح مُلقى

على الأرض.

_ فيه أيه يافقر البين (وجه الغراب) أنت..؟

_ رجاله هجموا عليه ياسبع جابين يسرقوا البهايم ، ويحرقوا القمح

الي في الشونه .

اللي في قمة غروره وغضبه .

_ رجاله ، رجالة مين ياواد، ومين يستجري يعمل كده .

فتوح محاولاً إستجماع قواه وتنظيم أنفاسه .

_ أنا سمعتهم وهما بيتكلموا ، فيهم واحد إسمه حسن .

الذي والشرر يتطاير من وجهه .

_ بتقول إسمه أيه ؟

_ إسمه حسن ياسبع ومعاهم واحد شبه حمدان بن الحمداني

معرفش إن كان هو ولا لا .

الذي يُعَضُّ على كف يده من الغيظ .

_ هي حصلت كده ؟ انت يابكر روح صحي هريدي

وباقى الرجاله واسبقوني عند نخل نخل مُصبح حيجيلكم

هناك .

_ مش حنجيب هارون معانا .

_ لا ومحدث يجيب له سيره باللي حصل.

.....

يصل حسن بصحبة مرسال وحمدان إلى منطقة الشيخ عبدالحميد
هو مقام مبني بالطوب اللبني ، يذهب أهل البلده بالتبرك به ويزبحون
عنده الأضاحي ويهبونه أقمشه للضريح ، إن سألتهم مَنْ هو الشيخ
عبدالحميد وماهي سيرته ، لن تجد لديهم جواب شافي ، طلب حسن

البقاء بجوار الخيول وسوف يُكمل هم وجمدان حتى دار اللزي

لتحرير رحان .

في مواسم الحصاد، أنا المحصول، هم الجراد.أنا المحمول على نعش الحيرة، أنا المقتول .أنا المسجون في الألم، أنا الناي بصوت عدم .

...وصل حسن بصحبة حمدان لدار اللزي ، هو

يدرك أن اللزي سوف ينشغل بالجنية ويخرج بكل

رجاله ،ولقد صدق حسن في حدسه فلم يكن عند

الدار سوي حارسين، تسلل حسن إلى أقرب نقطة في السور ،صعد على كتف حمدان وتسلق السور وقام بسحب

حمدان لأعلى ، حسن يدرك من خلال عشرته القليلة بأهل

البلده أن أضعف نقطة في البيت تكون في خلفيته ففي

الغالب لا تكون مسقوفة ، حتى زريبة البهائم سقفاها

ضعيف ، هم يهتمون بواجهة المنزل ، وفي مدخله تكون

مضيئة وأمامها حجرة ملتصق بها من الداخل حجرة أو اثنين

تسلق حسن الحائط في أضعف نقطة وهو أعلى من السور

المحيط بالبيت ، هو جدار حائط عادي، قفز حسن إلى الداخل ،ولم يكن الحظ أنيقاً معه فقد قفز في عشة تربية

الدجاج والبط والأوز وتاه بين بطبطة البط والأوز ونقنقة الدجاج

...تسمع منيره صوت الطيور فتفزع فتقترب من العش، حسن كان قد خرج من العشة وتوارى خلف صومعة كبيرة

منيرة خَشِيتُ أن يكون ثعلباً جاء يفتك بالطيور، فتحت العشة

ونظرت إليها ، كان الصوت قد هدأ، إطمأنت وعادت إلى حجرة

المضيقة منتظرة عودة اللزي ، حسن اتجه نحو أول غرفة مغلقة ونادي بصوت واطي.

_ عم رحان ، عم رحان ؟

لم يجد إجابته ، كرر هذا مرة أخرى في حجرة أخرى ولم يجد

إجابة ومن سوء حظ ليله ، لم يذهب لحجرتها واتجه نحو

الحوش .كرر النداء.

_ عم رحان ، عم رحان .

كانت فرحة رحان طاغية بسماعه صوت حسن.

_ أنا هنا يا حسن ياإبني.

منيرة سمعت بعض الهمس ولكن لم تستوعب الأمر

إتجهت نحو منتصف الدار وهي في حيرة .

_ أيه يابت يامنيره ، أنت إتخوتي ولا أيه.

يصل لها صوت رحان .

_ أنا هنا يا حسن .

يرى حسن منيرة وهي تقترب من الحوش ، تفتح

باب الحوش وتدخل ، يتسلل حسن خلفها، تتجه

ناحية رحان وحسن يتوارى خلف البهائم ،منيرة لرحان.

_ أنت لسه ماتخمدتش ياراجل أنت ، ولا تكنش مستنى

حسن .

رحان أدرك أنها سمعته وهو يجيب حسن ، فأراد

أن يبدد ظنها .

_معلش يابنتي ، أصلي حلمت بحسن ، وقمت مفزوع

عمال أنادي عليه .

_ طيب إتنيل وإتخمد واحلم بحاجه كويسه.

_ حاضر حتخمد يابنتي.

تخرج لواحظ ، حسن يغلق باب الحوش ، يتقدم نحو

رحان .

_ أنا السبب في اللي حصلك ده ياعمي

سامحنى.

_ نسيب يابني وماحدث بياخد أكثر من نصيبه .

_ قوم معايه ياعمي ، مفيش وقت.

حسن يرفع رجان إلى أعلى ، يمسك رجان بأعلى الجدار

يصعد الجدار ، حسن يستند على مكان حلف البهايم

يسمونه مخول ، بينما هو يتسلق الحائط ، منيره تتجه مرة

أخرى نحو الحوش ، تجد حسن ورجان أعلى الحائط ، تصرخ منيرة بأعلى صوتها إلحقوني، حمدان يلتقط

رجان ، خرجت منيرة لخارج الدار تستنجد بالحارسين ، وبينما يتلقف حمدان

حسن ظهر حارسي اللزي وهجما على حسن وحمدان، بعد

تشابك بالأيدي تمكن حسن وحمدان من ضرب الحارسين

واتجهوا ثلاثتهم ناحية الشيخ عبدالحميد ، حيث ينتظرهم مرسال بالأحصنة.

منيرة وجدت الحارسين ملقيين على الأرض يندبون

حظهم ، منيره ساخره.

_ انتوا رجاله انتوا ، بس لما يجي أخويه .

بعد قليل من الوقت وصل اللزي وخلفه رجاله وهم يجرون ذيول خيبتهم واللزي في حالة غضب عارمه

، لم يفيق

من ضربة الجنيئة ووجد اخته منيرة تجري نحوه .

_ إلحقني ياخويا.

_ فيه أيه تاني يامنيرة ، مش كفايه اللي أنا فيه.

_ حسن ياخويا.

_ حسن ثاني هنا .

_ أيوه ياخويا، دخل دارك وأخذ الرجل اللي أنت

حابسه في الحوش وهرّب بيه وضرب رجالتك

الخابيين دول (تشير على الحارسين)

اللي يجز على أسنانه في غيظ ويعض كف يده

ويكاد أن ينفجر في صراخ ولكن حاول أن يلملم

شتاته .

_ بقى كده ياحسن ، عرفت تلعب مع اللي ياواد

شغلتنني بالجنية علشان تيجي هنا وتهرب عبدك

وراك والزمن طويل ياحسن .

.....

صعب أن تكون الأوطان نار تجري تحت أقدام الشعوب

والأصعب أن تختنق بدخانه ،وصل حسن إلى خيمته

في الجبل وهو يحمل على كتفه رحان ودخل به الخيمة

وخلفه حمدان ومرسال ، مسعده تتجه نحو زوجها باكية

حسن يضعه على الأرض ومسعده تصرخ.

_ رحان ، رحان .

_ إرتاح ياعمي .

_ أنا حرتاح على طول ياحسن ، كويس

أني شوفتكم قبل ماأموت .

الحمداني كان قد نام واستيقظ على الصوت

_ أياه يارحان ، حمدالله بسلامتك.

_ أهلاً ياحمداني ، خلي بالك من حسن

ياحمداني . ينظر إلى حسن

_ وأنت ياحسن خالتك مسعدة ومرسال أمانة في رقبتك.

_ حتبقي كويس ياعمي ، ماتقولش كده .

_ الظاهر إن رحلتي معاك خلصت ، خلي بالك

على نفسك ياحسن .

يلفظ رحان أنفاسه الأخيرة وكان موته صدمة كبيرة لحسن ومسعدة ومرسال .

_ حجرة حبس ليله .

صرخات لآهات متبعثرة بين النهار والليل ، حطام يعانق
ذكريات لحبيب لن يعود، قلب ليلة لا يتحمل عقلها الذي
لا يكف عن الهوس ، فاض الأمر بالقلب متوسلاً للعقل
لا تفسر لي الرؤيا وإحملني على جناح الصبر ولا تشقيني
بوجعي . ليله تجلس مع حلیمه وكعادتها ، جزيئة ، شاردة
_ ماهو ماينفعش اللي بتعملیه في نفسك ياليله .

_ ياريت أموت وارتاح يا حلیمه ، فيه أیه

فاضلي تاني من الدنيا.

_ فيه أخوكي وأبوكي.

_ وهم فين يا حلیمه.

_ أنت عاوزه تفهميني إنك مش عارفه حاجه.

_ حاجة أیه بس اللي أعرفها.

_ متعرفيش أن أخوكي وأبوكي عايشين.

ليله بفرحه عارمة ؟

_ أبويه وأخويه عايشين؟

_ أیه متعرفيش؟

_ لا ما أعرفش وأعرف منين ؟

_ حسن وحمدان كانوا هنا عشيّه .

_ هنا ؟ هنا فين ؟

_ حسن نط هنا ودخل البيت وأخذ الرجل

الي كان محبوس .

_ خلصوا عم رحان.

_ وتلاقيهم كانوا حيخلصوك بس العقربة

منيرة حسست بيهم وضربوا الرجاله وهربوا.

_ ليله ، الي قولته ليك بيني وبينك

أوعي يعرف حاجه اللزي .

_ ماتقلقيش يا حليمه.

_ فوقي ياليله ، ماتشمتيش منيره فيك.

_ معاك حق يا حليمه ، لازم أفوق،

تحدث نفسها

_ أفوق علشان أخذ بتاري من الي حرق بيتنا

وطرد أخويه وابويه من البلد وقتل حبيبي.

_ مضيقة جعفر.

أحياناً نحتاج لدعاء من نوع خاص نقول، يارب إكفنا شر جرأة العبط وجرأة الجهل وجرأة الحماقة وجرأة الإستحمار ولاتحملنا عبث الفجار، في زمن المهالك، تستعصي الدموع وتبخل علينا بالسقوط ، هي بلدة باتت تُخفي ثوبها النظيف وأمسست تنشر ثوبها القذر ، الأشرار يجتمعون في مطبخ

إبليس ، جعفر والليزي وهارون في المضيقة بعد أن وصل إلى سمعه ما حدث مع الليزي .

جعفر ساخراً وهو يستفز الليزي .

_ والله الواد حسن ده محصلش ، يدخل دار الليزي

سبع الحاجر ويخلص قريبه ويضرب كمان الرجاله

ويمشي .

_ ياريت كنت في الدار وقتها ، كنت قطعتة

حتت ورميته للكلاب .

جعفر يتخابث عليه .

_ وأنت كنت فين وقتها ؟

الليزي يتلعثم ويتردد في الرد.

_ كنت بتمشى على الجسر أنا والرجاله.

جعفر بهكر

_ واثمشت لحد ماوصلت الجنينه ، مش كده؟

الذي ينظر بعتاب لهارون

هارون

_ أنا ماليش دعوه ، ماتبصليش.

جعفر

_ أنت تفتكر هو الي قلي ، وافرض هو الي

قال ، ماهو لازم يقول .

الذي أدرك أن هارون يتجسس عليه من أحد

رجاله.

_ وقلك أيه بقى؟

_ قلي حكاية البهايم الي بتتسرق وبتخبها

في جنيتي ، والقمح الي اتاخذ واتشون فيها

من ورايا .

الذي يشعر بالخجل ويمسح العرق الذي تصبب

على وجهه بأكمام جلبابه ، يحاول أن يبرر موقفه

ويخرج من هذا الموقف الذي وضعه هارون فيه

لتزداد مكانته لدى جعفر على حسابه .

_ أنا كنت حقوقك كل حاجه وأطلعك نصيبك.

_ طيب تطلع نصيبي من البهايم ماشي، ولكن

حتطعلي نصيبي من قمحي.

هارون محاولاً تلطيف الأجواء بمكر.

_ خلاص يا جناب الملتزم.

_ استنى أنت يا هارون ؟

يلتفت نحو اللزي .

_ شوف يالزي ، أنا اللي عملتك وأقدر

أقلعك ، والظاهر إنك فرحت بنفسك شوية.

وصدقت أنك سبع الحاجر ، اللي حنة عيل

خلاه يلف حوالين نفسه، وسايبك طايح

يمين وشمال والآخر جزائي تغدر بيه؟

اللزي يحاول أن يداري خجله وضعفه الذي

أوقعته فيه الظروف بفعل حسن .

_ معاك حق ، أنا غلطان ، أنا طمعت في القمح

الي بتفرقه ببلاش على أهل البلد.

جعفر لا يهتم به ويلتفت ناحية هارون .

_ من دلوقت أنت المسؤول عن الأرض والجنيته

والطاحونه ،

يلتفت نحو اللزي

_ أنت مش حتعمل حاجه غير بمشورتي

واللي حطبله منك وبس.

اللى وهو خافض الرأس

_ ماشي ياكبير ، اللي تشوفه.

_ لقاء في حُسن القمر

لواظ تتصل بالأمل وطال الإنتظار ، تحيا في عدم ومالها
من خيار، وكلما حاولت أن تُخفي عشقها ، باحت به الأسرار
هي تتمنى أن تجرح الإنتظار، وتطوي كل مسافات الأيام
فهو بالنسبة لها نقطة البداية وخط النهاية ، هي تؤمن أن من إعتاد فتح أبواب الأمل لا تشغله النوافذ
المغلقة .

لواظ مُستلقية على فراشها ، عيناها توقفت على سقف
الحجرة ، شاردة في عالمها البعيد .

_ وبعدين يابت يالواظ ، حتفضلي كده لميته.

حتفضلي تحلمي وبعدين تقومي على كابوس يُخنقك
ويطلع روحك ، ولا ياربي حلمي حيبقى حلم دايم أعيش
فيه .

.....

..هناك على الخط الآخر ، الله يُعمر الليل بالقمر والنجوم

حسن بمفرده خارج الخيمة يجلس على أحد الأحجار الكبيرة ينصت للسكوت ، يتسلل إليه القمر ويداعب وجهه

الحزين ، هو يتشارك مع القمر في الجانب المظلم المتواري

خلف المجهول ، يفكر في لوحظ ، من على أعلى جبل

العشق يُبعثر لها آهاته ربما تصلها عبر ضوء القمر.

تطير أمانيه وتتبعثر في السماء لعلها تُجيب ، هي فاكهة

الأمني التي تُطعم قلبه ، مائدة سقطت من شقوق السماء

لتُغذي قلبه وروحه ، يقول لنفسه أنها أروع النساء ، سيدة

نساء الأرض ، هي خلقت من نور وهُن خلقن من طين .

يُحاول أن يتحسس الشوق فيتذكر أن الحنين أعمى يذكُرها.

ولا يراها ،

يخرج حمدان من الخيمة ويقطع على حسن وحدته.

_ أياه يا حسن ؟ مالك ؟

_ تعبان يا حمدان ، حاسس إني عجزت بدري والعمر

بيجري بيه ومش قادر ألاحقه.

_ الهم كبير وتقبل يا حسن ، الي إحنا فيه مش شويه.

عايشين عيشة المطايرد ، معزولين عن الدنيا كلها.

_ أنا زعلان إني مقدرتش أخلص ليله، وزعلان على

موت عمي رحان ، إتحمل كتير بسببي.

_ أنت عملت الي عليك وده نصيب ، وليله أنا

قلبي بيتقطع عليها ، وحاسس بالعذاب الي هي

فيه ، تعرف لو أسيب نفسي لجَنَانِي ، أقول أنزل

أخلصها واللي يحصل يحصل .

_ اللزي حيعمل حسابه كويس قوي، بعد اللي حصل.

نُصبر شوية وإن شاء الله نلاقي طريقه نخلصها بيها.

مكتوب علينا الوجد ياحمدان.

_ قولي ياحسن ، أنت لسه بتفكر في لواحظ؟

_ غصب عني ياحمدان ، لواحظ بالنسبه لي طاقة

نور في أيام مكسوه بالسواد، ومع كل المواجه اللي

إحنا فيها وقلبي قايد نار من جوه.

_ مصيبتك كبيره ياحسن ، وقلبك مالقاش غير

بنت جعفر يعشقها ، وجع مالوش حل ياحسن .

_ عارف ياحمدان إنه وجع دايم مالوش دوا.

.....

لواظظ قامت من فراشها وفتحت النافذة ، وراحت تنظر

للأمر والنجوم؁ فالأنين وفع عشوائي لا يطرق باب

القلب ولا يستأذن في الدأول ، هو يحمل مفاتيأ لكل

أأساد البشر؁ هي أمست بنت القمر ، لاتفارقه.

سهل أن تخسر في الحياة ، لكن الصعب أن تخسر
قلبك ، هي تحتاج أن تتكلم ، أن تصرخ ، ولكن لا تجد
من يسمع ، شوقها يحاربها ولايستريح. تشكي للقمر
_ كل المواجه وليها دوا ، إلا وجع القلب .

تُحدث نفسها .

_ قلبك خلاص ، مابقاش قلبك يالواحظ ،بقى قلب
حسن ، خرج عن طوعك ، وبيدق جواك علشان
يعذب فيك .

.

_ صك الغفران

داخل دار اللزي ، أدمن اللزي المسير نحو غرفة ليله.

تتسابق خطوات اللهفة ، تتعثر أمانيه في الصفوف الخلفية

يتمنى لو يشتري من ليله صك الغفران ، هو يصلي في

محراب الحب بغير وضوء ، هو يحاول أن يتحسس الظل.

..منيرة تراقب اللزي وهو يتجه نحو غرفة ليلة ، تمصص

شفاهها .

_ خسارتك يالزي ، بقى بت زي دي تشحتف حالك كده.

.....

الذي يدخل غرفة ليله فيجدها جالسة ، تسند خديها على

يديها ، وجه شاحب يحمل دموع جفت مياهاها ، ليس هي

ليلة مشرقة الوجه ، ساحرة الملامح ، الذي يقترب منها

وهي تضع يدها أسفل خدها ، لا تلتفت إليه .

_ إزيك ياليله ، عامله أيه ؟

_ الحمد لله على كل حال .

_ مش طيقه تبصي لخلقتي ، مش كده.

_ حتى لو مش طايقه ، أنا واحده مكسوره

مش بإيدها حاجه تعملها.

_ ماتقسيش عليه كده ، وأنا أقدر أصلح كل حاجه.

_ تصلح أيه ؟ تقدر ترجع الي قتلتته.

اللي بغضب

_ ماتجيبش سيرته قدامي ، أنا لو قدامي

حققتله مية مره .

يحاول أن يللم شتات غضبه. يقترب منها أكثر.

_إن كان على الدار أبني لأبوكي أجدع منها

وأنسى كل حاجه وأرجع أبوكي وأخوأكي

البلد ، أخوكي الي حرق القمح بتاعي وسرق

البهايم مع حسن .

_ مانت حرقت كل حاجه ، صعبان عليك شوية

قمح وكام بهيمه .

_ خلاص أنا حنسى كل الي عمله.

_ومين الي يسنى أنت ولا هما.

_مش مهم دلوقت مين عمل ومين ماعملش

إحنا ولاد النهارده ، أنت وافقي على الجواز

وكل حاجه حتكون عال العال.

... ليله تفكر في كلامه وتحدث نفسها.

كلام معقول ، ومافيهاش حاجه لوجاريتة

علشان أبويه وأخويه وكمان حسن الي

اتبهدل علشاننا، تنتهي من تفكيرها .

_ وحسن ؟

_ ده مالكيش دعوة بيه ، هو مش من بقية أهلك.

_ طيب سييني أفكر .

_ فكري براحتك ، أنا رايدك ياليله.

-_ المغيّب

الشمس تجر أذيالها هاربة ، تتحامي في الشفق

تنسحب أمام قوة الليل ، كلاهما في مطاردة يومية

للآخر كلاهما يزيع الآخر ويجلس مكانه ، لواحظ بصحبة

حليمة كالعادة عند الشجرة .

_والله أنا مش عارفه ألاقها منك ولا من ليله

أنتوا كرهتوني في عيشتي .

_ ليه بس ياحليمه .

_أقعد مع ليله ، بكا وهم ونكد،أجي عندك

ألاقي هم ونكد ، عاوزه حد فيكم يضحك مرة.

_ وفيه أيه ممكن يضحك ياحليمه ، اللي بيضحك

المبسوط ، والخالي من الهم ، يابخته.

حليمه ساخره .

_ وأنا نصيبي جاي مع بتوع الهم ، طيب ليله

همها جوزها اللي راح وأبوها وأخوها .أنت

بقى ، همك أيه ؟

_ همي كله حسن .

_ يادي حسن اللي جنن البلد كلها

جنن أهل البلد باللي عمله في اللزي

وجنن اللزي وجنن أبوكي .

_ أنا جناني غيرهم ياحليمة .

أنا جناني عشق ، نفسي أشوفه

كان جناني مرتين ، مرة أسمع صوته

من غير ماأشوفه ومرة أشوف عنيه

نفسى أشوفه كله بحاله قدام عيني.

_ أنت حتموتي قبل ماتشوفيه ، انت

بتحلومي حلم صعب ياست لواحظ.

_ عارفه ياحليمه ،إن حلمي المستحيل

بعينه .

_دار الشيخ آدم

علي أعتاب الزمن غفونا .إفترشنا وسائد الأحلام .سكت

الكلام، نُفتّش بين ثنايا الضحكات عن السعادة ، تأخذنا

الأحاسيس بعيداً نبحث عن الأحلام الضالة .،

يجلس الشيخ آدم على الدكة في فسحة الدار

بجواره شحاته وزوجته عزيزه .

_ العيد الكبير قرب يابا ، حتجيلي الجلاليه

الجديده امتى.

_أنا وصيت سعد الخياط يجيلي حته عَبْكَ

من سوق التلات ، حاخذ منها مترين وأنت

خُذ الباقي ،

_ هو مفيش غير العَبْكَ يابا.

_ وماله العبك ، كل البلد لابساه ، ماتُكنش

عاوز حرير يابن عزيزه .

_ لا أنا عاوز حته كستور.

الشيخ آدم ساخراً

_ كستور ؟ عاوز تلبس كستور يا ابن عزيزه.

عزيزه معترضه

_ وما يلبسش كستور ليه ، اللي بيلبسوه

أحسن منه .

_ الله يرحم أبوي ، كان بيلبس الخيش

وعمره مالبس نعل ورجليه كانت مشققة ومقشقة

زي الأرض البور ، ولما اشترى نعل إستخسر

يلبسه ، بقى شايله في ايديه.

_ أدي اللي فالح فيه ، تتريق وتتمقلذ

ولا فكرت يوم تجيبلي حته قماش .

_ أنت آخرك شوال قطن يابنت اللاوندي.

_ البندقية

هل نحتاج تغيير لطريقة حياتنا ، هل نحتاج إلى التنازل
عن بعض الأفكار الملونة التي تحاصرنا كألوان الطيف
هل هناك مبادئ قديمة وعادات مستنبطة من الغير
نحتاج التخلص منها، لاشك أن وضعنا النفسي صعب
للغاية ولكل إنسان وضع خاص به، ونحتاج لجلسات
مكثقة نُعيد فيها قراءة مجلداتنا وأفكارنا .

.....

في مضيعة جعفر ، يجلس جعفر ومعه اللزي

يدخل هارون وبصحبه منازع رجل ضخم الجثة، أجش الصوت (عينان جاحظتان تشعرك أن الشيطان يحرسهما، ملامح متعرجة غليظة، شكل مثير للإشمئزاز والريبة، له صيت واسع في الشر، قاتل متسلسل ، هو يحمل

جميع شهادات الإجرام و كل تكوينه النفسي وثقافته

لا يحوي سوى مَنْ يُقتل ، ومتى يقطع الطريق

وكيف يَنقب البيوت لسرقة البهائم ، منازع يحمل

شوالاً به خمسة بنادق .

هارون

_ اتفضل يامنار ، أنت مش غريب.

جعفر

_ والله زمان يامنار.

_ ازيك ياجناب الملتزم .

اللي وهو ينظر إلى الشوال .

_ أيه اللي في الشوال ده يامنار

أوعى يكون فيه قَتيل.

منار ساخراً

_ هو قتيل واحد .

يضحك

_ دول خمس قُتله؟

يفتح منار الشوال ويخرج منه بُندقية.

جعفر

_أيه ده ؟ باروده !

منار

_ أيوه

هارون

وجبتها من فين ؟ يا حزين ؟

_ معايه خمسه منها.

يلتفت لجعفر ويعطيه البندقية. جعفر يسكها

ويصوبها ناحية اللزي .

_ دي ممكن تموت اللزي ، مش كده.

منازع

_ باروده واحده ويقع مايجطش منطق.

اللزي

_ ودول موديههم فين ؟

_ وهو فيه حد عندي أهم من جناب الملتزم.

جعفر

_ فيك الخير يامنازع ، بس لو الهجانه

شافوهم مش حيسييوهم .

_ مايقدروش يقربوا ناحية هنا، أنت قَطَعْتَ

رجليهم من البلد وما يقدروش يهوبوا هنا.

الزّي

ودي تُضرب إزاي؟

منازع يمّسك البندقية ويضع بها رصاصة ويشرح

للزّي كيفية إستخدامها .

_ وبعدين تدوس على الصوبع الصغير ده ، تطلع

الباروده من هنا ، تقتل واحد في الجبل.

_ تضربها من هنا ! تقتل واحد في الجبل!

_ أيوه يالزّي ، أنت ماشفتهاش مع الهجامه.

_ شوفتها معاهم ، لكن ، ماشفتهمش بيضربوا بيها.

هارون

_ يعني يالزّي تقدر تضرب حسن من بعيد

من غير مايشوفك.

منازع

_ مين حسن ده ؟

جعفر

_ واحد مانعرفش طلعلنا منين ولا جه من

أنهي داهيه.

_ أيه ؟ وانتوا مش قادرين عليه.

الذي

هو إحنا طايئينه، ده عامل زي العفريت.

منازع

_ بالباروده دي ، تقدرنا تصطادوه زي الطرظوره (العصفورة).

_ في الجبل

...أمام الخيمة.

حسن لديه الوعي، هو يحاول أن يحدد هدفه ، فتحديد
الهدف هو نصف التعامل مع الأزمات، لا يسمح للضغوط
النفسيه أن تُبعده عن هدفه، هو يؤمن أن السيطرة على
المواقف تحتاج عنصر المبادأة، لأنه يخلق الارتباك للآخرين
هو من النوع الذي يقتصد في قوته ولا يبعثرها، هو يؤمن
أنه ليست كل الصراعات تنتهي بتحقيق مكاسب، هناك
خسائر وهناك طاقة مهدرة والطاقة المهدرة هي جزء من الحياة فالأسد يصطاد فريسته بعد أربع
محاولات وهكذا الحياة بين خير وشر وبين نجاح وفشل .
حسن يتدرب مع حمدان ومرسال بالعصا خارج الخيمة
هو يحطب معهما ومسعدة وحمدان يجلسان يراقبان
التحطيب ، مرسال يحل عليه التعب والإجهاد من التدريب
يرمي العصا ويرمي نفسه على الأرض، يتبعه حمدان.

حمدان

_ أیه یا حسن ؟ أنت مابتتعش؟

مرسال

_ لا یاسیدی مابتتعش، بیلاعنا أحنا

الأتین وهلکنا وهو لسه ماتعش.

_ علشان مابتتمرنوش کتیر ونفسکم قصیر

لکن أنتم أحسن کتیر دلوقت ، مایتخفش علیکم.

_ الفضل لیک یا حسن .

_ الفضل لله وحده ، قدامنا وحوش ولایم نکون

جاهزین .

.....

الحمداني يحيي لمسعده عن حياته.

_ أم حمدان ماتت وماكنش حمدان كمل

الخمس سنين وليله تزيد عنه سنتين .

ربيتهم أنا ومادخلتش عليهم مرات أب في الدار.

مسعده وهي تحاول أن تخفف عن نفسها فقدان

زوجها رحان.

_ ربنا يخليك ليهم ، تلاقي أمهم غاليه عليك.

_ الله يرحمها ، كانت ست ولا كل الستات

مافيش واحده تقدر تعوضني عنها.

_ الولاد أهم كبروا قدام عنيك وربنا يباركلك فيهم.

_ أيوه ، كبروا وشايف عزابهم قدام عيني

ومش قادر أعمل حاجه .

مسعده تشعر بضيق في التنفس ، كحة شديدة

مصحوبة بقي .

الحمداني

_ سلامتك مالك .

حسن وحمدان ومرسال إتجهوا نحوها، هي لا تشعر

بهما ، تنظر بعيداً وهي تبتسم وتقول .

_ رحان

توقف نبضها وفارقت روحها الحياة ، صدمة أخرى تعصف

بحسن ومرسال أوجعتهم بعد موت رحان.

ـإغتراب الزمن

هل الزمن يغترب ويضطرب ، ويتغير حاله؟ ، هل آفاق الأموات

ومات الأحياء؟، هل تساقط الدموع يعمي العيون ؟ ننتحب

بصوت السكون، نسير في مفترق الطرق ، لا نعلم إلى

أين ، الكل يجري ، يتسابق ولكن لا يعلم إلى أين ، أقسى

البشر ، هؤلاء المشوهون في داخلهم ، تهرب منهم الأشباح

وتفر من أمامهم الشياطين ، حتى كرهوا النظر إليهم.

هم حاقدون ، حاسدون ، متطيرون ، متشائمون ، مبعثرون

طعنوا ضمائرهم وأماتوها .

داخل دار اللزي

...منيرة كالعادة لا تترك ليله في حالها وتُنغص عليها

حياتها من حين لآخر وكأنها لا تكتفي بما بها من وجع

ولكن أرادت قتلها حية بسكين بارد.

دخلت منيرة حجرة ليله ، ليله التي كانت لا تنتظر

إليها ، نظرت لها بإشمئزاز ومنيرة قابلت النظرة

بابتسامة صفراء تحمل كل الشماتة.

ليله بلغة أخرى لم تتعودها منيرة.

_ مش أخوكي قلقك ماتهبوبيش هنا.

_ بجيلك علشان أنشفى فيك وامشي

ياخطافة الرجاله.

_ وأيه اللي حيعود عليك وأنت بتتشفي فيه ؟

_ أرتاح من جوايه ، وكل ماتتذلي وتتجابه

مناخيرك الأرض ، أرتاح أكثر وأكثر.

_ مش حتّذل يامنيره ، ومش حديك فرصه تتشفي.

يدخل اللزي ويتفاجأ بمنيرة في حجرة ليله. ينظر

إلى منيره بغضب.

_ أيه ده ..؟ أنت أيه اللي جابك هنا ؟

منيرة تتلعثم في الرد وترتبك .

_ أنا جيت ياخويه ، قلت يمكن تكون محتاجه

حاجه ليله بنت الحمداني.

ليله تتصنع البكاء وتكيد لمنيره.

_ فيه أيه ياليله ؟

تنظر لمنيرة

_ مفيش حاجة .

_قوليلي فيه أيه ؟

_اختك عماله تشتت فيه وتضربني.

منيرة هزتها المفاجأة ووضعها ليله في موقف

صعب أمام اللزي ، اللزي التفت نحو ليله.

_ بتشتتمك وتضربك

اللزي صارخاً في وجه منيرة.

_أطلعي من هنا واستنيني بره، ياللا غوري.

تخرج منيره منكسرة ومهزومة.اللزي يقترب

من ليله.

_ ، معلش ، ماتعيطيش ، مش حتقرب

ناحيتك واصل تاني.

_ أنا ماعملتش لها حاجة .

_ أنا عارف ، عارف إنها براويه ومش طايقاكي.

_فكرتي في الي قولت لك عليه.

_ لو أبويه وأخويه وافقوا ، أنا موافق.

الذي بفرحه وسعادة.

_ حيوافقوا .

_ وأنا مستنيه موافقتهم .

_ وأنا حبيبهم من تحت طقاطيق الأرض.

_ وحتجيبهم إزاي ؟

_ متخافيش مش حأذي حد فيهم

أنت من دلوقت تاكلي معنا .

_ لما أبويه وأخويه يوافقوا.

_ ماشي .

يخرج الذي ومنيره تنظر له بسخريه وتحدث نفسها بصوت عالي،

_ حنشوف مين فينا الأقوى يالذي ، أنت ولا أنا.

_دار أرمانيوس

البشر الذين يكفون عن الشكوى ، هم بشر يكفون

عن التفكير ويعيشون في إغتراب روحاني،

يجلس المقدس ارمانيوس بصحبة إبنتيه مريم ويشعه.

_ حسن وحشني قوي يابنات ، تصدقوا أنا شاييل همه

كأنه إبني .

_ وانا ومريم خايفين عليه كأنه أخونا ، هو الي عمله

علشاننا شويه، هو حفظ لينا بيتنا وبقى زي المطايرد

عايش في الخلا ،.

مريم

_ حسن زي الجبل يابا ، متحمل الي مايتحملوش

حد ، سنه صغير ولكن ولا أجدع راجل .

أرمانيوس

_ بيقولوا اللزي حيتجن لما دخل داره وأخد رحان.

مريم

_ وهو الي عمله فيه شويه ، دول بيقولوا

أخد البهايم بتاعته وحرق القمح .

يشعه

_ يارب اللزي يطق فيها ويموت .

ارمنيوس

_ اللزي مش حيعديها لحسن وحيقلب عليه الدنيا

عاوز يوصله علشان حسن كسر راسه قدام جعفر

ومش حيقدر يرفعها إلا لو جاب حسن .

يشعه

_ بيقولوا جعفر قعد يتريق على اللزي وقال

حسن ده ولد ماجابتوش ولاده .

أرمنيوس

_ ده كلام من ورا قلبه بيغيظ بيه اللزي

وبيسخنه على حسن ، جعفر بيكره حسن

أكثر من اللزي .

مريم

_ وهو عمله أيه ؟

_ حسن بقت ليه سيره حلوه وسط أهل

البلد وجعفر خايف يتلموا حواليه ، زي الحمداني

وهمدان وسديري ، وكمآن بنته اتعلقت بحسن

ولو وصله الخبر مش حيسكت ، جعفر عاوز الكل

ضعيف ومحتاج ، مش عاوز القوي .

يشعه

_ بس حسن حيقدر يصد لإمتى يابا.

_ حسن نفسه طويل ، هو تربية الشيخ عامر

الي كان واقف لوحده قدام الوالي .

مريم

_ ربنا معاه ، الصيف قرب يخلص وعيشة الجبل صعبه.

وكمآن الخمس شهور باقي فيهم شهرين ويطردونا.

يشعه

_ مش حيقدرنا طول ماحسن موجود، حيسكتوا علينا

علشان يخلونا طعم يصطادوا بيه حسن ، مش كده

يابا .

_ معاك حق يابنتي ، حتى حسن وهو بعيد ضامن

لينا الأمان .

_ المؤامرة

نحتاج أن نضحك ، حتى ولو كانت أعيننا مليئة بالدموع

نبتسم عندما ينتظر منا الآخرون البكاء،

الذي ومعه منازع بجوار نخلات مُصبح وهم ثلاثة نخلات في

مفترق طريقين ،على ناصية الجسر و ممر ضيق ونخلات مُصبح هو مكان اللقاء والتواعد سواء بشكل
سري أو علني

وتنتسب النخلات لصاحب الأرض ويدعى مُصبح ورغم أنه ترك البلده ظل إسمه يتردد جيل بعد جيل .

_ أد كده ، الواد ده غايظك يالذي .

_ غايظني وبس ، ده غايظني وفارسني

مش لاقيله حل يامنازع.

.. السلوقي إعتاد الدخول داخل الأراضي الزراعية

لجمع الحشائش لحمارته ، لم يتخيل أن يجد الذي

ومنازع ، هو يعلم جيداً أن منازع رجل يستأجروه للقتل

وقاطع طريق ، هو يخافه وتردد في الهرب ولكن هم

يجلسون في ظل النخلات ولن يروه.إقترب منهم.

ينصت لحديثهم .

_ الواد ده شيطان ، مش ساهل زي

مانت فاكر يامنزع .

_ تعرف مكانه ؟

_ لو أعرف مكانه ماكنتش سبتة

هو عايش في الجبل ، لكن فين ؟، الله أعلم.

_ سيب الواد ده عليه ، ديته طلقه من الباروده دي

وأجيبلك جتته في شوال .

فزع السلوتي عندما رأي البندقيه في يد منازع.

_ ياريت تقدر ، تبقى عملت فيه معروف

ويبقى جميل مش حنساه.

_معروف أيه يالزي ، كل شئ بتمنه.

_ ليك حق تشرط يامنزع ، والله وجه يوم

الي اللزي يكري فيه واحد على قتل عدو ليه.

_ حاخد عشرين أردب قمح قصاد رقبة حسن.

السلوتي في حالة رعب وفزع ، تنتابه رعشات

لا يستطيع مللمتها.

_ ماشي يامنزع ، مواقف ، هاتلي جتته

وحديك عشرين أردب قمح، بس الكلام بيني ماينك.

_ سرك في بير ماتقلقش ، قدام الناس أنت اللي

قتلتته وأنا ليه العشرين أردب .

_ ماشي يامنزع .

_ خلاص وأنا حبيب عزالي وأقعد في بيت التعابين وحات

من الليله هناك .

_ لكن أنت حتعرفه إزاي ؟

_ اللي يعيش في الجبل وسط الديابه

لازم يبقى ديب والديب يعرف الديب اللي زيه.

_ كويس انك حتقعد في بيت التعابين حتبقى

جنبينا وكما ده المكان اللي كان هربان فيه الأول

قبل مأهجم عليهم فيه .

_ أنت خلاص عرفت حقعد فين ، حبات هناك الليله.

يفترق اللزي ومنازع وكلأ منهم في إتجاه، منازع يذهب

بإتجاه الماسوره ليعبرها واللزي يعود للبلده من الجسر.

.. السلوتي يجري داخل الزراعه قاصداً حمارته الموجوده

على مشارف مصرف مياه نهاية الأرض التي يتواجد

بها ، هو في حالة دهشة وذهول ، هو يحب حسن

يحدث نفسه .

_ منازل حيموت حسن بالباروده ، حسن حيموت

يجري داخل الزراعة . وصل حيث حمارته ، ركب الحمارة

_ ها ، ها يا حماره ، حنروحا الجبل لحسن ،

إستمر في سيره لم يعبأ بأشباح الليل، مر على المقابر ، لم تتوقفه الاصوات النداهة التي إعتاد سماعها

واصل السير

وهو يحس ويشجع حمارته ويحيي لها عن حسن ولم يحبه.

_الجبل

إن الأمل بطئ يطير بأجنحة ، رغم أن أجنحته متكسرة

إلا أنه لا يتوقف عن الطيران ، لا تصدق من يقول أن هناك

وسادة للراحة ، أسوأ البشر من يُجنب القانون وقواعد العدالة والضمير ويتخذ من إرادته قانونا

وقت العصاري ، حسن يجلس مع حمدان على حجر كبير ناظراً نحو مباني البلدة من بعيد.

_ تعرف يا حمدان حال البلد هنا ، هو نفس حال المحروسة

هناك واليٌ وهنا ملتزم ، هناك حاميات شركسيه وهنا

اللزّي ورجاله .

_ طيب وآخرتها؟

_الظلم يا حمدان لا يوقفه جبان ولا صاحب مصلحة

ولا باحث عن أمان كاذب ، من يمكنه مقاومة الظلم قليل

هو شجاعة وإيمان بالحق والعدالة ودي حاجات

ماتعرفش تلاقيها بسهولة.

_ كلامك صح يا حسن ولكن فيه الي مش فاهم

وراضي بمرارة حياته ، يحتاج الي يفهمه ويقوده

يعني أنا في البلد كنت من الي بيدور على

على أمان كاذب ولكن بعد مالقيت الي

يبصري ويفهمني وأمشي وراه ، اتغيرت

ومافيش خوف من مواجهة الظالم وأرفع

صوتي للحق ، كان جوايه بذرة انت كبرتها

وخليتها شجره ياحسن .

_ لسه طريقنا صعب ويحتاج لنفس طويل

الناس بقت بتتفرج على الظلم مابتحاولش

تقاومه ، الحر ياحمدان هو من يُفضل الموت

عن الظلم والعبد هو من يُفضل الظلم حتى

لو عاش جبان.

_ يعني كل البشر بين أسياد وعبيد .

_ ايوه ياحمدان ، ربنا خلقنا كلنا أسياد

على الدنيا وعبيد له وحده ولكن إحنا

إستعبدنا بعض .قولي ياحمدان.

_ أرضك دلوقت مين بيزرعها.

حمدان بيتسم ساخراً.

_ أرض مين ياعم حسن ، إحنا بنزرع

وجعفر هو الي بيحصد ويدينا قمن

تعبنا غلة نروح نطحنها في طاحونته

ولو أدونا مال ، ماين عشرة وعشرين

آقجة .

_ يعني من ثلاثين لستين باره.

_ ماوحشتكش الأرض .

_ الأرض تَوْحَشْ صاحبها ياحسن .

_ معاك حق .

يسمعان أصوات أقدام.

_ سامع الي أنا سامعه

_ صوت أقدام ، تعالى نشوف فيه أيه؟

يتسللون ببطء من حجر خلف حجر .

_ ده الواد سلوتي.

_ يبقى أكيد وراه حاجه ، يتجهان نحوه.السلوتي عندما

ملح حسن جرى نحوه والدموع تنساب من عينيه.

حمدان

_ أیه یاسلوتي ، مالک ، فيه أیه.

السلوتي يتلعثم ويشير إلى حسن

_ حسن ، حسن .

حسن يُرَبّت على كتفه ويمسك بيده ويجلسه.

_ إهدا ياسلوتي ماتخفش.

_ بخاف عليك ، أنا بحبك ، بحبك أكثر من الحماره

بتاعتي.

_ وأنا كمان بحبك ياسلوتي.

_ يبقى بلاش تموت يا حسن.

_ أنا عايش أهو قدامك وماتخفش مش حموت.

_ لا منازع حيموتك بالبارودة.

يلتفت لحمدان

_ مين منازع ده ؟

_ ده واحد من المطايرد بيكُروه علشان يقتل

وقاطع طريق ونقاب بيوت ، يبقى كروه عليك يا حسن.

يلتفت حمدان نحو السلوقي .

_ عرفت منين أنت ياسلوقي.

_ كنت بجيب للحماره حشيش ولقيت

الذي قاعد مع منازع وقال له اقتل حسن

وحياخد عشرين أردب قمح.

حسن يضحك

_ يعني تم رقبتي شوية غلة .

سلوقي

_ أيوه وحيقتلك بالباروده .

_ هي الباروده وصلت ليهم .

_ أيوه .

حمدان

_ أيه البارودة .

_ دي سلاح بيضرب طلقة رصاص في حجم

عقلة الصوبع ده (يشير إلى إصبعه) ممكن

تموت واحد من بعيد ، يعني ممكن توصل

من بلدكم لهذا .

_ ياوقعه طين ، يبقى حيحي يدور عليك

في الجبل .

السلوتي

_ أيوه وحيستخبي في بيت الكفار

بيت التعابين اللي كنتوا فيه.

_ دكان على معبد

الخوف لا يخيف سوى القلب الفاسد والجبان لا يُقاتل
في الحرب طالما هناك طريقة للفرار البسطاء من الناس
يواجهون الظلم بأشكال مختلفة منهم من يواجهه بُنْكتَه
ومنهم من يُسائر اللهو هرباً من مواجهة جُبنه ، هكذا حال
السهارى في دكان علي معبد.

على الحصرير يجلس محمد عوض والفخراي وعثمان
برطوعة وعبدالمجتلي الحلاق .

محمد عوض

_ الدكان بقي ماسخ من غير حمدان وسديري
الله يرحمه .

الفخراي

_ ياترى فين حمدان .

_ تلاقيه هو وابوه مع حسن .

_ الود حسن ده أنا حبيته وكل يوم حبي

ليه بيزيد ، ده جنن جعفر والليزي .

عبدالمجتلي الأخنف

_ والنبي بلاش سيرة حسن ، الحيطان

ليها ودان.

عثمان برطوعه

_ نتكلم في الأعمال أحسن، أم حمال بتقولي

خلي محمد عوض يعمل حاجه تُفك عقدة

البت وتتجوز.

محمد عوض يُحدث نفسه ساخراً

_ ودي مين يتجوزها ياربي .

يلتفت لعثمان .

_ طيب أقولك تعمل ايه؟ تروح لسرب

الميه اللي في الكترة ، المية فيه دلوقت

قليله ، تعكرها ، حيطلعلك السمك ، تمسك

السمكه النتايه وتسيب الذكر وأوعى تغلط

وتأخذ سمكه ذكر، ويأريت لو تلاقى سمكه

بايره وماشيه على حل شعرها ، دي حتبقى

أحسن .

عبد المتجلي

_ هو فيه سمكه بايرة وسمكة بنت حلال.

_ أيوه فيه ، مش فيه ولاد حرام وولاد حلال

_ أيوه .

_ السمك فيه ولاد حرام وولاد حلال.

عثمان

_ سييك منه ، ده حمار مابيفهمش حاجه.

محمد عوض

_ يعني أنت تعرف السمكه بنت الحلال

والسمكة بنت الحرام .

_ أيوه السمكه بنت الحرام تلاقىها

ماشيه تبصص للسمك وعايه وهي

بتترقص صح .

محمد عوض يضحك على نباهة عثمان برطوعه

_ايوه صح ، ولو مسكتها تلاقىها ناعمه أوي.

_ حجرة لواظ

هي أنثى يُحبها القمر ، يُقبل جبينها كل مساء ، هي
سيدة جبال جوريات القمر، هو رفيق أحلامها، يداعب جفونها
وجنونها،

لواظ وحليمة داخل حجرتها .

_ أنا من وقت ما منازع دخل البلد وأنا قلبي
مش مطمئن يا حليمه.

_ معاك حق وشه فقري ، ومايجيش غير
بالمصايب .

_ جاب لأبويه خمس برودات ، خايفه على حسن.

_ وأيه الباروده دي ياستي.

_ دي طلقة صغيرة لو ضربتها من هنا، تموت
واحد على الجسر.

حليمه بفزع

_ ياوقعه طين ، هو أحنا ناقصين .

_ تفتكري حيكروا منازع لقتل حسن .

_ ايوه ياستي ، طالما ظهر منازع ، يبقى فيه

مصيبه جايه ، ده قتال قُتله وقاتل أكثر من ميه وواحد

أنا بسمع لما حد تطلعه قوبه في رجلية ، يقولوا له

شوف منازع وخليه يتفلك (يبصق) عليها علشان تخف.

_ ياعيني عليك يا حسن حتلاقيها من اللزي ولا منازع .

.....

مضيضة جعفر

هم ساكني الشر ، يتحسون خيوطه، يلملمون
ماتبقى من هواء ، يتركون لغيرهم الباقي من هواء
مُعفر بالتراب غير صالح للتنفس، جعفر وهارون في
المضيضة كل يضع بندقيته بجواره
_ البلد ساكنه بقالها كام يوم ، ولا كأننا في ميتم.
_اللي راعبهم وكمان من وقت محسوا بوجود
منازع إترعبوا أكثر.
جعفر يأخذ نفساً عميقاً
_مش قادر يهارون أنسى عملته السوده.

_ هي عمله مهيبه بصحيح ولكن بعد ما أخذت

منه الجنينة والطاحون وبعده عن القمح وهو

بياكل في نفسه ، مش حيقدر يعمل حاجه ثاني.

_ قليل أصل عملت منه بني آدم ، بعد ما كان مطرود

في الجبل ، وشتت عنه بلاوي سوده .

_ هو لولا جنابك كانوا الهجامة سابوه ، كان زمانه

محبوس ونايم على البرش.

_ ماهو ماتهش فيه ياهارون ،

_أنت رببته وبهدلته وعلمته الأدب.

_ كان لازم أعمل كده، علشان يعرف

إن اللي رفعه لسابع سما ، يقدر يخفسه

في سابع أرض.

_ حديث الروح

الحب الحقيقي هو عطر لا ينتشر بين كل الناس ولكن تعلق

قطراته ببعضهم، هو مرض لا نتمنى الشفاء منه ونكره

المداوي ، وعندما يكون الحب خطاباً بلا توقيع لا تنبُض

فيه حباه، حسن سئم ممارسة لعبة الأسرار وكره أن

أن يكون رواية في حُسن الظلام.

على مقربة من الخيمة ، السلوتي يلهو مع حصان حسن

وحسن وحمدان يراقبان الموقف وهما يبتسمان .

_ أهو كويس إننا طلعنا بحاجه من اللزي.

حسن يهيم بعيداً غير منتبه لحديث حمدان.

_ حسن ، حسن .

ينتبه إليه حسن .

_ أيه ياسيدي أنت مش معاه خالص ؟

_ معلش ياحمدان ، رُحت بعيد شويه.

_ في لواظ صح .

حسن يبتسم وينادي على السلوتي ، يهرول السلوتي

نحوه مُسرِعاً.

حسن للسلوتي .

_ لو طلبت منك خدمه ياسلوتي ؟ تعملها ؟

_ أيوه ، أنا بحبك يا حسن ، وأعمل أي حاجه

علشانك ، بس أوعي تقولي اقتل منازع.

_ لا مش حتقتل منازع ، الخدمه الي عاوزها

منك كبيرة وسر بينا إحنا التلاته.

_ عاوز أيه وأنا أعمله.

_ تقدر تقابل لواحظ ياسلوتي.

_ أيوه بقابلها كتير وبتديني حاجات حلوه.

حمدان

_ بتفكر في أيه يا حسن .

_ عاوز ابعتلها كلمتين .

_ كلمتين أيه ، السلوتي لو وصل البلد

حيكون نسيهم.

_ حكبتهم ، بس مش عارف بتعرف تعرف

تقرا ولا لا.

أيوه بتعرف ، ماهي اتعلمت شويه في كُتاب

الشيخ آدم ، قبل اللزي مایمنعه .

_ واللزي منعه لیه ؟

_ بيقولوا بيقوي قلب العيال على أهلهم

حسن یتسم

_ عملوا كده مع أبویه.

_ قولي حتكتبلها على أيه وبأیه.

_ شوفلي حتتة قماش من جلبیه

يكون لونها فاتح.

_ دي ساهله .

.....

حمدان يتذكر منديل أخته ليله ، فقد كانت تحمل فيه

الغداء له هو وسديري ، كانت تضع لهم فيه قطعة

جبنة قديمة وقطعة جبنة قريش ورغيفين شمسي

الرغيف سُمكه حوالي عشرة سم ، يتم خبزه في فرن

مبني من الطوب اللبني ، له عينان ، إحداهما لإشعال
النار وموجوده من أسفل ويوقدونها بالحطب والبوص
والعين العلويه يضعون فيها الرغيف ، عبارة عن عجينه
تم فردها ووضعها على مايسمونه طُباعه وهي صاج
الصعايدة أيضا مصنوعة من الطين وعلى شكل دائرة
عندما تدخل الأرجفة بداية مرحلة الإحمرار يخرجونها
بمغرفة كبيرة وهي قطعة من الخشب على شكل دائرة
نصف قطرها حوالي سم مشدودة على لوح خشبي
وكانت ليله لا تنسي أن تضع لهم فحلي بصل، وسبحان
الله الكثير يتساءل عن سر قوة بنيان أبناء الريف وقلة الحالات
المرضية بينهم بالمقارنة بسكان المدن ، والسر في فحل
البصل فهو لا يخلوا من وجبه حتى أن البعض يستخدمه
مع العسل فهو يقلل نسبة الكوليسترول وله فواد أخرى
يحتوي البصل على مركبات الكبريتيك والكيرسيتين quercetin يحتوي أيضًا على معادن مثل الكالسيوم،
والمغنيسيوم، والصوديوم، والبوتاسيوم،

البصل أيضًا مصدر جيد لفيتامين C وفيتامين B والسيلينيوم والفوسفور والألياف الغذائية ، هم يتصرفون بشكل فطري وتلقائي وفي هذا التصرف

فادة علمية وطبية للجسم

دخل حمدان الخيمة ، الحمداني ومرسال يجلسان بالداخل.

مرسال

_ أياه الي عوقكم كده .

_ مفيش ، كنا بتدرب وبعدين جه السلوتي

قعدنا نضحك معاه .

الحمداني

_ والله السلوتي مُصيبه كبيره ، مفيش حته

إلا وتلاقيه فيها .

حمدان يجد المنديل في صرة ملابسه ، يأخذه ويخرج

، يتجه نحو حسن ويناوله المنديل .

_ وادي الي تكتب فيه ، منديل ليله.

حسن يمسك بالمنديل ويضعه على الأرض ويشده

بأربع أحجار في أطرافه.

حمدان

_ حتكتب أیه دلوقت .

حسن یتسم .

_ أنت بتعرف تقرا .

_ لا ، أنا كنت غبی والشیخ آدم شعبنی ضرب .

حسن یتسم .

_ کویس انک مابتعرفش .

السلوئی یراقب الموقف وهو فی حیره من تصرف

حسن ، حسن یُخرج من جیبه خُنْجَراً یجرح ذراعہ

تسیل منه دماء غزیره یستخدمه کحبر وإصبع یدہ

کقلم ویکتب للواحد .

حمدان

_ کتبت أیه بقی .

کتبت

(إن ماکنتش شایفک بعنیه ، أنا شایفک بقلبی یالواحد)

_ الله علی الکلام الحلو ده .

السلوئی

_ حسن ، حسن ، هو كمان القلب بيشوف

كمان زي العين .

_ أيوه ياسلوتي ، بيشوف كل حاجه.

_ أنا قلبي مش بيشوف

حمدان يضحك

_ يمكن قلبك أعمى ياسلوتي.

حسن للسلوتي

_ تقدر توصل المنديل ده للواظ.

_ أيوه ، حطع عليها دلوقتي وأديها المنديل.

_ بس تخلي بالك من نفسك، وأوعى حد يشوفك.

_ ماشي.

ينطلق السلوتي حتى يصل حمارته ويبدأ بها رحلته

إلى البلده وهو في فرح وسعادة لأنه يشعر أن تلك

الخدمة تُسعد حسن .

ـ حجرة لواظ

أحببتك نبضولن يكون حبك يوما ذكرومهما جرحني الشوكيقي عطرك بأنفاسيفي أمسي ويومي وبكرة

للحب شموع من من عذاب ووجع لا ينطفئ، والذين

لا يسمعون متكلماً لا يتخذهم أتباعاً، لواظ قمارس

الوجع في صمت ، تقف في شرفة القصر ، هي إعتادت

أنت تترقبه من بداية النهار حتى نهاية الليل، تراه قمرأ

سابعاً في فضاء بعيد ومع قدوم الفجر يتساقط عسله

ليبلل شفتاها العطشى .تحدثه.

ـ ياه يا حسن ، أنا فين وأنت فين؟

مفيش بينا غير الشوق والوجع والحنين.

ملكيت قلبي وروحي يا حسن ، ليه تشربني

من كاس على لساني حلو ، وينزل جوه مني مر علقم.

.....

السلوتي وصل لدار جعفر يحاول الدخول والغفير

يمنعه .

_رايح فين ياسلوتي.؟

_ عاوز لواحظ.

_عشان تديني جلبية العيد.

_ الست لواحظ نامت ، يالا امشي.

.....

لواظ تنظر للقمر لعله يشفق لحالها.

_ لو بإيدي يا حسن، كنت تركت كل حاجة

وجيتلك وعشت معاك .

تتنبه لحوار عند الباب وتسمع صوت السلوقي

وهو يصمم على مقابلتها.

السلوقي للغفير.

_لا ، أنا مش حمشي من هنا ، غير

لما أشوف لواظ.

لواظ أدركت أنه جاء كالعادة ينتظر منها العطايا

تنادي على الغفير .

_ سيبه يامهران ، أنا نازله أشوفه

تجمع لواظ بعض الفاكهة والحلويات وتضعهم في

منديل وتصهرهم وتحمله وتنزل إليه.تصل الباب وتطلب

من مهران أن يفتح الباب ، تطلب من السلوتي الدخول

يدخل سلوتي ، يتلفت يمينا ويسارا حتى إطمئن أنه

لا يوجد أحد، لواظ في دهشة وحيرة من تصرف السلوتي

هو تصرف جديد عليها .

_ فيه أيه ياسلوتي ؟ مالك ؟

السلوتي يكرر النظر يمينا ويسارا مرة أخرى ، ثم يضع

يده من جيبه ويخرج منديل حسن .

_ حسن باعتلك المنديل ده .

لواظ بدهشه.

_ حسن باعتهولي أنا.

_ أيوه .

تمسك بالمنديل وتفتحه وتقرأ

(إن ماكنتش شايفك بعنيه ، أنا شايفك بقلبي يالواظ)

لواظ في فرحة غير عادية، تشعر أن الكون يبتسم
لها وكل ما في الحديقة يرقص ويغني، وضعت المنديل
ناحية صدرها.

_ ياقلبي يا حسن .

أخيراً إنتبهت للسلوتي وحاولت أن تتماسك.

_ وحسن عامل أيه ياسلوتي ؟

_ حسن حلو ، أنا رحت قولتله اللزي كاري

عليك منازع علشان يقتلك بالباروده.

_ وأنت عرفت منين ياسلوتي

_أنا سمعتهم بيتحدثوا عند نخلات مُصبح .

... بينما لواظ تتحدث للسلوتي ،تسمع مهران

يرحب بهارون ويدخل هارون ولواظ تخفي المنديل

في صدرها وتهب السلوتي صرة الفاكهة والحلويات

هارون للسلوتي.

_ بتعمل أيه هنا ياواد ياسلوتي ؟

لواظ

_ أنا ندهت عليه علشان أديه حاجه.

هارون للسلوتي .

_ واخد الحاجه .

السلوتي يُبرز له الصُرة .

_ أيوه أخذت .

_ طيب إمشي غور ، إنجر من هنا .

.....

مغارة الثعابين

عندما يسود الظلم ويغيب العدل ، من يحمينا من عوادم

الإنسانية المسممة ، يعدمون الحق ليحيا الباطل وهكذا يكون أهل العار فالحياة في نظرهم لا تتسع إلا
لهم حتى لا يقتلهم ضمير الشرفاء، أسوأ مصير للأرض أن يحكمها الأغبياء
والحمقى.

منازع بعدما تناول بعض فاكهة الجوافة ، إتكاأ على حائط

المغارة ، أشعل سجارته الملفوفة ، أخذ نفساً عميقاً

وحدث نفسه بصوت عالي وهو في دهشة وتعجب .

—بقى اللزي اللي المديرية كلها بتخاف منه
وتعمله ألف حساب ، يكريني أقتل واحد
دنا لو الدنيا كلها كرتني أقتل ، اللزي بالذات
ما أصدقش أن يفكر يكريني ، أيه الحكايه
ومين حسن ده اللي أول مره أسمع عنه
وشكله أيه ، على العموم كلها كام يوم
واصطاده في فخه.

_ بالقرب من خيمة حسن .

نحن ندفع ثمن تذكرة قطار السعادة وعندما نتفحصها لا نجد إسما للقطار ولا موعد للقيام ولا رقم لعربة
ولا رقم لمقعد جلوس ولا محطة إنتظار، حسن وحمدان بالقرب من الخيول

_ تعالى يا حمدان اركب فرسك، حنوصل مشوار.

_مشوار فين ؟.

_ حقولك عليه ، بينا قبل مامرسال يجي

مش عاوز حد ياخذ خبر.

_ طيب قولي حنروح فين ؟

يتجهان نحو الأحصنة ويمتطي كلا منهم حصان

وينطلق حسن وخلفه حمدان .

حمدان يقترب منه.

_ قولي أنت مودينا فين بس؟

_فيه ضيف جاي علشان يقابلني

ولازم أرحب بيه .

.....

في حجرة لوا حظ ، هي مستلقية على ظهرها وتمسك
المنديل وتقرأ مافيه عشرات المرات وعيناها تنهمر بدموع
الفرحه ، هي تحترق على وسائد الشوق تتمنى أن تتوحد
أنفاسهما ، فللشوق أسرار وللغيب حكايات ونظل نحتضن بسمه الحنين وأبصارنا معلقة علي أرففة
الانتظار.
بينما هي في فرحتها تتذكر ماقاله السلوقي عن منازع
وأن اللزي سلطه لقتل حسن ، بدأ قلبها ينقبض، حتى
السعادة لا تأتي بحالها ولكن تأتي ملفوفة في منديل
وجع وكأن حالها يقول .
إن توسد الحزن صدريوفاق الشوق صبريوغلب الحنين أمريوطوت الذكرى عمريسوف تظل عسليوكل
مري

بالقرب من مغارة التعابين يتوقف حسن بحصانه وخلفه حمدان ، ينزل كلا منهما من فوق حصانه .

_ استناني هنا يا حمدان .

_ عرفت أنت جاي ليه دلوقت

جاي تقابل منازع .

_ ضيفي ولازم أرحب بيه.

حمدان يحاول أن يُثني حسن عن موقفه .

_ بلاش يا حسن ، أنا قلبي متوغوش

هو فيه حد يروح للشر برجليه.

_ بص يا حمدان أقولك كلمتين خليفهم حلقه

في ودنك ، العدو اللي تشوفه بعنيك ويبقى

هو كمان شايفك ، أحسن ألف مرة من عدو

يشوفك وماتشوفوش وممكن يخلص عليك

في لحظة غدر من غير ماتشوفه وتحس بيه.

_ خلي بالك يا حسن منازع قوي ومش سهل.

ومعاه كمان باروده زي ماقال سلوتي.

_ قول يارب.

.....

داخل المغارة اللزي يوقد نار ويضع عليها كنكة شاي
هو يعشق السجارة وكوب الشاي ، هو يفضلهما عن
أي شئ ، وللشاي تاريخ وأساطير ، في أحد
أساطير الصين المشهورة ، كان شينونج الإمبراطور التاريخي للصين
ومخترع الزراعة والطب الصيني ، يشرب وعاء من الماء المغلي بسبب
القرار الذي أصدر للرعية وهو ينص على وجوب غلي الماء قبل شربه ،
فقدما في قبل الميلاد عندما طارت بسبب الرياح بضعة أوراق من
شجرة وسقطت في الماء تغيير لونة. فقد أخذ الإمبراطور رشفة من الماء
وكان الطعم مفاجأة سارة لكونه منعش ولجمال نكهته. وتقول أسطورة أخرى أن الإمبراطور قام باختبار
الخصائص الطبية لأعشاب
متعددة وذلك بتجربتها على نفسه . فبعض من هذه الأعشاب سامة ، وقد
وجد الشاي ليعمل كمضاد وقد ذكر شيبونج للحكيم على ضرورة العمل
المبكر في هذا الموضوع .
صب منازع كوب من الشاي وبدأ يرتشف منه بصوت عالي مثير
للإشمزاز . وبينما هو يأخذ رشفة عميقه من كوب الشاي ترن
في أذن حسن الذي دخل إلى المغارة وهو يتسم.
_ إزيك يامنزع .

منازع تهزه المفاجأة ودخول هذا الغريب عليه وهو لا يخطر في

بأله أن يأتي إليه حسن في جحره .

_ مين أنت ؟ وتعرفني مين ؟

_ أنا جيت عشان أعرفك ، وكمان علشان تعرفني

أنت.

_ وأنا حعوز أعرف خلقتك ليه ؟

_ علشان أنت عاوزني ، وجاي تدور عليه

_ هو أنت ؟

_ أيوه أنا ، أنا حسن اللي بتدور عليه يامنازع.

منازع بدهشة.

_ حسن .

حسن يتكأ على عصاه .

_ أيوه حسن ، جيتلك برجليه علشان تاحد العشرين أردب.

منازع يحاول أن يمسك بالبندقية ، يلاحقه حسن بوضع العصا

ودهس كفه،

_ مش عيب منازع يتحامي في باروده.

منازع ساخراً .

_ ما انت متحامي في عصايه.

حسن يرمي بالعصايا بعيداً ويركل البندقية بقدمه بعيداً عن منازع.

_ أنا من غير عصايه دلوقت ، وريني عندك أيه ؟

_ حوريك وأعفر جتتك في التراب ، ولو أني فرحان

أنى لقيت اللي قدر يتجرأ على منازع .

منازع يهجم على قدمي حسن بقوته ويطرحه أرضاً، يركله حسن بقدميه

بقوة ترمي منازع على حائط الكهف ،حسن يقف سريعاً ويتبادل الضربات

بالأيدي وبالركل بالقدم وبالرأس، منازع يمسك حسن بقوة فيعاجله

بضربة رأس قوية ، يترنح على إثرها منازع ، يعاجله حسن بضربة

بقبضة يده ، يسقط منازع على الأرض ، وجاء سقوطه بالقرب من عصاة

حسن ، نسي شرف القتال أمام إهانات حسن له بضربات أفقتته إتزانه

أمسك بعصا حسن وشب واقفاً محاولاً ضرب حسن ، يتفادى حسن الضربة

وبحركة سريعة يطوي العصا بذراعه الأيمن ويسحب منه العصا ،عاجل منازع بضربة قوة ، تفادها أيضاً

منازع وأمسك العصا ولكن لم يخلصها

من يد حسن ، يحاول كلا منهما إفلات العصا من يد الآخر ، تظهر قوتهما

حسن يشد العصا بقوة نحوه فيندفع معها منازع فيعاجله بضربة رأس قوية

تسقط العصا من يد منازع ويعاجله حسن بعدة ضربات قوية يسقط بعدها

منازع على الارض ويقف على جسده حسن واضعاً العصا
على صدر منازع ، الذي إنهارت قواه وفقد المقاومة، يستسلم
_ منازع مقدرش ياخذ رقبة حسن ودلوقت مايستحقهاش
وانت ياحسن تستحق رقبة منازع الي البلاد كلها مستنياها
_ أنا جيت علشان أشوفك ، عاوز تاخذ رقبتى ليه ، عملتك أياه.
_ أنا قاتل بيقتل ويقبض التمن ، مايهمنيش أعرف الي حقتله
أو معرفوش .
_ بتقبض على الراس كأن البني آدم دبيحه وراسه رخيصة
مالهاش تمن عندك إلا كام أردب أو كام آقجة.
_ كنت فاكركده إنها رخيصة ياحسن ، دلوقت ورقبتى
تحت إيدك حسيت بقيمة البني آدم ، أنا جيت أخذ رقبتك
دلوقتي أنا رقبتى تحت إيدك .
_ رقبتك يامنازع ملك الي خالقها ، هو بس الي يقدر ياخذها
أنا مش حقتلك ولا أعمل زيك وأقولك تشتري بكام رقبتك
أنا عفيت عنك، قوم أقف يامنازع ، مش عاوز منك حاجه.
منازع وقف صامتاً أمام مروءة حسن ورغرغت عيناه
بالدموع .

_ مش عارف أقولك أيه يا حسن ؟

_ ماتقولش حاجه يامنازع .

منازع يتجه نحو البندقية وحسن ثابت ويترقب بحذر

هل يعاجله بطلقه ، منازع يمسك البندقية من منتصفها ويتجه

بها نحو حسن .

_ ليه عندك طلبين يا حسن ؟

_ قول يامنازع .

_ أول حاجه تقبل مني البارودة دي هديه مني ، أهـي

تنفعك واكفر بيها عن البارود اللي اديته لجعفر ورجالته

ومستنيين يضربوك بيه .

_ وأنا قبلت الهديه يامنازع ، الطلب الثاني أيه ؟

_ تاخدني صاحب ليك يا حسن .

حسن بيتسم ويقترّب من منازع ويحتضنه ومنازع لا يسيطر على

الدموع التي تتسابق على وجهه .

حمدان ينتظر حسن ، بدأ القلق يتسرب إليه من تأخير حسن في مغارة التعابين وخشي أن يكون أصابه
مكروه ، لم يعبأ بأصوات الذئب التي تحيط

به .

_ اتعوقت كثير يا حسن ، ماكنش له لزمة المشوار ده .

.....

حسن ومنازع ينزلان من المغارة ببطء وهما يتحسسان الأحجار

منازع كاد أن يختل توازنه ، لولا أن حسن تلقفه .

_ أيه يامنازع ، عجزت ولا أيه ؟

_ اتعترت في طوبة يا حسن ، كانت حتشقلبني

قول لي اللزي حيتجن منك ، أنت عملتله أيه.

_ ماعملتلوش حاجه ومفيش حاجه بيني مابينه

_ إزاي ، طيب كاريني عليك ليه ؟

اللزي مايبكريش على حد ويقدر يعمل كتير قوي

ولما يكريني أنا يبقى مش قادر يعمل معاك حاجة

_ هو بس مش قادر يطولني مش أكثر.

_ يبقى فيه سبب كبير علشان يطاردك ويكري

عليك .

_ دي حكاية طويله ، حبقى أحكيها لك يامنزع .

.....

حمدان يقف ممسكاً بحصانه وحصان حسن ويتقرب تبة المغارة

من بعيد ، يلمح شبهان ينزلان ،

_ أياه اللي أنا شايفه ده ، حسن مش لوحده ولا يكونوا مين .

يحاول أن يتبين الملامح ، بدأ حسن في الظهور وبصحبتة.

منازع .

_ أياه ده؟ ، حسن ومعاها منازع !

أياه اللي لم الشامي ع المغربي.

يقترب حسن ومعه منازع من حمدان .

_ معلش يا حمدان ، إتأخرت عليك

ينظر لمنازع وهو يبتسم .

_ أصل منازع تعبني .

منازع ساخرًا

_ أنا اللي تعبتك ولا أنت اللي ورمت جتتي .

حسن يُعرف منازع على حمداني

_ ده حمدان ابن الحمداني يامنازع ، صاحبي

وأخويه تعرفه ؟

_ لا ماشفتوش قبل كده .

حمدان

_ أنا مش فاهم حاجه ؟

حسن لحمدان

_ عاوز تفهم ايه بس ؟ منازع بقى واحد مننا

حمدان يرتاب ولم يعجبه مقاله حسن.

_إزاي يا حسن ؟

_ ماتقلقش من منازع يا حمدان ، منازع راجل

وراجل جدع كمان ، ده اداني ابارودة بتاعته.

منازع

_ من حقه يقلق يا حسن ، مفيش حد في البلاد يأمن منازع.

ـ دار الشيخ آدم

كلما ضاقت الحناجر بالبوح ، تعلقت بأنشودة الأمل حتى تُفرغ ما أثقلت

به الحنايا ، ليتها كانت تنام الأعين قريرة ، وتسمح بإزالة بقايا دمع

ببضع أحلام طفيفة ، أصعب الأوقات في الصعيد ، وقت القيالة وهو

يبدأ من الظهر بتعامد الشمس على الأرض ، حر قارس الحرارة

الشيخ آدم يجلس بعيداً عن حرارة الشمس ، يستظل بالخوص ، يجلس

على حصيرة يصنع حبلاً ، يضع الليف بين أصبعي الإبهام والسُّبابة

ويقتل حبات الليف المنسولة إلى أعلى بأن يلف بعضها فوق البعض

الشيخ آدم أنجز أكثر من مترين في الحبل ، هو يفتل وشحاته ينسل

له من الليف وهو يغني .

ـ دا زمان كانت مشطه

والنيل مالي الأراضي

خراب يابيت بطه

عمار يابيت نفادي

ـ أتغني ياابن عزيزه ، ألم تجد ماتغني

به سوى بيت بطه وبيت نفادي .

ـ يعني أيه يابا زمان كانت مشطه؟ ويعني

أيه بيت نفادي وبيت بطة .

_ يعني كانت الدنيا زمان عايمه على بعضها

وماكنش فيه سدود ويجي الفيضان يغرق

البيوت كلها ومن ضمنها بيت بطة وبيت فادي

علشان في مكان عالي ، الميه ماتوصلوش.

تدخل عزيزة

_ خلصت الحبل ياادم.

_ ان شاء الله تنطسي في نظرك ، أنت ياويله

مش شايفاني بقتل في الحبل، وأنت مستعجلة على أياه.

_ عاوزه أخلص السباته علشان في الليل معزومه .

_ مرات محمد عوض عزماني على حرق القمير.

_ وفرحانه ؟.

ساخراً الناس تعزم بعض على غدا ولا عشا

على بطة ولا ديك وانت معزومة على حرق القمير.

...القمير هو المرحلة الثانية بعد صناعة الطوب يتم بناءه بأكثر من عشرة

آلاف طوبه وترك فراغات كثيرة داخلية يصلها النار وهو على شكل دائري

بنصف قطر حوالي خمسة متر وبارتفاع يزيد عن العشرة أمتار ، يتكون

في منتصفه فوهة كبيرة وعميقة ومرتفعة في الوسط ويقومون
بتجهيز الحطب والبوص ويوقدون عليه النار من بعد صلاة العشاء
حتى صباح اليوم التالي وَيَسْوَد القمير من كل جوانبه من دخان الحريق
ويحمر كجهنم من داخل الفوهة ويتركونه حتى يبرد بعد أن يحمر كل
الطوب .

.....

ليله في حجرتها في دار اللزي ، تتزين وتتجمل ، تُكحل عينيها
من محرمة قماش بها أكثر من خمسة زجاجات للكحل ، تخرج
من الغرفة ، تتجه لنصف الدار تكيد منيرة ، منيرة تحرك
ذراع الطلمبة لجلب الماء في صفيحة لتسقي به البهائم ، تنظر لليله
بغيط فتحدثها ليله ببرود وكبرياء .

_ إزيك يامنيره .

منيرة ترد بإقتضاب

_حمدالله بالسلامه .

_ على أيه يا اختي .

_ على خروجك من حبستك ، وكمان متزوقه

وليك نفس تتزوقي .

_ وما أتزوقش ليه ، هما اللي بيتزوقوا

أحسن مني ، الله جو العصريه حلو.

.... يدخل اللزي وتفاجئه ليله بزينتها فيمتلأ وجهه بالسرور والسعادة.

_ والله منوره الدار .

_ الدار منورها بأهلها.

منيرة في حالة غيظ و كبت تود أن تسحبها من شعرها وتوقعها أرضاً

وتُشبعها ضرباً، حملت منيرة صفيحة الماء التي إمتلأت من ماء

الطلبه واتجهت بها ناحية حوش البهائم وهي تمصمص الشفاه

من الغيظ ، تدخل حوش البهائم وتصب لهم الماء وتحدث نفسها

_ ماشي يابنت الحمداني ، أنت عاوزه تفرسيني ، طيب

حشوف أنا ولا أنت ياعشيقه الرجاله.

.....

لواظ مستلقيه على فرشها ، نامت نوماً عميقاً ، لم يحدث لها
من قبل ، فكلّمت حسن منحتها حياة بعد عدم وأمن بعد خوف

وحيرة ، هو يبدأ به نهارها وينتهي به ليلها ، تراه نصف

من القمر ونصف من الشمس ، هو كل رحلتها في الكون.

حليمه تطرق الباب ، لوحظ تفيق من نومها .

_ ادخلي يا حليمه .

تدخل حليمه وتتعجب من وجود لوحظ على الفراش ويبدو لها

أنها مستقيظة الآن .

_ أنت لسه نايه لحد دلوقت .

_ أول مره أنام كثير كده يا حليمه

_ إحنا داخلين على العصاري .

_ معقوله أكون نمت ده كله .

_ لا ، الحكايه فيها سر.

_ أيوه فيها سر ، السر في المنديل ده .

تضع لوحظ المنديل على صدرها وتحتضنه .

_ أنت باين عليك اتخبلتي ، بتحضني منديل.

_ وابوسه كمان وأطير بيه .

_ والنعمه اتخبلتي رسمي ، منديل يهوسك كده .

_ يهوسني ويجنني واكثر من كده ، منديل حسن

يأبت يا حليمه .

بدهشة وإستغراب

_ منديل حسن ؟

_ و جالك ازاي .

_ بعته مع السلوتي ، وكاتبلي عليه .

تنظر حليمه للكلام المكتوب ولا تستوعبه ولكن الكتابة بالدم أدهشتها.

_ ده كاتب بدم على المنديل .

_ أيوه يا حليمه ، حسن كتبهولي بدمه ، عرفتني

ليه المنديل غالي عليه .

_ أنا عقلي خلاص حيطير مني

أنتوا حتموتوني ناقصه عمر.

_وأنا عقلي وقلبي وروحي طاروا

طاروا مع حسن يا حليمه .

ـ بالقرب من الخيمة

عليك أن لا تتخيل كل الناس ملائكة حتى لا تفقد أحلامك ،ولا تجعل
ثقتك فيهم عمياء فتبكي على سذاجتك ، يجب أن تتعامل بحيطه وحذر
تعطي كل الثقة وتفترض حسن النية وأنت في ترقب وحذر ،حسن يمنح
منازع كل الثقة وحسن النية ومنازع بدوره يحاول أن يثبت لحسن
أنه تغير للأفضل ،حسن يجلس مع منازع على الرمال على ضوء القمر
يحكي له قصته ويده اليميني تلهو بالرمال ، فيملأ قبضته بالرمال ويُفرغها
من أسف قبضته ومنازع يُنصت له وهو الآخر يلهو ولكن مع الحصى
يمسك بالحصى الصغير ويقذف بها بعيداً.

ـ جيت هربان البلد دي بعد ماعدموأ أبويه وهربني

من هناك عمي رحان ربنا يرحمه .

ـ مين رحان ده ؟

ـ يبقى أبو مرسال .

ـ العبد بتاعك ؟..

ـ هو صاحبي وأخويه يامنازع ماتقولش عبدي.

أبوه وامه تعبوا علشانى واتحملوا كثير واللي

خطف عم رحان وحبسه في حوش البيت لولا

ماهربته من هناك وكانت صحته تعبت ومات هنا.

_ وبعدين يا حسن ؟

_ ربنا كرمننا براجل طيب ، أخذنا على مركبه

اسمه منقريوس.

_ عارف منقريوس ، أخو المقدس أرمنيوس.

_ أيوه ، خلاني نزلت في ضيافة المقدس أخوه وفتحت

عيني ثاني يوم على كُريم وهو جاي عاوز يمشي المقدس

وياخدوا داره .

_ يبقى أنت بقى اللي ضرب كُريم ؟

_ ماكنش قدامي غير كده ، علشان أحفظ للمقدس داره.

_ علشان كده ، هربت للجبل ، طيب واتعرفت على الحمداني

وحمدان إزاي ؟

_ اللزي عاوز يتجوز ليله بنت الحمداني بالعافيه وهي زوجة

لسديري ابن اخو الحمداني ، أنا نزلت هربت ليله وبعدها

هربت سديري وقتله اللزي في المغاره اللي كنت قاعد فيها.

_ وليله دي فين ؟

_ أخذها اللزي وحابسها في داره.

_ يا بوي ، دا أنت حكايتك حكاية يا حسن .

أنا شُفت في حياقي كثير ، لكن ماشُفتش

الي أنت شُفته.

_ أهل البلد غلابه يامنزع وجعفر واللي

وهارون بيمصوا في دمهم ومستعبدينهم.

_ تصدق أنت حسستني بأني راجل ناقص

شيطان بيفرح بالخوف الي يشوفه في عيون

الناس ، راجل ، قلبه مات من سنين .

_ وقدامك الفرصة تصحي قلبك الميت

وتكفر عن الي عملته في الناس .

_ أكفر عن أيه ؟ ولا أيه يا حسن ؟

_ رحمة ربنا واسعه.

_ وأنا من إيدك دي لإيدك دي.

يمد يده ليصافح حسن الذي يُفرغ التراب من قبضة يده وبدلاً من أن

يمد يده لمصافحة منازع ، أمسك بها من المعصم وصرخ صرخة

كبيرة ، الصوت وصل لداخل الخيمة حيث الحمداني وحمدان ومرسال

فظنوا السوء في منازع وخرجوا مسرعين نحو حسن .

_ أياه الي حصل يا حسن .

_ حاجة لدغتنني جامد .

_ دي دفينه يا حسن ، هات إيدك .

يمسك منازل بيد حسن ويُخرج خنجر من ملابسه ويقوم

بجرح المكان الذي أشار عليه به حسن وقام بتشريطه عدة

شرطات لخروج السم ، ومد فمه في كف حسن ، يمتص الدم المسموم.

ويبصق به بعيداً، وصل الحمداني وحمدان ومرسال ، ووجدوا منازل يمتص

الدماء من كف حسن .

الحمداني

_ فيه أياه يامنزع ؟

_ الظاهر إن دفينه لدغت حسن.

_ ياساتر يارب ، دي لدغتها أصعب من العقربه.

_ أنا خرجت الدم المسموم ، شوفولي خَلَقَه قديمه

أربط بيها إيده .

في الدرب

نأتي للحياة بصفحات بيضاء نقية ، وعندما نصل لمرحلة الوعي يمسك
كل إنسان فرشاة لرسم صفحات حياته، منا من يحولها للوحة سوداء
قائمة ومنا من يتفنن في توزيع الألوان ويرسمها بشكل ساحر وجمالي
ومنا من لا يجيد الرسم ويملأها تلطيش بالألوان.

يشعه تسير حاملة البلاص على رأسها في الدرب ، فتقابلها حلیمه
هي الآخرة في الطريق للبئر ، حيث تنتظر كلا منهما دورها ويشاهدان
خلف الملا وهو يعتريه الغرور لتحكمه في ماء البئر ، هو لا يحرص
على دور كل واحدة منهن إلا قليلاً هو يجمال دائماً.

_ أنت لسه رايجه تملي ميه دلوقت يايشعه.

الشمس قربت تغيب.

_ لقيت الزير مافيهوش ولا نقطة ميه ، كنت مكسله.

_ أنا قربت املا الزير يمكن المره دي وخلص.

_ لواحظ عامله أيه يايشعه؟

_ اسكتي ، دي طايره من الفرخ ، من وقت

ماحسن بعثلها المنديل وكتبها فيه كلام بدمه.

يشعه بتعجب ودهشة

_ حسن بعثها مندبل ، إزاي ؟

_ بعته مع السلوقي وكتب عليه كلام حلو قوي.

_ يا عيني عليك يا حسن ، دانت واقع خالص

وكمان كاتبه بدمك.

_ ولوا حظ كمان ، مفيش في حياتها غيره .

يصلان للبئر ، من حسن حظهن لا يوجد زحام على البئر

خلف الملا بدأ في ملأ الماء داخل بلاص كلاً منهن.

_ بتروحي ليله يا حلیمه.

_ أيوه ، هو أنا ورايه غير ليله ولوا حظ ونكدهم.

_ خلي بالك معاها .

_ ليله رايقه دلوقت وبطلت تلبس السواد.

_ أهو روقانها ده الي قلقني.

ينتهي خلف الملا من ملأ بلاص كلاً منهم. وساعدهن في رفع البلاص

على رؤوسهن واستكملا حديثهن وهن في طريق العودة .

_ ماتخافيش عليها ، ليله مش ساهله، دي مجننه منيره.

_ ومنيره كمان مش ساهله ، دي تلعب بالبيضة والحجر.

_ مش طايقين بعض وطول اليوم نافر وتقير.

بس اللزي واقف مع ليله.

_ عاوز يرضيها علشان توافق ع الجواز.

_ أيوه ، هو بيدحلب عليها علشان كده.

.....

في الجبل

وقت الغروب يجلس حسن بصحبة منازع، يتأمل الشمس وقت الغروب

وكانها تسبح على بحر شاطئ جميل لون مياهه إكتسى باللون البرتقالي

مع مزيج من اللون الأحمر، ينتابهما السكون والصمت، هو يتابع النهاية

المعتادة، اليومية لرحلة النهار والأيام، يكسر حدة الصمت منازع.

_ أنا حنزل الليله يا حسن ، أطقس على الأخبار

وأشوفك في الليل، وأقولك كل حاجه.

_ ولو سألك اللزي عن رقبتي ، حتقوله أيه؟

_ أقوله عاوزني أدور في الجبل كله

وأجيبه في يوم وليله، ولأيه.

حسن يبتسم

_ إنزل أنت يامنازع وربنا معاك.

يبدأ منازع رحل النزول إلى أسفل نحو البلدة، حسن ينظر إلى البلدة من بعيد

بلاد الدهشة أسوارها مليئة بمصابيح تخطف الأبصار ولا زلنا ننتظر خفض الضوء حتي نُبصر، يحدث نفسه .

_ آه يابلد ، على أد مافيك من شر.

جواك أحلى حلم وأجمل قمر

ياترى وصلك المنديل يالواحد

وقريتي الكلام الي كتبت هولك.

يعود ويعطي ظهره للبلدة ويتأمل في الجبل، إن كنت تمر بضيق أو حزن

عليك بالتأمل ففيه راحة وحياء، إن شعرت بالوحدة فلا تجزع ، ففي التأمل

ما يُغنيك عن البشر.. حسن يتأمل في الجبل ورغم أنه بدأ مع خيوط الليل

يظهر كشبح عملاق، لم يشعر حسن بحمدان. يقترب منه.

_ فيه حاجه يا حسن ، بتبص ليه كده للجبل.

_ الجبل والأرض وبلدكم مفيش فرق.

_ مش فاهم تقصد أيه ؟

_ بقصد أنه مفيش فرق بين الجبل والبلد؟

_ إزاي ، الأرض بتجمع الحب والكراهية ، الخير والشر

الحسد والغل ، والجبل أيضا كل الأعداء، الديب

والضبع والأسد والتعلب ، بس تعرف

ياحمدان الوحوش أرحم مننا.

_إزاي طول اليوم بيطاردوا في بعض.

_ بيطاردوا بعض علشان ياكوا

ولو أكلوا وشبعوا خلاص

لكن النبي ادم مايشبعش،عاوز ياكل

ويحرم غيره من الأكل.

_ بس مايعرفوش الحب.

_ مين قللك، الحب عندهم وكمان النظام

حتلاقي كل الديابه عايشين مع بعض في حب

ونظام ويحترموا بعض وعلى الخير والشر تلاقىهم

ايد واحده ، قبيلة الأسود كده وكل قبيلة حيوان

ولكن إحنا بنتربص لبعض ونسرق بعض

ونقتل بعض.

_ أنت لحستلي عقلي، إحنا مالنا ومال الكلام ده .

حسن ييتسم

_معلش أنا تقلت عليك ، بهون على نفسي

لا تخسر همسات الصباح ، هي دائماً ممتلئة بأجمل الأحاسيس، يسكبها

حبر أبيض شفاف خالي من الألم، هي تمسح ماقبلها من وجع الليالي

إملاً الصباحات بالأمل وروح التفاؤل ، الأشرار يستقبلون الصباح بحبر

أسود ، يكتبون رسائل الوجد وينثرونها في الهواء ، تحملها الريح

ويتلقفها البسطاء من البشر.

.....مع تباشير الصباح ، جعفر يمتطي حصانه مسرعاً ، مخلفاً حوله

كل الغبار، عند القريوس يجد طلب وبكر.

_ ماشفتوش هارون يارجاله ؟

_ هو واللي كانوا ماشيين ناحية نخلات مُصبح.

إنطلق جعفر بجواده قاصداً الجسر، واصل جواده الجري بسرعته

القصوى ، الحصان تُقاس سرعته حسب البيئة التي يجري فيها

فهناك حصان سرعته تتراوح ما بين ٥ و ١٠ كيلو وهناك من تصل

سرعته من ٢٠ حتى ٣٠ كيلو وهناك من يتخطى تلك السرعة.

...تحت ظل النخيل يجلس الليزي وهارون لا يعبئان بحشرات

أبو العكيس وهي الحشرة الأشهر في الطرق الزراعية .

_بطل كلام ، كلامك بقى ماسخ ياهارون.

_ أنت مايطقش حد يجيبلك سيرة ليله.

_ وأنت مالك ومال ليله ، اتجوزها ماأتجوزهاش

مالكش فيه .

_ أنت اللي بتقولي أيه رأيك اتجوز ليله

ومش عاوزني أقول غير اللي يرضيك

أو تتعصب عليه وتهلفط كده.

اللي يلحم من بعيد حسان جعفروهو يجري. في إتجاههم.

_ مين اللي بيرمح كده ؟

_ هو فيه حد بيرمح كده غير جعفر .

يقترّب منهما جعفر وينزل من على جواده.

_ بتعملوا أيه هنا ، جايين تشوطوا على الزرع.

هارون

_ كنا بنتمشى انا واللي ،الزرع ميته حتقف

داخلين على مية الأربعين .

مياه الأربعين هي فترة قطع المياه عن المصارف والترع

لمدة أربعين يوم وتجف الترع والمصارف ولا يجد أهل البلده

إلا صيد أسماك البلطي والقراميط، يقومون بتعكير المياه بالطين

فتفقد الأسماك القدرة على التنفس لنقص الأكسجين من المياه بسبب

تعبير المياه فتخرج إلى أعلى محاوله التنفس وهي اللحظة التي

يتربها الصيادون ، ما إن تخرج الأسماك للتنفس حتى ينقضون عليها

وكان أكثر مايرهقهم هو صيد القراميط ، فهي تتمتع بقوة يُمكنها أن

تُسقط رجل .

_ أنت جنابك صاحي بدري النهارده.

_ أيوه ولقيت نفسي زهقان ، وماشفتش خلقة حد

فيكم ، قلت أنزل أتمشى شويه، بقولكم أيه ؟

الذي

_ قول جنابك.

_ أنا زهقت من الأرض ، والناس اللي بيزرعوها

زهقوني أكثر .

هارون

_ وحنعمل أيه أكثر من اللي بنعمله.

_الأرض مابتديش زي الأول وأنا السنجق

مايرحمنيش ولو قلت له ارحمني حيقول

أنا كمان الوالي مايرحمنيش.

الذي

_ أهي سائرانا وخلص ونص العمى ولا العمى كله.

_ لا ، أنا زهقت منها وعاوزين نشوف حل يخلصنا منها.

هارون

_ عندي يابيه الحل .

_ قول ياهارون

_ نقطعوها حتت وكل حته مية فدان ونبيعوها.

اللي

_ واللي بيزرعوها.

_ يشوفوا شغله تانيه .

ـ حب يحاول أن يتنفس

لواظ ولحظات الإنتظار، تتصاعد أنفاسها ، تتمنى لو تستجمع آهاتها

وترسلها لحسن عبر النسيم ، هو فتنتها الكبرى ، وخطيئتها العظمى

لا أمل لها في توبة منه ، مزقت كل صكوك النسيان ، تقف بجوار

شجرة جوافه تنتظر حليمه التي أرسلت في طلبها، هاهي حليمه قادمه

بمشيتها المميّزة وإبتسامتها التي لا تفارق شفاها.

ـ خير ياست لواظ ، خضيتيني ، فيه حاجه؟

ـ أيوه ، أنا عاوزه أبعث جواب لحسن.

ـ يادي النيله ، بقى جايباني على ملا وشي

علشان تقولي أبعث جواب لحسن ، وده حتبعتيه

إزاي ياستي .

ـ مع السلوقي .

حليمه ساخره

ـ والله أنت مش حتجيبيها البر، غير لما

تودينا في داهيه، سلوقي أيه ياستي

ده واد عبيط ومايتبلش في بقة فوله.

_ ماهو جاب المنديل من حسن .

_ من حسن ماشي ولكن منك حاجه ثانيه

السلوقي مايطمنش .

_ أنا كنت فرحانه وقلت حتشجعيني

جايه تكسري في مجاديفي .

_ أنا خايفه عليك.

_ متخافيش أنا عامله حساي كويس .

بس أنت هاتيلي السلوقي من تحت طقاطيق الأرض.

_ حجييه وأمري لله ، أنا عارفه موتي حيكون على

إيديك ومش أنا وبس ، أنا وابويه وأمي واخواتي.

_ بطلي خوف وتعالى فوق نكتبه الجواب.

_ وأنا حعمل أيه ، أنا لابقرا ولابكتب.

_ كفايه إنك تكوني جنبي ، ياللا ابويه مش

هنا خرج بالفرسه، بينا نطلع فوق.

لواظ تدخل من باب القصر وتصعد للدور الأول، حيث غرفتها

تسير خلفها حليمه ، يدخلن الحجرة.

_ طيب هو كتبلك على منديل ، أنت حتكتبي له على أيه؟

_ حكته على حته من جلبيتي، علشان يشم ريحتي

حشوف أحسن جلبيه عندي لونها فاتح وأقطعها.

_ ياخساره على الجلبيه .

لواظ تبحث في دولابها عن أفضل جلبيه حتى تجدها ، حلیمه في ذھول
من تصرف لواظ ، هي تعلم أن ملابسها غالية الثمن . ومن أجل كلمتين
تكتبهم لحسن تضحي بها.أمسكت بمرود من العاج وغرسته في المكحلة
الخاصة بها المحرمة غرست في وعاء صغير من الأحجار الكريمة .

_ أكتب أیه یابت یاحلیمة.

_ اکتبی له انک تعبتی وتعبتوا حلیمه معاکم.

لواظ تبسم

_ سیبینی أكتب وأنت أسکتی خالص.

تكتب لواظ

_ بکتبک یاحسن علی حته من جلبیتی ، علشان

نفسی یبقی معاک وریحتی ،أنا عایشه فی الدنیا

عشانک وبیك ، ومالیش رجا من ربنا غیر أكون لیک.

مفیش قلب أحسن من قلبک یاحسن ، والختام سلام

من قلب ما یعرف ینام.

حليمه تصرخ

_ ياوعدي ، أیه الکلام ده ، جبتيه منين .

_ من جوه قلبي ياحليمه.

_ منا ليه قلب وما بيعرفش حاجه.

_ لما تعشقي يا حليمه ، حتلاقيه يقول لوحده.

_ ياميت ندامه ، أعشق مين ؟ خلف الملا ؟

لوا حظ تضحك.

.....

في الدرب يسير الشيخ آدم بصحبة ابنه شحاته في الطريق لدكان سعد
الخياط .

_ حنوصلوا ياواد ياشحاته لدكان سعد الخياط .

تلاقيه خلص الجلبيتين وبعده نطلوا ع الجامع
يادوب نلحق صلاة الظهر.

_ ماشي يابا ، يارب يكون خلصهم

علشان ألبس الجلبيه.

_ لا يابن عزيزه ، أنت حتقيس الجلابيه

عند سعد ولو طلعت تمام، تشيلها حتى

العيد يابن عزيزه ولا عاوز تغرمني جلبيه تاني.

لا مفتاح ياواد زي أمك عزيزة.

الشيخ آدم يشم رائحة الطشه وهو يسير مع شحاته،فيتوقف ليستمتع

براحتها وهي في الغالب شوربة يضاف عليها ثوم يتم تحميرة

وتكون بصحبة دجاجة محمرة ،أما اللحوم فهي تُطبخ على زفر

في برام كبير مملوء بالسمن والبصل ويقلبونه بيد يسمونها

مُفراك يُنعمون به البصل ويُقلبونه وهي أكله في غاية الدسامة

لا تتحملها معدة أهل المدينة.

_ شامم ياواد ياشحاته رائحة الطشه، دي مسلوقة

مُعتبره ، ياترى طالعہ من بيت مين الطشه دي.

_إحنا قدام بيت الزغبى.

_صحيح ياواد ياشحاته، ماهي الطشه دي

ماتطلعش من أي بيت وماتتاكل إلا عند جدك الزغبى.

ـ حجرة ليله داخل دار اللزي

الكثير من الأسرار تكون مخبئة في سراديب الذكرى، هي تحاول
أن تخفي الكثير من دموع الوجع والشوق والألم، الضحكات تتوه
من وجهها وتحاول القبض عليها ، تستدعي الخيال المهاجر بعيد
تتوه بين الكيد وابواب الذكرى. تحدث نفسها. وقرينها يرد عليها

ـ أنت جيت ياسديري

ـ أيوه ياليله ، جاي هلكان وجعان

عاوز أكل لقمه من إيدك الحلوة.

ـ قبل ما أحضرك الغدا ، أقعد جنبي

هنا ، عاوزه أملي عيني منك، يوم

كامل ماشفتكش فيه ياسديري.

أنت طالع من الفجر وحشتني قوي.

ـ أنت مابتغيش عني ياليله

وأنا ماسك الطوريه وأعزق في الأرض

وأنا بدور البداله وبسقى الزرع ، شايفك

قدامي .

....منيرة متجهة للزير لتشرب وأثناء عودتها بالقرب من حجرة ليله

تسمع صوت ليله ، فتقترب من الحجرة لتتصنت عليها.

تتسحب على أطراف أصابعها حتى تلتصق بباب الحجرة.

تسمع .

_ مالك عرقان كده ، تعالى انشفلك وشك

قرب عليه يابعد عمري.

...منيرة في دهشة والمفاجأة هزتها

_ إخص عليك يالزي ، هي حصلت كده

تُفجري قبل ماتتجوزيه.

تتجه منيره ناحية حجرتها.

_ أعمل أيه ، أروح أفتح عليهم وأفضحهم.

بس لو عملت كده ، اللزي كان يقطع رقبتني.

.. تسمع منيره صوت اللزي ينادي عليها ، دهشه وحيرة تنتابها

صوت اللزي

_ بت يامنيره.

تحدث نفسها

_ فيه حد بينادي يامنيره.

اللزي بصوت أجش وعالى.

منيره تقتلها المفاجأة بعد أن تتبين أن هذا الصوت صوت اللزي .

_ ده صوت أخويه اللزي ، امال يكون مين جوه

مش ممكن يكون لحق يطلع من عندها.

تتجه نحو حجرة أخيها اللزي وتفتح الباب وتدخل الحجرة، تجد اللزي

مستلقياً على فراشه بملابسه الداخلية ، سديري وسروال كبير

منيرة في دهشة وحيرة وتوتر ، مفاجأت غريبه وألغاز أمامها بلا حل.

_أيه يابت بنده عليك م الصبح ، مش سامعاني.

منيرة وهي لاتزال في ذهولها.

_ أنت ماطلعتش من هنا ؟

_ أيه يابت ، فيه أيه؟

_يعني أنت ماقمتمش ولا رحت عند ليله؟

_لا ، انت اتخلبتي ، منا قدامك أهو لسه صاحي.

_ تبقى هي بتتحدث مع مين ؟

_مين اللي بتتحدث مع مين ، حترويشيني.

_ ليله كانت بتكلم واحد في الأوضه ، وتقوله

تعالى أنشفلك وشك يابعد عمري.

_ أيه الكلام الماسخ اللي بتقوله ده؟

_ أنا سمعت الكلام ده بوداني وأنا راичه

أملا السطل من الزير أشرب.

يقوم اللزي فزعاً من فراشه ويحمل بندقيته في يده ، يتجه بملاسه الداخلية

نحو حجرة ليله وخلفه منيره وهي تستعد للشماته في ليله.

.. ليله تستلقي على فراشها محدثه نفسها

_ تعالى نام جنبي يا حبيبي وارتاح ، أنت شقيان طول النهار.

تغمض ليله عينيها، اللزي يندفع نحو حجرتها ، يفتح الباب ويدخل غاضباً

وخلفه منيره ، يجد ليله نائمة ، يصبوب البندقية ناحيتها وهو يشدها ، تقوم ليله مفزوعه.

_ فيه أيه ؟

اللزي بغضب

_ بتعملي أيه ؟

_ أعمل أيه ، أنت مش دخلت لقيتني

مخموده ونايمه.

_ نايمه من ميته ؟

_ من بدري .

منيره

_ كدابه ، كنت صاحيه دلوقتي وكنت بتتحددتي مع حد.

_ أتحدث مع مين ياحسره، ومين حيقدر يدخل يتحدث معاي.

اللزي يعود إليه الهدوء.

_ بصحيح ، مين يستجري يدخل هنا.

يلتفت لمنيره

_ باين عليك اتخبلتي ، ليه حساب معاك.

يلتفت نحو ليله

_ معلش ياليله ، امسحي فيه الغلطه دي

تقعدي بالعافيه .

ينظر اللزي بإحتقار لمنيره وهو يخرج من الحجرة وتتبعه منيرة

منكسرة وهي تنظر لليله بغیظ وليله تبتسم في شماته، يعود اللزي

لفراشه ، يستلقي على سريره.

_ أعمل أیه تاني أكثر من اللي بعمله معاك ياليله

أجيب أبوكي وأخوكي من فين ؟ ياريت أقدر أجيبهم.

.....

منازع يسير متخفياً قاصداً دار اللزي يحمل بندقيته في يده ، يصل باب الدار، يجد بكر يقوم بغفارة
الدار ، بكر ترتعد فرائصه عندما يرى منازع

_ اللزي جوه ياد.

بكر وهو يرتعش

_ أيوه جوه، دخل الدار من بدري ، أخطبك عليه؟

_ أنا الي حخط عليه ، وغور أنت بعيد.

بكر وهو يرتعش ويتلعثم

_ لازم أنا أديله خبر، عشان مايضرنيش.

منازع بغضب

_ قولتلك غور أنت .

منازع يطرق الباب

.....

الذي يقوم من على فراشه مُزعجاً.

_ يوه ، الواحد مايعرفش يرتاح شويه .

يخرج من غرفته ويتجه نحو الباب ، لايزال منازع يطرق على الباب

الذي يصرخ بصوت عالي

_ طيب ياللي بتخبط.

يفتح الذي الباب فيجد منازع أمامه.

_ منازع !

_ طيب سييني أدخل .

_ اتفضل يامنازع ، ماهو الخبط ده مايكنش وراه غيرك.

_ كويس إنك لسه فاكّر خبطتي.

يتجه الذي بمنازع إلى الداخل حتى يصلان غرفة الجلوس.يرحب

الذي بمنازع الذي يجلس .

_ بيتك ومطرحك يامنازع ، حروح ألبس جلاييه وأجيلك.

_ مالوش لزوم ، أنا مش غريب.

_ مرتاح في المغاره.

_ واخذ على كده ، جعفر وهارون عاملين أيه..؟

_ كويسين وكانوا معاه الصبح عند نخلات مُصبح

_ وأيه اللي خلى جعفر يروح هناك .

_ سعل علينا ، قالوله أني وهارون هناك.

_ يبقى بتفكروا في مصيبه؟

_ هي من ناحية مصيبة ، هي مصيبه

ومصيبه كبيره كمان على

أهل البلد .

_مصيبة أيه دي ؟

_جعفر حيقسم الأرض ويبيعها كلها للأشراف

_ عمل خير ، بلا أرض بلا نيله.

_ معاك حق تقول كده ، مأنى بعت خمس فدادين

بوكلة مفروكه (هي عجينه يتم عجنها والدبدبة فوقها

حتى تصبح فطيرة ولكن بسمك أكبر من ثلاثة لخمس سم

يتم وضعها على النار دقائق قليلة قبل أن تبدأ الدخول في الحمار

ثم يتم تقطيعها باليد لقطع صغيرة ويتم فركها بكمية كبيرة من السمن

البلدي ، ثم يتناولونها بالجبنه القديمة أو العسل الأسود)

_ يعني الخمس فدادين كانوا أرضي ، قولي ايه

أخبارك ؟ وموضوع ليله اللي سمعته ، هي

لسه معصلجه معاك .

_ حتى أنت عرفت حكاية ليله يامنزع.

_ هو فيه حاجه في البلد دي بتستخبي.

_ تابعه قلبي يامنزع ، بس حنت شويه دلوقت.

_ حنت ؟ حنت إزاي ؟

_ وافقت على الجواز ، بس بعد موافقة أبوها وأخوها.

_ تبقى ساهله خالص ، مش حيقدرُوا يقولوا لا .

_ وهما فين ، دول قاعدين مع حسن ، وحسن

مش عارف أعتز فيه.

_ حسن أنا حبيبك قراره ، يعني لو

خلصنا من حسن يبقى أحسن.

_ حتبقى كل حاجه اتسهلت وسهل امسك الحمداني

وابنه وانت كمان يامنزع لو عترت فيهم قولي.

_ أيه حتخلص عليهم.

_ لا ، دول مايخفش منهم، أرجعهم البلد واتجوز ليله.

منزع يهم بالوقوف للخروج والعودة للجبل.

_ ماله بدري.

_ بدري من عمرك ، حروح أريح شويه

والصبح حقلب الجبل على حسن .

_ ياريت تيجيني بخبره.

_ حبيبك خبره وماتستعجلش، بس أعتز فيه.

الذي ساخرًا

_ أبقى خلي بالك من الديابه؟

منازع يضحك ببرود

_ قولهم بس هما يخلوا بالهم مني ، تقعد بالعافية

_ الله يعافيك.

يخرج مناوع ويبدأ رحلة العودة إلى الجبل، يسير عبر الدرب قاصداً

الجبل ، الكلاب لا تكف عن النباح عليه طوال الطريق ،حتى ترك الدرب

وبدأ السير في طريق الصحراء.

.....

في الجبل أمام الخيمة

في كل ليلة ، خصوصية عذبة يُحبها حسن ، يجمع شتات قلبه المُنْثقل بحب
عُذري، يعاني من فوبيا البُعاد ، الوجد يسكن قلبه ولا يستكين ، يُنصت لذاكرة
الحنين المملوؤة بصخب الذكرى، هو مجبور على التناغم مع الليل ، والعزف
على أوتاره ، يجلس حسن بصحبة حمدان ومرسال.

حمدان

_ مش حتقوم تريحلك شويه يا حسن.

_ لا ، أدخل أنت ريح وخذ مرسال أحسن باين عليه تعبان.

وأنا حقعد استنى منازع.

_ أدخل أنت وأنا حستناه.

_ عاوز اقعد مع نفسي شويه ، ادخلوا أنتم.

مرسال

_ مش عاوز مننا حاجه .

_ لا ادخلوا ريحوا

يدخل حمدان وخلفه مرسال الخيمة ويبقى حسن في وحدته يفكر في لواحظ ويحدث نفسه .

_ آه يالواحظ ، لو أطول أخذك وأبعد بعيد.

يلوم نفسه.

_ تروح فين يا حسن والناس الغلابه دول

حتسيبهم ملين ، دول حطوا كل أملهم عليك

آه يا حسن إكتتب عليك الوجد على كل حته من جتتك.

قطع تفكير حسن وصول منازع ، الذي يبدو عليه التعب

جلس بجوار حسن .

_ اتعوقت عليك مش كده.

_ أنا قاعد مستنيك ، حمدالله بسلامتك.

_ الله يسلمك من كل ردي.

_ أيه ؟ البلد أخبارها أيه ؟

_ البلد حالها ملخبط وربنا يستر.

_ ليه ؟ فيه أيه ؟

_ جعفر ناوي يقسم كل الأرض ويقطعها

حتت ويبيعها للأشراف .

_ دي مصيبه .

_ مصيبه كبيره، أهل البلد يروحوا فين .

_ دول مالهمش في حاجه غير الفلاحه والزراعة.

_ كمان اللي حيشترى مش محتاجهم، عنده ناسه

وأهل بلده .

_ يعني كده بيضيقوا على أهل البلد ويبسدوا

آخر منفس ليهم ، دول حيموتوا من الجوع

_ أيوه ، ربنا يستر.

_ ماسمعتش يامنزع حاجه عن ليله.

_ أنا رُحْتُ دار اللّٰزي علشان كده، بيقول كويسه

وبدت تحن عليه وتعامله كويس ، وبيقول هي

وافقت على الزواج ، بس شارطه إن أبوها وأخوها

كمان يوافقوا.

_ اللّٰزي قللك كده.

_ أيوه

_ طيب قوم ريحلك شويه تلاقيك تعبان .

_ صلوات باكية

نحتاج أن نفر إلى الله، حين تئن النفس ، وينزف القلب من جراء ألم
تُخلفه قسوة الأيام ، وترميننا بدموع، نخاطب من خلالها الزمن فلا يُجيب
تنسابُ من مُقلِّنا حتى تَخترقُ القلب بوجع يمتزج بأوردته وشرائينه، حتى
نشعر بضيق رحلة الحياة ونرى أشباح الموت تتخطفنا .

صباح يوم الأحد ، أرمنيوس يركب حماره وخلفه يشعه في الطريق
للصلاة في الدير الموجود بمنطقة تُسمى عرب الدير وهي على بُعد
حوالي خمسة كيلو مترات من الحاجر يمر الطريق بنزلة الحامديه
ونزلة الحرادنه ، ثم بعد مايقرب من اتنيل ميل عرب الدير

_ مش كنت رحت وحدي ياشعه.

_ محتاجه أصلي يابا ، بقالي كتير مارحتش الدير.

_ كنت تقعدني مع اختك مريم ، بدل ماساييينها لوحديها.

_ مريم راجل يابا وهي لما شافتني عاوزه أصلي قالت ماشي

روحي صلي أنت المره دي ، وأنا حروح المره اللي جايه.

... وصل أرمنيوس كوبري خشبي من جذوع النخيل أعلى التربة

يربط بين البلدة والجسر ، يسمونه الفُلَقَه ، وهي مشتقه من كلمة فلق

وهي جذوع نخيل مفلوكة إلى نصفين ، ما إن بدأ أرمنيوس بالإنحراف

بحماره علي يسار الجسر ، حتى قطع طريقه هارون.

_ على فين يامقدس؟

_ النهارده الأحد رايح الدير أصلي ، بلاش دي كمان.

_ تكونوا هنا قبل المغرب ، لو بعده ماتجوش أحسن.

يشعه معترضه

_ وأنت مالك بينا ، نيجوا براحتنا ، نيجوا المغرب

ولا نقعد الليل مالکش دعوه.

ارمنيوس

_ إستني أنت ياشعه .

يلتفت لهارون .

_ ماشي ياهارون ، حرجع قبل المغرب.

_ أنت حتمشي كلامه يابا.

هارون بحدة

_ ملي لسانك يابت .

يلتفت نحو ارمنيوس

_روح ياخويا وزى ماقولتلك.

يبدأ ارمنيوس السير على الجسر ويشعه لم يعجبها ماحدث.

_ ماكنش لازم توطيله كده يابا.

_ مش مستاهله يابنتي ، احنا رايعيين و حرجع

قبل المغرب ، حنعملنا حكايه ليه ؟

.....

صعب أن لا نستوعب ما يحيط بنا من مشاكل، ويصير السقوط متكرراً
في حياتنا ، نشعر بثقل الحياة ، تُنهك قوانا ومُطرنا بالخيبات تزداد وتتسع
وتتوحش يوماً بعد يوم ، يجب أن نكون في حذر وترقُب ولا نترك أنفسنا
عُرضة للريح .

..داخل المغارة في دائرة حُماسية يجلس حسن ومنازع والحمداني وحمدان
ومرسال .

حسن يلتفت للحمداني.

_ شُفت جعفر ناوي على أيه ياعم حمداني ؟

_ خير يابني .

حسن يلتفت نحو منازع

_ قولهم يامنازع .

_ جعفر حيقسم كل الأرض ويقطعها حتت

وحيبيعها للأشراف .

حمدان بغضب

_ وأهل البلد يروحوا فين ؟

_ يتولاهم ربنا .

حمدان

_ لا كده الي بيحصل كثير قوي

ومايتسكتش عليه .

حسن

_ مش حنُسكت ياحمدان ، ولازم نفكر بالراحه

وحنلاقي حل إن شاء الله.

مرسال

_ جعفر كده بينتقم من أهل البلد كلهم

ماتيجوا نخلصوا عليه ونرتاح.

يلتفت إليه حسن

_ إحنا مابنقتلش حد يامرسال .

_ واشمعنى هو بيقتل في الناس، ورجالته

السبب في موت أبويه وموت أمي بقهرتها عليه.

_ أبوك ما اتقتلش يا مرسال.

_ لكن هم سبب موته ، هو راجل كبير ومش حمل بهدله.

الحمداني

_ إهدا يا مرسال يا بني ، خلينا نفكر بالراحه.

يلتفت الحمداني نحو منازع.

_ ماسمعتش حاجه عن ليله بنتي يا منازع؟

_ ليله بخير يا حمداني ، واللزي بيعاملها كويس

وخصوصاً بعد ما وافقت ع الجواز، بس

اشترطت توافق أنت وحمدان .

حمدان

_ ده بُعده ، لو شاف حلمة ودنه،وبعدين

هي ازاي تقوله موافقه .

حسن

_ وهي حتقدر تعمل إيه يا حمدان

ليله بتحاول تمشي أمورها.

منازع

_ ولو وافقتم اللّٰزي حيرجكم البلد وكمّان

حيدىكم دار بدل من اللى إتحرقت.

حسن يلتفت لحمدانى

_ بقولك أّيه ياعم حمدانى؟

_ قول يا حسن يا ابنى ؟

_ اسمعنى كويس ، أنت ممكن ترجع البلد

أنت وحمدان ،واللّٰزي كده مش حيضركم

وبالعكس حيفرج برجوعكم، هو كان عاوز

ليله ، وليله تحت إيدّه ، ولو وافقتم على

الجواز ، حتعيشوا مرتاحين .

منازع

_ ايوه صح ، هو قال كده.

حمدان معترضاً على كلام حسن.

_ أنت بتقول أّيه يا حسن ! بلد أّيه اللى نرجعها؟

_ أنا بتكلّم عشانكم ياعمى ، وعلشان راحتكم

وبهدلتكم هنا ، أنا مش بتخلي عنكم ، بفكر

فيكم مش في نفسي.

الحمداني

_ إن كنا إحنا تعبنا وأحنا أصحاب المشكلة

أنت تبقى أيه ياللي تعبت معانا ومالكش في

التور ولا الطحين ووقفت جنبينا برجوله

ومن غير مصلحه.

منازع

_ كلام الحمداني صح ياحسن ، اللي اتعمل

في الحمداني وأهله مش شويه ، وعاجبني

كلام حمدان .

حمدان

_ حسن إحنا على الخير والشر مع بعض

ده آخر الكلام عندي .

حسن يلتفت لمنازع

_ ركز معاهه يامنازع ، الحمل اللي جاي

حيبقى تقيل أوي عليك .

_ وأنا قدّها وقُدود وماتعولش همّ يا حسن.

_ أنت حتتنزلهم كثير ، وتخليك وراهم ،عاوزين

نعرف كل حاجه عن الأرض ومين حشترها

من الأشراف وامتى حيجي يشتري.

_ دي ساهله خالص.

_ سيب الباقي على الله وعليه .

.....

عندما يخشع القلب لله ويزرف الدموع فرحاً وتضرعاً، يشعر
براحه وطمأنينه فالله أقرب إليه من روحه ، من أنفاسه
دمعة خشية الله خفيفة وجميلة تختلف عن أي دمعة، تنساب
بروحانية ، تحتوي كل الهم ، كل الوجع ، تُضمّد الجراح
هي أعظم دمعة.
... أرمنيوس يصل بحمارته إلى الدير ، ينزل من الحمار
ويقوم بإنزال يشعه، يقوم بربط الحمارة بقدميها الأماميتين .
_ بينا يابنتي .

دير كبير مبني بالطوب اللبن ، يُحيطُ به سور بإرتفاع صغير
لا يتعدى المتر ونصف ، هو ومريم يؤديان صلاة التثليث
ويتجهان إلى داخل الدير، جاوزا الممر ، دخلا من الباب، هو باب
خشبي كبير أعلاه صليب ، له مزلاج ضخمة، يوجد فوق السطح عمود
خشبي معلق عليه جرس الكنيسة ، داخل الدير قاعة كبيرة ، تُزينها
الصلبان من كل جانب وصور كثيرة ، معلقة على جدران القاعة
مقاعد عبارة عن مدادات خشبية كبيرة بقدر مساحة الصالة ، تواجه
مصطبة كبيرة يقيم عليها القسيس صلواته وترانيمه ، يدخل ارمنيوس
وخلفه يشعه ، يصلبان على صدرهما، القس يجلس على المصطبة
وصلوا إلى مصطبة القس من خلال ممر بين المدادات الخشبية
قَبَلَ ارمنيوس يد القس وصلب على صدره وتبعته يشعه، قام أرمنيوس
ومعه يشعه بأداء الصلاة والقس يتابعهما ، إنتهيا من الصلاة .

القس لأرمنيوس

_ مالك يابني حزين ، وكأنك تحمل كل هموم العالم .

_ الأيام بقت مابترحمش ياأبونا، حبستنا في سكه ضلمه

حجبت عننا نور الشمس ، حتى الهواء أتملا تراب

وعفر وشوشنا .

— وَقَالَ الرَّبُّ: «سَمِعَانُ سَمِعَانُ هُوَذَا الشَّيْطَانُ طَلَبَكُم لِكَيْ يُعْرِبَكُم كَالْحِنْطَةِ! وَلَكِنِّي طَلَبْتُ مِنْ أَجْلِكَ لِكَيْ لَا يَفْنَى إِيمَانُكَ. وَأَنْتَ مَتَى رَجَعْتَ ثَبَّتَ إِخْوَتَكَ - . لوقا : ، —

— الحياه مرها أكثر من حلوها ، كثير بتبكينا وقليل

بتفرحنا ، بتاخذ مننا وتبخل تدينا.

— وَأَمَّا أَنْتَ فَمَتَى صَلَّيْتَ فَادْخُلْ إِلَى مَخْدَعِكَ وَأَغْلِقْ بَابَكَ وَصَلِّ إِلَى أَبِيكَ الَّذِي فِي الْخَفَاءِ. فَأَبُوكَ الَّذِي يَرَى فِي الْخَفَاءِ يُجَازِيكَ عَلَانِيَةً. وَحِينَمَا تُصَلُّونَ لَا تُكْرِّرُوا الْكَلَامَ بَاطِلًا كَالْأَمَمِ فَإِنَّهُمْ يَظُنُّونَ أَنَّهُ بِكَثْرَةِ كَلَامِهِمْ يُسْتَجَابُ لَهُمْ - . متى : ، —

يابني إن الحج إلى هيكل سليمان ، يمكنه غسل

الخطايا ، ولكن لا يشفي القلب المملوء بالخطايا

إن الرب لا يهتمه صيامنا ولا صلاتنا ، إن الرب

يُحب أن نؤمن جميعاً، لنصبر على الحياة الدنيوية

لنعيش الحياه الأبدية .

_ قُمْ صلي لربك وأدعوه ليستجيب لك وليخفف عنك.

يقوم ارمنيوس ويشعه بالصلوات لوقت كبير ، ثم ينتهيان.

_ حاسس أني ارتحت شويه يابنتي.

_ وانا كمان يابا حاسه أني غسلت كل الوجع الي جوايه.

_ بينا نرجع يابنتي ، يادوب نوصل قبل ماتُغرب الشمس.

جميل أن يكون لك إنسان أنت نبضه وهو نبضك ،ينشغل بك ، يخاف عليك

يُشعرك بقيمة الحياة، يرباك حتى ولو من بعيد ، يُحسن الظن بك ، يراك

غير كل البشر، يغفر لك إن أخطأت ، يلتمس العذر إن أسأت إليه، الحب دنيا بلا كراهية ، تتوحد فيها القلوب والأرواح والعقول.

...لواظ بصحة حليمه في حديقة القصر ، مُنذ أن فكرت في إرسال خطاب

لحسن وهي لم تهدأ ، كتبت الخطاب وتنتظر من يحمله ، لا يوجد أمامها سوى السلوقي وتمنت لو إنطلقت وسط الدروب وكل مكان بحثاً عنه، المكان

المفضل للسلوقي عند الطاحونة ، يحرس الحمير ويساعد في رفع شوال الدقيق على الحمار كمساعدة يجد من وراءها بارة أو يجري مستقبلاً

الآتي بحمل الغلال في أشولة يسمونها تليس ويساعده في نقل الغلال إلى الداخل وهذا العمل يقوم به رجل يسمى محمد رزق ، قصير القامة، صاحب بدن سمين وعينان لا يتلاقيان أبداً بحوله واضحة ، محمد رزق ولو أنه يضيق

من السلوقي من مشاركته في رزقه ،إلا أنه يحتاجه عندما يكون هناك زحام

فهو حارس جيد للحمير. الطاحونة من الداخل عبارة عن قمعان كبيران

تُصب فيهما الغلال ،مرتكزان على حجرين من الصوان يدوران أسفل القمعين وهناك فتحة ينزل منها الدقيق مثبت عليها نفس شوال القمح الذي تم سكه في القمع ، يعود هذا الشوال لفتحة الدقيق يستقبل الغلال المطحونة

يعمل في الطاحونة ثلاثة أفراد من الداخل ، أحدهما يُصّب الغلال في القمعين

والآخر يستقبل الدقيق والثالث يراقب ماكينة تشغيل الطاحونة وتزيتها

أما محمد رزق شيال الطاحونة ، فرزقه على ما يهبه الطاحن.

_ لسه مش لاقية السلوقي ياحليمة .

_ ياستي السلوقي عامل زي الهوا ماتعرفيش تمسكيه.

_ معلش عشان خاطري ياحليمة.

_ أنا عارفه أجلي حيكون عليك، حروح ع الطاحونه ، النهاردة

الطاحونه زحمه وممكن ألاقية هناك ، هو بيعب الحمير والنهارده

عيده .

_ روعي بُصي عليه ولو لقتيه ، هاتيه وتعالى.

حليمة ساخرة

_ أجي ، أجي فين ؟ أنا لو لقيته حبعتهولك وارجع بيتنا.

_ ماشي ياخوافه.

_ حروح على هناك دلوقت وأمرى لله .

تخرج حليمة مسرعة فيوقفها مهران غفير الدار بتطفل ، محاولاً

معاكستها.

_ لسه بدري ياحليمة .

_ بدري من عمرك ياخويه.

يقترّب منها وينظر لها نظرات إعجاب.

_ فيه أيه ياواد ؟

_ أنا باتحدث معاك يابت .

_ وتتحدث معايه ليه ، كنت من بقية أهلي.

_ ياريت نبقوا أهل ونلم زيتنا في دقيقنا.

حليمه لا تثق في نويا مهران ، هو لا يريد زواج ويبحث عن علاقة

وهو يستضعفها وتعلم العادات والتقاليد وأنها ابنة طواب وهي

مهنة مصنفة من العبودية وإستحالة أن يفكر فيها كزوجة.

تحدثه بعنف.

_ بقولك أيه ، مش ناقصاك ، ولم روحك ولا عاوزني

أدخل أقول لست لواحظ إنك بتغت عليه كل ماباجي.

_ لا ، على أيه ،روحي يابت شوفي حالك.

ربنا يوقف حالك .

حليمه غاضبة .

_ يوقف حالك أنت وأهلك يابعيد، مش فاضيالك

ياغراب البين .

هناك قلوب بروح الملائكة، ألوانها لون الأشجار، أحلامها بصفاء
السماء ، قلوبها بنقاء الماء، خيالها بإتساع الكون والفضاء، لا يضافحون
خنجر الغدر ، وهناك قلوب ترعرعت في حجر الشيطان ، قلوب بلون
الجحيم ، لاترى سوى في الظلام ، وبصرها يخشى ضوء النهار.
... أسفل الجميزة يجلس عبدالمجتلي الحلاق وأمامه بكر أحد رجال
اللي ، يقوم بالحلاقة لبكر .

_ ماتشيلها بالموس وتريحني يامجلي (يختصر عبد المتجلي)

_ انت وراك حاجه .

_ خلصني ، اللي زمانه صحى وحيجي

علشان نلحقوا جناب الملتزم وهارون في الأبعادية.

_ ومن امتى جناب الملتزم بينزل ويروح الأبعادية

أول مره يروح هناك .

_ ماهو حيقسم الأرض ، علشان يبيعها.

_ أنهى أرض ، أرض الأبعادية .

_ لا حيبيع كل الأرض مش الابعاديه بس.

_ والناس الي بتزرع حيروحووا فين ؟

_ يروحوا مطرح ما يروحوا ، أوعى تجيب

سيرة بالكلام ده لحد ، والله أقطع خبرك.

_ وأنا أقدر أجيب سيره .

ينتهي عبدالمجتلي من الحلقة وينتفض بكر ويمشي حتى دون أن يشكره.

.....

عند الطاحونة

مثل السوق ، أناس تدخل حاملة الغلال وآخرون يخرجون بحميرهم
محملة بأشولة الدقيق ، السلوقي يلهو داخل حوش الحمير،سمح له محمد
رزق بالعودة بعد أن تعهد أن لا يعود لفعلته الشنعاء الشاذة مع إحدى
الحمير وكان محمد رزق قد ضبطه وهو يرتكب هذا الفعل الشاذ وأشبعه
ضرباً، لكن منذ أن عفا عليه وسمح له بالعودة لم يفكر في إرتكاب
هذا الفعل الشاذ.

... تصل حلیمه للطاحونة وتقترب من محمد رزق وهو يرفع

شوال دقيق ويضعه على الحماره ، الجو ملبد بغباء أبيض كثيف

يخرج من داخل الطاحونة، حلیمه لمحمد رزق.

_ماشفتش الواد السلوقي يارزق.

_ أيه مايكنش سرق حمارتكم.

_ السلوقي مابيسرقش يارزق ، ماتعرفش هو فين ؟

_ حتلاقيه مرزوع جوه في حوش الحمير.

أنت عاوزاه في أيه ؟

_ وأنت مالك أنت .

تتجه حلیمه نحو حوش الحمير وتجد السلوقي يتحدث معها.

_ أنت هنا يا حزين وأنا بدور عليك.

_ أيه يابت يا حلیمه ، عاوزه مني أيه؟

حلیمه ساخرة

_ وأنا حعوزك في أيه يافقري.

الست لواحظ هي اللي عاوزاك.

الفرحه تغطي وجه السلوقي عندما سمع بلواحظ

_ عاوزاني بجد.

_ أيوه .

_ حاخذ الحماره واروح.

_ لا اجري وشوفها الأول وأهي حمارتك مربوطه هنا.

_ ماشي

ينطلق السلوقي مسرعاً نحو قصر جعفر وتخرج خلفه حليمه من الحوش.

_ الأبعادية

لأهل الشر طقوس غريبة ، ملونة بالدم ، إعتادوا اللعب مع الشيطان
والشيطان يزين لهم كل ألعاب الشر حتى أدمنوها ، يكررون الأخطاء
ولا يعبأون ، يدوسون الضمير ، وقلوبهم عنه غافلون.
.. داخل جنينة جعفر على طريق الأبعادية ، هارون وجعفر تحت ظل أشجار
الجنينة .

_ بقالك كثير ماجتش الجنينه.

_من زمان يهاارون ، خلينا في المهم

أنت عملت أيه ؟

_ كله تمام جنابك ، قسمت الحيازه كلها لعشر

حتت ، كل حته فيهم مية فدان .

_ يعني كل حته مية فدان ؟

_ أيوه والعشر حتت هم الأبعاديه والزنقور

والظهورات ،والخور وعون والجرف والكتره

والعبله والفراسيه والكتكاته.

_ عفارم عليك يا هارون ، أنت كده فهمت

أنا عاوز أياه .

_ حروح بكره ساقلته وأعرضها على ملتزم الأشراف

واللي يجي يشتري ، إحنا مستنيين.

يدخل اللزي وخلفه بكر

_ اتعوقت عليكم ، مش كده ؟

جعفر

_ هو أنت فاضيلنا يالزي .

_ قستوا الأرض ؟

هارون

_ وقسمناها كمان وخلصنا يالزي .

.....

في الجبل

حسن يحب أن يمسك بالبدايات ، يرفض النهايات المرعبة والتي

تأتي محملة بالمفاجآت ، يتحايل على الواقع بحلم مُمسك بإرادة

حديدية ، حسن واقفاً مع منازع أسفل تبة الجبل .

_ أنا حنزل البلد يا حسن ، حشوف جعفر

عمل أيه في قسمة الأرض، علشان النهاردة

نزلوا يقيسوها .

_ أيوه خليك متابع موضوع الأرض كويس

دي أهم حاجة ، تعرف مين حيشتري

وامتى حيشتري ، فاهم يامنارع.

_ حقولك كل حاجة ، وأنا عارف مين

يقدر يشتري الأرض .

_ تفتكر مين يامنارع.

_ مايقدرش على حيازه كبيره زي

دي غير واحد زي معتصم.

_ مين معتصم ده ؟

_ راجل غني من أشرف ساقلته وإخميم.

وهو بيحب يلم الحيازات ، شكلك ناوي.

على نية كبيره ، مش كده يا حسن .

_ كده يامنارع ، حاخد حقي وظلمي بحكم ظالم وأخد بحق

بحق أرمنيوس وسديري ورحان وحق كل أهل البلد.

أمام الجامع

وقت خروج المُصلين من صلاة العصر ، يقف عبدالمجتلي

أمام باب المسجد منتظراً الشيخ آدم، خرج كل المصلين

وهم ينظرون بتعجب لعبدالمجتلي الذي لم يكن معهم في

صلاة الجماعة، الشيخ آدم وبصحبه ابنه شحاته يخرجان

من المسجد فيستوقفهما عبدالمجتلي الحلاق الأخنف.

_ حرماً ياشيخ آدم .

_ ده صوت عبدالمجتلي ،مش كده يا شحاته؟

_ أيوه يابا .

_ جمعاً يا عبدالمجتلي ، أوعى تقولي

كنت بتصلي معانا.

_ الجمعة الي جايه حصلي.

_ طول عمرك بتقول كده

الظاهر إن جمعتك مابتجيش يا عبدالمجتلي

فكرتني بمحمود برطوعه لما دخل يصلي

وطلع مالقيش حمارته وحلف مايصلي تاني.

_ ياعم سيبك من محمود عثمان

أنا جايك في حاجه مهمه قوي.

_ قول يا عبد المتجلي.

_ طيب احلف بحياة الشيخ عبدالحميد

انك الي حقوله حيكون سر.

_ انا مش بحلف غير بالله يا جاهل

مش ببركة الشيخ عبدالحميد

وكمان ، مش ححلف ، عاوز تقول

قول ، لو مش عاوز بلاش.

_ طيب حقول ، وكأني ما قولتش حاجه

ما تجبش سيرتي.

_ قول يا جبان .

_ أنا الصبح عند الجميزة الي عند بيتك

كنت بزين الواد بكر ، وعرفت منه إن

جعفر حيقطع كل الأرض الي في الزمام

بتاعه ويبيعهها .

المفاجأة هزت الشيخ آدم

_ حبييع كل الأرض اللي في زمام الحاجر كلها.

_ أيوه ، وقلي حقطع رقبتك لو تجيب سيره لحد.

_ طيب وأهل البلد يروحوا فين ، دول عايشين

عليها وراضين بالفتات، حروحوا يقشروا بصل.

_ قلت له كده ، قلي يروحوا مطرح مايروحوا.

_ يالها من بلده مُتقلبه كأمواج البحر.

_ والنبي بلاش كلامك المكلكع ده.

_ دي كارثة وحلت ع البلد ، وديني

على بيت المقدس ياواد ياشحاته.

_ وهو حيعمل أيه يعني؟

_ حتحدث معاه ، يمكن نلاقي حل

للمصيبة اللي حلت على البلد دي.

.....

السلوتي يجري بسرعة داخل الدرب ، لا يعبأ بنباح الكلاب ولا مطاراداتها
وصل لقصر جعفر ، حاول أن يدخل وكالعادة مهران منعه.

_ رايح فين ياواد ياسلوتي ؟

_لواظ عاوزاني.

مهران ساخراً

_ الست لواظ ، عاوزاك أنت !

.....

لواظ تقف في شرفة المنزل، ترى السلوتي واقفاً مع مهران، تغمرها

السعادة وتنادي على مهران .

_ سييه يامهران يدخل ، أنا نازلالك ياسلوتي.

... لواظ تنزل مسرعة وسرعان ماتعود فقد نسيت قطعة القماش

أمسكتها وضممتها إلى صدرها ونزلت بها مسرعة ،قلبها نبضاته

تطير فرحاً .

.....

.. في نفس اللحظة ، منيرة تخرج من دارها ، محدثة الغفير طلب

_ لو جه أخويه ، قول له أني رحت أشوف لواحظ.

_ ماشي ياست منيره .

_ وفتح عنيك كويس ياواد، مفيش حد مننا جوه.

_ ماحدش يقدر يهوب هنا ، طول ماطلب موجود.

منيره ساخرة

_ ماهوبوا قبل كده ، ودخلوا كمان ، ماتعمليش فيها سبع.

تنظر منيرة بسخرية لطلب ، ثم تُكمل طريقها لقصر جعفر.

.....

لواظظ تخرج من الباب وتسير عبر ممر الحديقة حتى باب القصر

تجد السلوقي واقفاً بجوار مهران .

_ ادخل ياسلوقي.

السلوقي يدخل وهو ينظر بتعالى وشماته للغفير مهران.

_ حتديني حاجه حلوه .

تُخرج لواظظ من جيبها ثلاث قطع خَلْعَة وهي حلوى مصنوعة

من العسل الأسود ، تشبه إلى حد كبير حجر الشيشة، لونها بني غامق

تنتشر بكثرة في الصعيد وقت حصاد القمح، السلوقي يفرح بقطع

الخلعة .

_ الله ، الخلعه دي للسلوقي.

_ أيوه ياسلوقي.

.....

منيره تسير عبر الدرب ، تجد الكراهية في نظرات من يقابلها

من نساء البلدة وهي تفسر تلك الكراهية على أنها حسد وغيرة

منها و خوف من أخيها، فتقابل نظرات الإستهجان منهم بنظرات

كِبْرٍ وَتَعَالِي وَعَظْرَسَة، تصل لدار جعفر.

_ الست لواحظ صحيت ياواد يامهران ؟

_ من بدري ، لسه الواد سلوتي داخل ليها دلوقت.

...علت الدهشة وجه منيرة ، من وجود السلوتي ودخوله الدار.تُحدث نفسها

_ السلوتي بيعمل أيه جوه مع لواحظ.

تدخل منيره إلى داخل الممر، تبحث في الحديقة عن لواحظ، تلمحها
من بعيد ، تتسلل حتى تقترب منها ، توارت خلف إحدى الأشجار
تري لواحظ والسلوقي بوضوح، تستمع لحديثهم.

لواحظ

_ أنا عاوزاك تروح لحسن ياسلوقي.

....منيرة أذهلتها المفاجأة ومعرفة لواحظ لحسن ، راحت تسترق السمع
بشكل أوضح.

السلوقي

_ ماشي أروح لحسن ، أنا بحب حسن قوي.

_ أنا عاوزاك تديله دي .

تُخرج قطعة القماش من جيبها وتعطيها للسلوقي ، الذي يضعها
في جيبه .

السلوقي

_ أنت بتبعتيه منديل زي ماهو بعتلك صح.

_ أيوه صح ياسلوقي.

... المفاجآت تنزل على منيرة كالصاعقة، ذهول ودهشة، تحدث نفسها
_ بقى حسن بيبعتها وهي بتبعته، دي الحكاية، باينها كبيره.

لواظ للسلوتي

_ حُزوح لِحسن امتي؟

_ حَظير دِلوقت عليه.

يَتنجه السلوتي نحو الباب وتتابعه لواظ وهي في غاية الفرح

والسعادة ، خرج السلوتي من الباب ، الفرحة لا تسعها ، تشعر

أنها تطير وتحلق في الفضاء ، لاتدري أن هناك حية رقطاع

رصدت ماحدث بينها وبين السلوتي ،لواظ إتجهت نحو باب

الدار وإنتظرتها منيرة حتى دخلت وإختفت، خرجت منيره مسرعة

من الباب قاصده السلوتي .

الغفير مهران لمنيره

_ أياه ياست منيره ، أنت مالحقتيش تقعدني؟

_ اتنيل وخليك في حالك ياغراب أنت.

تسير وهي تتابع السلوتي من بعيد ، تجد بكر ممسكاً بعود قصب

ويمص القصب .

_ واد يابكر .

يقف بكر

_ أيوه ياست منيره .

_ شايف الواد السلوتي .

_ أيوه .

_ عاوزاك تتسحب وراه من غير مايحس بيك

أوعى يغيب عن عينك، شوفه رايع فين

وإستناه كمان لما يرجع وهو راجع تجيبهولي.

_ دي ساهله.

_ لا مش ساهله، ده رايع يقابل حسن.

ينتتاب بكر الرعب عندما سمع إسم حسن

_ يقابل مين ياست منيره.

_ أنت خايف ياواد، حقول للزي.

_ لا مش خايف وحروح وراه .

_ طيب إنجر قبل مايغيب عن عينك

تواصل منيره سيرها حتى باب الدار ، طلب يقف مُرحباً بها

تقترب منه .

_ اجري ياواد شوفلي اللزي فين

ولما تلاقيه قوله منيره عاوزاك دلوقت

_دار ارمنيوس

يجلس أرمنيوس على الدكة ، يستريح من مشوار الدير، بجواره يشعه

وعلى الكنبه المقابله تجلس مريم .

مريم

_ أديك شميّتي شوية هوا ياشعه.

_ أيوه نُقي فيها يامريم ، كنت محتاجه ياختي

أتنفس شويه ، وكلام أبونا ريحني كثير.

_ يابختك ياختي.

ارمنيوس

_ المره الي جايه حاخذك يامريم.

طرق على الباب ، تتجه يشعه وتفتح الباب ويدخل الشيخ آدم بصحبة

إبنه شحاته.

الشيخ آدم

_ المقدس ارمنيوس هنا.

_ايوه ياعم الشيخ ادم ، اتفضل .

يدخل الشيخ ادم ، الشيخ آدم يقف ويمسك بيده ويُجلسه على الدكة.

_ لو قدمت شويه ، ماكنتش حتلاقيني .

_ ليه كنت فين يامقدس ؟

_ كنت في الدير ، رحت أصلي ورجعت.

يلتفت ليشعه اعلمي شاي لعمك الشيخ آدم يامريم .

_ حاضر يابا

تدخل مريم لداخل الدار.

_ بص يامقدس ، وصلني خبر مايطمنش.

_ ياساير يارب ، خير ياشيخ آدم.

_ لقد اخبرني المعتوه مزين الغبره عبدالمجتلي

أن جعفر حبييع كل الأراضي الي في زمام الحاجر.

_ حبييع الحيازه كلها .

_ أيوه ، الواد بكر كان بيتزين عند

عبدالمجتلي وقال كده .

_ دي تبقى مصيبه حلت ع البلد.

_ علشان كده انا جيتلك .

_ والعمل دلوقت .

_ نروحوا نقابلوه .

_ نقابلوه تاني ياشيخ آدم ، أنت مابتَحَرَمش.

السلوتي يسير عبر الصحراء بحمارته وبكر يتابعه من بعيد، يصل منطقة

السيف ، يترك حمارته بعد أن يربطها بقدميها يصعد هضبة عالية ، يبدأ النزول حتى يصل للمنطقة
المرتفعة قليلاً المسماه بالدرب ، بكر يتسلل خلفه

دون أن يشعر به السلوتي .

.....

في دار اللزي ، منيره تمشي ذهاباً وإياباً وسط الدار .

_ بقي كل ده يطلع منك يالوا حظ ، أنا مش مصدقه

نفسى واصل ، لوا حظ بنت جعفر بتعشق ، ومين

حسن عدو أبوها، يأمرك يالوا حظ ، شوفتيه وشافك

إزاي.

.....

أمام الخيمة في الجبل، يجلس حمدان وحسن .

_ قلبي متوغوش على ليله اختي يا حسن.

_ ليله مفتحه ومش ساهله يا حمدان

اللي مش حيقدر عليها .

_ أنا عارف ، بس خايف يؤذيها.

_ ما يقدرش يعمل فيها حاجه ، اللي

مجنون بيها وصعب يؤذيها.

يلمح حسن السلوتي قادم من بعيد.

_ فيه حد جاي ؟

_ دي مشية الواد السلوتي .

_ أكيد جاي يقولنا حاجه ، تعالى نشوفه.

ينزل حسن وحمدان في اتجاه السلوتي، ما إن يراهم حتى يقع على

الأرض من التعب ، يلهث بأنفاس متسارعة.

حمدان

_ ارتاح وخذ نفسك ياسلوتي.

السلوتي يتتهته في الكلام ويخرج من جيبه قطعة القماش ويعطيها لحسن

_ لواظ. بعتالك المنديل ده.

وماتبَعَتَوْشُ حاجه ثاني معايه ، تعبت.

حسن يفتح قطعة القماش ويقرأ (_ بكتبك يا حسن على حته من جلبيتي ، علشان

نفسى يبقى معاك وريحتي ،أنا عايشه في الدنيا

عشانك وبيك ، وماليش رجا من ربنا غير أكون ليك.

مفيش قلب أحسن من قلبك يا حسن ، والختام سلام

من قلب مايعرف ينام.

تدمع عيني حسن ويضع قطعة القماش على قلبه .

السلوقي ينتفض مسرعاً

_ حمشي أنا ألحق الحماره أحسن ياكلها ديب.

حسن

_ تشكر ياسلوقي ، تعبناك معانا، خلي

بالك من نفسك .

السلوقي يبدأ النزول من درب الجبل.

_ شُفت الكلام الحلوا اللي كاتباه لوا حظ يا حمدان.

_العشق مر يحسن ويخليها تقول أكثر من كده.

_ تعرف يا حمدان ، لوا حظ الحاجه الحلوه

اللي مصبراني في اللي أنا فيه.

_ دا انت واقع لشوشتك يا حسن ، شُفت القلب

وعمايله ، مالقيش غير بنت عدونا يحبها

قولي حاسس بأيه دلوقت.

_ حاسس أني زي الطير اللي طائر، وتايه

في الفضا ، مش لاقى فرع شجره يتاويه

طائر وبس ، لاعارف رايح فين ولا له

طريق يرجعله، ينزل ولا يطير

هو ده حالي يا حمدان .

_ المؤامرة

إن حاولت أن تُحصي وجوههم أُصِبت بالإحباط ،قلوب أفلست ليس

لديها رصيد من رحمة ، هجرها الضمير، تاريخهم في القرية ملطخ

بالسواد، ملتزم خلف ملتزم ولا يكُف النباح، هذا هو حال بلدة غنية

يسرقون مايسرقون وهي ماتزال فتية .

في مضيعة جعفر يجلس جعفر وبصحبه اللزي وهارون.

هارون

_ الشريف معتصم يمكن يجي الأسبوع ده يا جناب

الملتزم .

_ يشرف في أي وقت وحينزل ضيف عندي

ويتعمله تشريفه تليق بيه.

اللزي

_ أنا حستقبله بنفسي أنا والرجاله من بره

البلد .

يدخل طلب وهو يحاول أن يستجمع أنفاسه

اللزي

_ فيه حاجه ياواد يا طلب؟

_ أيوه ياسبع ، الست منيره عاوزاك حالاً.

_ خير ، فيه حاجه حصلت؟

_ بتقولي ماتسيبوش وهاته معاك .

_ طيب انجر قدامي يابجم.

جعفر

_ مالها الست منيره.

_ بعتالي ، حروح أشوف فيه أيه؟ حوصل

الدار وأرجعلكم.

يخرج اللزي مسرعاً وخلفه طلب

.....

لا تيأس إن تأخر شروق الشمس ، وانتظر شروق جديد حتى لو تأخر كثيراً
حاول أن تبحث عنها خلف السحب والغيوم وسوف تجدها ولا تضيع حياتك
في الإنتظار .

في حجرة لواحظ مع جليستها المعتادة حليمه.

- _ سمعتي الكلام الي دابر في البلد.
- _ كلام ايه يالوا حظ، أوعي يكون عني؟
- _ لا ياستي ، عن أبوكي.
- _ ماله أبويه يابت.
- _ حبيبع كل الأرض الي في الزمام.
- _ أيوه سمعته بيقول كده ، ولما حاولت
أكلمه شخط فيه وزعقلي.
- _ وانت فاكركه الموضوع ممكن يعدي بالساهل؟
- _ حيحصل أيه؟
- _ حسن مش حيسكت .
- _ وحسن ماله بالأرض.
- _ حسن واقف مع أهل البلد الغلابه
- إن كان وقف لابوكي واللزي وضرب
- كريم علشان عاوزين ياخدوا دار المقدس
- مابالك والأرض الي عايشين عليها أهل البلد
- وحمداني وحمدان ابنه لو هو ما اتحركش
- حيخلوه يتحرك.

_ وتفتكري ممكن يعمل أيه ؟

_ ممكن يحصل فيها ضرب وقتل.

لواظ تبكي

_ يعني معرفش أفرح يوم، لازم كل فرحه

تجر وراها نكد وهم ووجع ، إنزلي ياحليمه

سيبيني لوحداك

_ أنا ماكنتش أقصد حاجه.

_ عارفه ياحليمه ، قولتلك سيبيني لوحدي

.....

الذي يسير عائداً للدار وخلفه طلب ، قبل أن يصل للبيت بأمطار

قليله يقطع منازل عليه الطريق .

_ منازل ! أيه اللي جابك دلوقت.؟

_ جاي علشان أقولك ، لقيت آثار أقدام

وشغال عليها وحتوصلني لحسن .

الذي تنفرج أساريه.

_ أيوه كده ، مايجيبها إلا رجالها.

_ يعني أستاهل أتعشى.

_بيتك ومطرحك ، اتفضل معايه.

باب الدار مفتوح ، يدخل اللزي وخلفه منازع ، منيره لم تنتظر كثيراً

ولم تعباً بمنازع.

_ كويس الي جيت دلوقت.

_خير ، فيه أيه تاني يامنيره؟ سمعتي حاجه

تاني عند ليله.

_ لا ، الي عاوزاك فيه أهم من ليله.

_ أيه ده الي أهم من ليله؟

_ مش حينفع أتكلم قدام حد .

منازع يستشعر الحرج .

_ أنا حدخل المضيفه وانتوا خدوا راحتكم.

اللزي

_ أنت مش عاوز عزومه ، اتفضل وأنا

حخلص وأجيلك.

يدخل منازع حجرة المضيفة.

_ حتفضل طابير لحد أمتي يامنازع، لا دار تؤيك

ولا عيل يشيل إسمك، وادي قعده .

يجلس على أقرب دكة ، بدأ يأتي إلى مسامعه صوت اللزي.

_ أنت إتهوستي، عشييه بتتهمي ليله

والنهارده إستلمتي لو احظ..، وكمان

بتقولي لواحظ بتعشق حسن ، تيجي إزاي.

عندما يأتي إلى مسامع منازع إسم حسن منازع ، إنزعج وتسلل بهدوء

حتي يستمع لهم بشكل أوضح.

_ طيب بالراحه ياخويه، الكلام أخذ وعطا .

_ قولي وخلصيني ، أنا عارف حكاويك

الماسخه.

_ لو كلامي طلع غلط ، إقطع رقبتني.

_ وده كلام يتعقل.

_ افهم اللي حقوله وبعدين اعمل اللي عاوزه.

اللي بغيظ.

_أنا رحت علشان أزور لواحظ ، وانا داخله

سألت عليها الواد مهران ، قلي مع السلوتي

لسه داخل يقابلها .

_ السلوتي داخل يقابل لواظ ؟

_ ماتقاطعنيش بس ياخويه ، دخلت أدور

عليها ، سمعت صوتها بتتكلم مع السلوتي

وتقوله عاوزاك تودي دي لحسن، حاجه زي

منديل أو خَلقة مقطوعه والسلوتي بيقولها

هو يبعثلك منديل وأنت تبعتي منديل

_ منديل أيه ؟

_ ماعرفشي ، بس أنا خليت الواد بكر

يمشي ورا السلوتي ، ويشوفه رايح فين.

وقلت له لما يرجع السلوتي هاته وتعالى.

_ يعني بكر ورا السلوتي دلوقت .

_ أيوه .

منازع يقترب أكثر وأكثر.

_يعني السلوتي على كلامك رايح يودي

مرسال من لواظ لحسن .

_ أيوه .

_ كلام مايتعقلش ومش قادر أفهمه.

_ لما يجي بكر ومعاها السلوتي

حتعرف كل حاجه.

_ حنشوف يامنيره وأنا مستنيهم.

يتجه نحو غرفة الضيوف فيسمع منازع وقع أقدامه فيجري بسرعة

ويجلس على أقرب مقعد.

_ ياوقعه طين ، باين كلامها صح، كده

مممكن يعتروا في حسن.

يدخل اللزي

_ معلش يامنازع ، إتعوقت عليك.

_ ولا يهمك ، أكيد حاجه مهمه أخرتك.

_ لا مفيش ، أنا واخد على كده من منيره.

.....

بالقرب من دار اللزي ، يظهر بكر وهو ممسكا بملابس السلوتي من ملابسه
عند كتفه.

_ اطلع قدامي يا ابن العبيطه.

_ أنت واخدي فين ؟

_ دلوقت تعرف .

يصل بكر وهو ممسكاً بالسلوتي لباب دار اللزي ، طلب يقف في زهول

_ مال الواد السلوتي يا بكر ؟ عمل حاجه ؟

_ عمل بلاوي سوده ، حبقى أقولك عليها.

السلوتي يبيكي.

_ أنا معملتش حاجه، سيبوني .

بكر يطرق باب الدار وتفتح منيره.

_ جيت في وقتك ياواد يابكر، عفارم عليك.

_ ومعايه السلوتي.

_ ادخل بالحزين ده.

_ في مدخل الدار ، منيره والسلوتي وبكر .

_ قولي حصل أيه ياواد يابكر.

_ مشيت وراه زي ماقولتيلي ، وصل الدرب

الي في الجبل ، قابل حسن واداه حاجه

_ تعالى علشان تقول الكلام ده للزي.

في مضيعة اللزي ، منازع يحاول أن يستدرج اللزي في الكلام

_ عمل أية جعفر النهاردة ، قاس الارض.

_ أيوه وقطعها لعشر حنت ، كل حته مية فدان.

_ ولقي حد يشتري ولا لا.

_ معتصم حيبي الاسبوع ده .

منيره تفتحم حجرة الضيوف .

_ بكر جه وجاب السلوقي معاه

تعالى إسمع كل حاجه بنفسك.

يخرج اللزي من حجرة المضيعة ويتجه لوسط الدار حيث بكر ومنيره

ومعهم السلوقي.

_ أية الحكاياه ياواد يا بكر ؟

_ الست منيرة قالتلي امشي ورا السلوقي

وشوفه رايح فين ، مشيت وراح ، لقينته دخل

الدرب اللي في الجبل اللي ورا السيف..، وقابل

حسن هناك.

.....

في حجرة المضيفه ، منازع في قلق وحيرة ، أدرك أن حياة حسن في خطر

_ الحكايه باينها كبيره ،لازم ألحق حسن دلوقت.

يفتح باب المضيفه ويخرج متسللاً، يصل إلى الباب الخارجي، لا يلتفت

للغفير طلب الذي علتة الدهشه ومنازع يخرج مسرعاً

طلب لنفسه.

_ فيه أيه ؟ أنا مش فاهم حاجه واصل

دلوقت لمايجي بكر حيقولي كل حاجه

.....

في منتصف دار اللزي ، يقف مستجوباً للسلوتي.

_ يعني أنت يا اهيل ، عارف مكان حسن ، وبتروح عنده.

بكر

_ ايوه ياسبع ، وطلعنا كلنا عبايط.

اللزي بغضب.

_ استنى انت يا بجم.

يلتفت نحو السلوتي

_ وأيه حكاية الخلقة الي بعثتها لواحظ لحسن

_ معرفش حاجه ، هي ادتني خلعه والخلقة

قالتلي وديها لحسن .

يلتفت نحو بكر.

_ وأنت شُفته بعنيك وهو بيقابل حسن.

_ أيوه ياسبع، ورجعت معاه ولما وصل البلد

مسكته وجيت بيه عليك.

.....

حجرة ليلة التي كانت تقف وتفتح الباب قليلاً وتراقب المشهد من بعيد.

_ والعمل دلوقت ياليله ، حسن وأبوكي وأخوكي في خطر.

أهرب وأروح أقولهم ، طيب وحهرب إزاي

آه يامُرك ياليله.

تسمع صوت اللزي وهو يتحدث مع بكر.

_ دَخل المخبول ده حوش البهايم

حتى أشوف صرفه فيه.

.....

منيرة للزي

_ مش حتقول لجعفر.

_ حقوله بعد ما أخلص على حسن

وأجيب رقبتة.

ليله لم يعجبها كلام اللزي عن حسن.

_ ان شاء الله تيجي رقبتك أنت مش

رقبة حسن يامفتري.

تمشي في حجرتها وهي في حيرة وقلق ورعب.

_ وبعدين ياليله ، حتفضلي ساكتة.

بس اللزي قال مش حيضر أبويه وأخويه.

بس حيضر حسن ، هو انت نسييتي اللي عمله

علشانك وعلشان سديري وأبوكي وأخوي.

.....

الذي يتذكر منازع ويتوجه لحجرة المضيفة .

_ حاحد منازع وباقى الرجاله ونهجم

على حسن فى الدرب.

يدخل الحجرة.

_ معلىش يامنازع اتعوقت

قبل أن يكمل جملته كانت المفاجأة منازع غير موجود.

_ يكون راح فىن منازع ، برضه

ده كلام يامنازع.

الذي يحدث نفسه .

_ ببقى أكيد سمعنا وعرف مكان حسن

وراح يسبقنا ويخلص على حسن

علشان ياخذ العشرين أردب قمح.

طيب و بعدين يالذي، أسيبه هو يخلص عليه

لكن ده ممكن يقتل الحمداني وابنه

ولو حصل ليله مش حتنسها لك.

يقطع تفكيره حضور ليله هي تقف على باب المضيفة.

_ ليله ؟ فيه أيه .

- _ عاوزاك في كلمتين .
- _ تعالي، ادخي .
- _ خير ياليله ؟
- _ عاوزه أطلب حاجه ، بس خايفه تكسفني.
- _ قولي ياليله ، مقدرش أرفضك طلب.
- _ أنا سمعت كل حاجه ، عاوزاك تسيب
- حسن وأبويه وأخويه في حالهم.
- _ مش حينفع ياليله ، أنا سبت حسن
- غيري مش حيسيبيه.
- _ تُقصد مين غيرك .
- _ منازع ،تلاقيه قرب يوصل هناك
- ومنازع مايرحمش ، ممكن يخلص
- على حسن وأبوي وأخوي.
- _ وهو ماله بيهم ، حد كراه عليهم.
- _ أنا كريته على حسن بس وخايف
- يروح ابوي وأخوي في السكه
- علشان كده أنا حاخد الرجاله وأروح دلوقت.

على الأقل الحق أبوكي وأخوكي.

_ وحسن .

_ حسن محكوم عليه بالإعدام ، لوسبته

الكل حيروح فطيس ، يا أروح أنا

أخلص على حسن وأجيب أبوكي وأخوكي.

.....

منازع يسير بسرعة ، حل عليه الإجهاد والتعب، تحامل على نفسه
حتى دخل الخيمة ، سقط داخل الخيمة، اندفع إليه حسن وحمله من على
الأرض ووضعه على صدره .

_ كوب ميه يامرسال.

مرسال يأتي بالماء سريعاً، يُسقيه حسن الماء ويرش وجهه ببعض
الماء ، الحمداني وحمدان يحاولون إسعافه مع حسن ، بدأ منازع
يسترد أنفاسه .

حسن

_ فيه أيه يامنازع ؟ أيه اللي عمل فيك كده.

_ أنا جاي أجري من البلد حتى هنا

ماوقفتش خالص ياحسن، انتوا في خطر.

الحمداني

_ فيه أيه يابني.

_ اللزي عرف مكانكم ، وممكن يجي

في أي وقت دلوقت.

حمدان

_ عرف مكانا إزاي؟

_ منيره اخته شافت لواحظ بنت

جعفر وهي مع السلوقي وبتديه

حاجه يوصلها لحسن ، وبعثت

واحد من الرجاله ورا السلوقي

وشاف السلوقي معاكم واول مارجع

السلوقي البلد مسكوه وسلموه للزي

واللزي حبسه في حوش البهايم

_ يعني كده عرفوا موضوع لواحظ معايا؟

_ ايوه ياحسن ، بس مش ده المهم.

_مش مهم إزاي ، لوا حظ في خطر.

_ كلنا في خطر دلوقت يا حسن

الزّي حيّجي هنا دلوقت، كمان

علشان أنا مشيت من الدار من غير مأقوله

وجيت علشان أحذرك، هو حيفكر أني جيت

أخلص عليك واخد العشرين أردب قمح

وأنّي طمعت وسبقته على رقبتك.

.....

الذي يمتَطي حصانه ويمسك ببندقته ومعه هارون وكريم يمسك كلاً منهما ببندقية معهم جمع من الرجال ، يتجهون نحو الجبل في ليلة خفت فيها ضوء القمر . الذي يحلُّم بالتخلص من حسن وإحضر الحمداني وحمدان لإرضاء ليله ، يسابق الريح قبل أن يصل إليهم منازع ، هو يعلم أن منازع عندما يسكن الجبل يستغني عن حصانه.

.....

داخل الخيمة في الجبل، حسن ومنازع والحمداني وحمدان ومرسال يفكرون في كيفية الخروج من مأزق هجوم الذي وأشدهم قلقاً الحمداني.

الحمداني

_ حنعمل أيه دلوقت يا حسن؟

_ مش حنهرب وحنكون مُستعدين ليهم.

يلتفت حسن نحو منازع .

_ تفتكر معاهم كام باروده يامنازع.

_ حوالي تلاته ، اللزي وهارون وُكُريم

ماافتكرش باقي الرجاله معاهم، أنا السبب

ياريتني ماجبتهم.

_ نصيب يامنازع ، أنت كفرت عن غلطتك

وجبتلي تلاته ، ومعاك واحده ، يبقى معانا

أربع بارودات.

حمدان

_ يعني حنواجهم.

حسن

_ نعم حنواجهم.

منازع

_ تسلم دماغك يا حسن ، اللزي مايعرفش

إن عندك بارود ولا عامل حسابہ ، كده

ضمنت تفاجئهم وتغلبهم.

_ مضيضة جعفر

مائدة العشاء ، على المائدة طبق به زوجان من الحمام المحشي بالفريك
وطبق آخر به قطع كبيرة من اللحم، طبق شوربة (مسلوقه بلغة الصعيد)
مطشوشة بالثوم ، طبق ويكا و طبق ملوخية وعيش شمسي، يتناول جعفر
طعام العشاء بصحبة لواحظ، يقطع عليهم الطعام حضور الغفير مهران.

_الحق يابيه .

_ فيه آيه ياواد يامهران؟

_اللي لامي كل الرجاله وطلع على الجبل

_ طلع يعمل آيه.؟

وقف الطعام في فم لواحظ وكاد أن يحدث لها قئ من هول

المفاجأة .

_ حيروحوا يجيبوا حسن .

_ هو عرف مكانه ؟.

_ أيوه .

_ عرف مكانه من الواد السلوتي ، يقولوا

مستخبي في الدرب الي ورا السيف.

ترتبك لواحظ وعندما تحاول أن تقف على قدميها ، تسقط الأواني

والأطباق الموضوعة على مائدة الطعام.

تم بحمد الله

يُتبع الجزء الرابع والآخر الرياينه شرق.